

SAMUELIS PUFENDORFII
TRACTATUS
HISTORICUS

DE

MONARCHIA
PONTIFICIS
ROMANI.

Cum Gratia & Privilegio Elect. Sax.



FRANCOFURTI AD MOENDEM,
Sumptibus FRIDERICI KNOCHII,

Anno MDC LXXXVIII.

Os 7. 4. 227²



DE

MONARCHIA PONTIFICIS ROMANI.

§. I.

DE Pontifice Romano disputari *Papam*
 bifariam potest: Vel enim ea Re- *politice*
 ligionis capita, quæ à reliquorum *considera-*
 Christianorum dogmate abhor- *tur*
 rent; in disquisitionem veniunt: quatenus
 ea videlicet aut congruunt cum Sacris Li-
 teris; aut pugnant: item; quatenus ea ad
 æternam salutem comparandam; aut uti-
 lia sunt; aut noxia: vel de civili ejus po-
 testate differitur; quatenus scilicet non so-
 lum magnam Italiæ partem Imperio com-
 plectitur, verum etiam totius Orbis Chri-
 stiani Principatum, saltē in rebus divinis,
 sibi arrogat; & reipsa ejusmodi potesta-
 tem in eos Europæ Reges; Principes ac
 Respublicas, quæ ipsius sectam sequuntur,
 usurpat: Quorum alterum, ut est ab insti-
 tuto nostro alienum; ita Theologis dis-
 ceptandum relinquimus: Alterum vero
 est ejusmodi, ut illud à perito rerum civilium

lium negligi nequaquam debeat. Summam enim Principum potestatem haud parum immutari ab ejusmodi Imperio Ecclesiastico & circumscribi, vel potius mutilari constat. Atque tam arcto cum civilibus rationibus nexu copulata Religio est, ut ad consummati Politici cognitionem magnopere pertineat, scire, quibus orta initiis Monarchia Ecclesiastica in tantam magnitudinem excreverit, quibusve subnixa rationibus ad hunc usque diem conservata fuerit. Ea re simul apparebit controversiarum, quæ hoc tempore inter Christianos agitantur in Occidente, ratio, & quatenus ea seu ex diversa Sacrarum Litterarum interpretatione, seu rerum humanarum respectu promanent, in propatulo erit. Quidus rebus penitus perspectis, vit prudens & emunctæ naris, ecqua controversiæ componendæ spes reliqua sit, suspicari facile potest.

*Cæcitas
Gentilis s.
Ethnica.*

§. 2. Cæterum, ut rem ab ultimo repetamus initio, ante natum Christum, præter Judæos, omnes totius Orbis nationes densissimis superstitionum tenebris involutas, & in summa rerum divinarum ignorantia versatas esse constat. Nam quæ de Diis vulgo tradebantur, ea maxima ex parte ad fabulas aniles referri, & in turpissimis fere commentis numerari poterant.

terant. Quanquam inter eruditos, quive supra vulgus sapere sibi videbantur, haud deerant, qui paullo saniores de rebus divinis & statu animi opinionem haberent, & in hoc genere minus, quam ceteri mortales ineptirent: ita tamen confusa erat ipsorum disputatio, & imperfecta, ita ambigua, nec constante ratione subnixa, fluctuabat, ut ne ipsis quidem ad extremum ratio suæ sententiæ constaret. Virtuti operam esse dandam, plerique omnes viderunt quidem & perspexerunt: cæterum vim ejus ac potestatem ignorarunt; omnes quippe virtutis fructus commodis vitæ civilis, & gloria honoribusque metiebantur. Nam quæ de præmiis poenisque pro suo cuique merito post obitum divinitus constitutis Poëtæ memoriæ prodiderunt, ea, qui prudentissimi videri volebant, pro fabulis commentitiis, & terrendæ plebi ac refranandæ confictis habebant. Reliqua multitudo omni fere rerum coelestium cogitatione soluta in diem vivebat. Nec vero apud Ethnicos ulla Religionis disciplina & institutio fuit, nec quæ de rebus divinis scire nos oportet, certis comprehensa capitibus erant. Cultus divinus quoque maxima ex parte constabat è sacrificiis, è cerimoniis, è statis diebus festis: qui tamen ludis, spectaculis,

omnique luxuriæ genere potius, quam rerum divinarum contemplatione transigebantur. Perspicuum igitur est, ab ejusmodi gentilium Religione nec vitæ morumque sanctimoniam vivis, nec spem ullam aut solatium morientibus afferri potuisse.

*Judaica
Religionis
qualitas
& Status.*

§. 3. Solis Judæis ea tempestate Deus veræ Religionis mysteria, quæ ad animæ salutem viam munirent, patefecerat. Inter Judaicam tamen & Christianam Religionem magnum interjectum intervallum erat. Illa quippe Liberatorem generis humani, tanquam omnis salutis fontem, spe, promissis, ac typo quodam adumbrabat; hæc oraculorum fidem jam impleram repræsentat, Messiamque jam adventasse docet. Illa multis gravibusque cærimoniis onerata & quasi vestita fuit, è quibus multæ ad Rempublicam & indolem ejus gentis accommodatæ fuerant, ut sacra Judaica propter diversitatem institutorum ægrè suscipi ab omnibus nationibus possent. Hisce ritibus institutisque intervallum ingens inter Judaicam gentem & reliquas nationes interjectum fuit, ut his haud facilis ad illam aditus pateret. Quanquam nec iis usque adeo omnis ad æternam salutem aditus interclusus erat, ut non, reposita in venturo Messia fiducia, adipisci

adipisci eam possent. Inter Judæos quoque nonnulli traducere gentiles ab idololatria ad verum Divini Numinis cultum satis contendebant; maximè eos, quibus cum ipsis usus aliquis aut commercium intercedebat. Verumenimverò nondum placuit divinæ Sapientiæ, certos legatos seu Apostolos, peculiaribus instructos dotibus in omnes mundi partes mittere, qui cunctos populos ad suscipiendam Religionem Judaicam invitarent. Nam quod singuli, pro se quisque, aggregare paganos ad verum Divini Numinis cultum nitebantur, id ad summam, comparatione totius universitatis, haud multum profecit. Porro Judæi à prærogativa judicii Divini elati, quum tanquam adoptivus Dei populus & reliquas gentes dignitate antecederent, & eorum propria unici Templi Divini possessio esset, reliquas nationes ad unum omnes tum temporis præ se contemserunt. Atque ita quarundam cærimoniarum ratio ferebat, ut à familiari reliquarum gentium usu abstinere quibusdam in rebus cogerentur. Itaque acerimum reliquarum nationum in Judæos odium, & horum in illas mutuum, ex ea re, ut fit, exortum, impedimento fuit, quo minus longè lateque semina Religionis Judaicæ præpagarentur. Nec Templi Hie-

rosolymitani, publici ac solemnis cultus causa, adeundi necessitatem concoquere ulla gens poterat, indignum esse rata, non ejusdem sanctitatis templum exstrui à semetipsa in suis finibus posse. Denique qui sacris Judaicis exteri initiati fuerant, non eodem quo indigenæ dignitatis loco aut gradu censebantur; ut pauci existerent, qui propter Judaicam Religionem, contemptum illum, cui obnoxii esse peregrini solent, subire vellent.

*Religio
Christiana
omnibus
subservit.*

§. 4. Sed Christiana Religio non solum in multo clariore luce posita est, multisque, præ Judaicæ, commoditatibus gaudet, quæ Theologis relinquimus; verum etiam ab iis est rebus immunis, quæ Judaicum cultum peculiarem omnino & à reliquarum gentium institutis penitus sejunctum reddiderunt: eaque habet omnia, quæ ad Religionem universalem pertinent. Ac perinde suscipi eam ab omnibus mortalibus oportet. Quod quidem ad genium & indolem Religionis Christianæ perscrutandam & penitus cognoscendam, inprimis observatu dignum est. In ea quippe haudquaquam peculiarem sibi locum Deus, ad facienda sacra delegit, nec alium alio sanctiorem esse aut augustiorem voluit, ne qua gens queri de longinquitate Templi jure merito posset.

Ubique

Ubique puræ ad Deum manus tolli, ubique sacra fieri ac preces fundi possunt, nec jam ulli Templo tantum inesse dignitatis voluit, ut ibi potius, quam alibi supplicum preces admissurum se promiserit. Pari omnes Christiani loco, quod ad Religionem attinet, habentur, nec causæ quidquam est, cur illa gens majores sibi spiritus sumat, seque efferat, aliisque præponat.

Heic non est Judæus neque Græcus, non est servus neque liber. Gal. 18.
v. 28. Omnes enim verò unus estis

in Christo Jesu. Nulli generi aut familiæ Deus prærogativam voluntatis suæ ejusmodi dedit, ut ejus proprium ac perpetuum ministerium divini cultus esset, contra quam apud Judæos cautum divinitus erat: jamque promiscuè omnes, dummodo Religionis Christianæ mysteria probe docti, & cæteris, quæ ad rem pertinent, artibus ac virtutibus ornati fuerint, ad procurationem rei divinæ adhibentur. Nec in Religione Christiana quidquam obstat, quo minus mutuam inter se omnes homines amicitiam colant, & juris naturalis officia sibi invicem præstent. Quod si genuinam ejus naturam ac indolem consideres, eam ab omni rerum caducarum & temporalium respectu remotam penitus, & commodorum hujus vitæ curâ solutam esse constat; nec in se quidquam continet,

quod societates civiles earumque leges, quæ cum jure naturæ congruunt, aut mutet aut perturbet, aut ullo denique incommodo afficiat : quin potius, (etsi is propriè finis ei propositus haud est) majoribus eam præsiidiis firmat, arctioribusque vinculis constringit. Nihil quoque continet, quod cum eo, quem sibi societas civilis propositum habet, scopo pugnet, aut prohibeat, quo minus aut sub tutela Magistratum vitam honestam, tranquillam & securam agere, aut omnia ac singula summæ potestatis munia ex præscripto legis naturæ atque rectæ rationis, & ex usu Reipubl. obire & peragere, aut cuncta Reip. quæ ad præscriptum legis naturæ conformata fit, administrandæ munera gerere, curationesque rerum civilium agere salva Religione Christiana possimus. Quinimmo magnum ad ea consequenda momentum habet Christianorum disciplina : ut quæ cùm omnia juris naturæ præcepta, tum ea, quæ pœnis ac suppliciis sanciri in legibus civilibus minus commodè potuere, tradit & summoperè inculcat : ac denique suum quemque munus, dummodo ne cum lege naturæ aut honestate pugnet, cum cura & fide gerere & administrare jubet. Atque hac in parte nulla toto terrarum orbe seu Philosophiæ, seu Religionis secta, æquiparare

parare Christianam Religionem potest: id quod ex accurata singularum comparatione facile apparet. Quæ quum ita sint, non solum unumquemque mortalium, quum animæ suæ rationem reddere DEO debeat, Christiana sacra suscipere, verum eos etiam, qui gubernacula rerum humanarum tenent, introducere ea in Remp. aut introducta tueri, ob easdem, quas supra commemoravi, causas oportet: idque officii & muneris Magistratibus nominatim mandati ratio postulabat. Quod si ii, quos dixi, fructus Religionis haud satis luculenter sese exserant, nec à paganorum & Turcarum moribus vita complurium Christianorum discrepet, hominum id, non Religionis est vitium; sunt quippe, qui pro innata sibi malitia, quum ore profitentur doctrinam, factis refellant, nec magnopere laborent, ut pravis cupiditatibus ex animo funditus evulsis & ejectis, doctrinæ salubritatem integritate vitæ ac morum sanctimonia comprobent.

§. 5. Cæterum quemadmodum hæc nemo sanæ mentis in dubium vocaverit; ita insignis hic oritur quæstio: Num Religio Christiana ita sit comparata, ut Ecclesiæ Regimen penes alium, quàm qui Principatum & Imperium ejusque Reip. tenet, esse debeat, nec ne? Aut quod eodem

*Exterior
Christiana
Religio
directio.*

dem redit ; Utrum Christianæ Religionis regimen exterius obtinere omnes Sacerdotes , an unum ex illis, in quem nihil omnino juris Magistratus civilis haberet, necesse sit, nec ne ? Aut, utrum oporteat unum esse, qui Christianæ Religioni summo cum Imperio præesset, & è cujus nutu reliquæ Christiani Orbis Reipublicæ & Principes, quod ad Religionē attinet, pendeant, nec ne ? Eam quæstionem nonnulli huc recidere putant ; Utrum unamquamq; Remp. suo ipsius ac peculiari Imperio regi pro institutorum cujusque & boni publici ratione fas sit , an reliquas Orbis Christiani Respublicas unī se subicere, & quasi in servitutem addicere, ejusque commodis ita servire, cum suo ipsarum incommodo aut exitio necesse sit ? Exterius autem Religionis Christianæ regimen accipimus pro ejusmodi potestate, cujus vis potissimum posita est in mandando certis hominibus ministerio divini cultus, in regendis iisdem summo imperio , in dispensandis bonis cultui divino consecratis, in ferendis legibus, quæ ad exteriorem Religionis incolumitatem utiles esse videantur , in earundem vi & auctoritate pro imperio ruenda, cognoscendisque & disceptandis controversiis, quæ variis ex causis existere inter Clericos possunt , & quæ his similia sunt.

sunt. Distinguiamus autem externum Ecclesiæ regimen, ab ejusdem Ministerio, quod in explicandis Religionis Christianæ mysteriis & dispensandis Sacramentis consistit : earum autem rerum procuratio Sacerdotibus sine controversia debetur. Intelligi verò ea quæstio debet, *de Ecclesia jam plantata & constituta, non de adhuc constituenda & plantanda.* Etenim quum Christianorum dogmata, à revelatione divina ceu fonte promanarint; nihil loci humanæ potestati ad suscipiendum Religionis regimen relinquitur, antequam ab iis, quibus ea divinitus data potestas est; prolata in medium & tradita fuerint. Discipulos quippe suos Servator noster post resurrectionem tanquam legatos & Apostolos in omnes mundi partes ablegavit, ut semina Christianæ Religionis spargerent, & saluberrimam doctrinam mortalibus promulgatam ubique gentium inveharent : eam vero annuntiandi sacra mysteria facultatem eis non Magistratus aliquis, sed Deus ipse dedit: itaque adversus eos, tanquam Dei legatos, non minorem præ se ferre reverentiam Reges, quam imperita multitudo, quæque illi ex ore divino hausta annuntiaverint, obedienter audire & suscipere debebant. Absurdum præterea, & putidum foret, eas res regendas

das & gubernandas suscipere, quarum cognitione necdum imbutus ipse fuerit. Hinc sequitur; ut ea quaestio non nisi de Imperantibus orthodoxae Religioni additis; intelligi debeat; non de iis; qui vel Christianorum dogma omnino contemnunt; & repudiant; vel sectam pravis opinionibus & erroribus; quoad praecipua Religionis Christianae capita attinet; infectam sequuntur. Iis enim gubernacula regendarum Ecclesiarum permittere; perinde stultum & ineptum foret; ac si lupum ovem commiseris.

*Quaestio
ex cuius-
cunque
Religionis
Genio de-
cisa.*

§. 6. Huius quaestionis triplex institui tractatio potest. Ac primum quidem quaeritur: Utrum ea regiminis Ecclesiastici necessitas cum indole & natura cuiuscunque Religionis conjuncta sit nec ne? Secundo loco: An ea ex genio Christianae Religionis proficiscatur? Tertio: An denique de coelo missa divino quodam instituto aut decreto nitatur, nec ne? Necessitatem eam ex propria cuiusque Religionis indole promanare; haudquaquam nobis verisimile videtur: ratio certe nulla est, quae id evincat. Neque enim intelligi aut concipi mente humana potest; quid causae sit, cur divelli Imperium ac distrahi. Ob divinum cultum; & ex uno duo fieri regimina, quorum par esset vis ac potestas; atq;

atq; inveni in Remp. necessario debeant : quum ejusmodi summæ potestatis distractio , vel cumulatio potius , non aliud , quam perpetuam suspicionum , æmulationis , dissensionum ac motuum materiam in Rep. præbeat. Rursus nequaquam inter se pugnat , Deum colere , & exterius divini cultus regimen ei committere , penes quem summa Reip. est : modo illud ponamus , nihil ab Imperantibus obtrudi suis popularibus , quod à veritate Christianæ disciplinæ & cultus divini castitate abhorreat. In naturali equidem statu constitutus homo , sicuti colere Deum necessario debet , ita quæ Deo maxime probari crediderit , cultus divini ministeria & officia fingere quisque pro lubitu & instituere potest. Ut primum verò in societates genus humanum coaluit , iis hæc concessa potestas est , quibus regimen totius societatis erat demandatum. Vetusissimi quippe patres familias nullius Imperio Reip. subjecti , quum ejusmodi potestatem in suis quisque familias invexissent , eam tanquam hæreditatem eximiam , in filium natu maximum transmittere consueverunt , siquidem post obitum parentis , vitæ rerumque omnium inter se communionem esse fratribus , collibitum fuerit. Rebus publicis deinde constitutis ,
in

in Principes earum & capita non minus rerum sacrarum quam civilium translata potestas est; idque ob eam maxime nec sane levem causam, quod si quæ ad divinum pertinent cultum, uniuscujusque permissa arbitrio fuissent, fieri haud potuisset, quin in tanta novandi licentia, & cultus exterioris varietate, ingens rerum omnium confusio, contemptus, odia, dissensiones, motusque periculosissimi in Rep. extiterint. Tametsi enim ministerium divini cultus apud Judæos, adoptivum Dei populum, certæ cuidam familiæ, tanquam hæreditarium assignatum fuerit, & attributum; regimen tamen in Sacerdotes & jurisdictionem divinitus sibi Imperantes, in ea gente reservarunt: eodem quoque instituto pleræque nationes utebantur.

Ex Christiana Religionis proprietate.

§. 7. Nec quid præcipui hac in parte Christiana Religio habeat, video: quam enim quædam cultus divini capita, quæ captum mentis humanæ superant, nec nisi divina revelatione patefacta, sciri aut cognosci possunt, continet; non tamen ea re efficitur, ut regimen Ecclesiæ penes alium, quam qui Reip. tenet Imperium, esse debeat: modo, ut supra demonstravi, illud ponamus semper ac teneamus, summos Imperantes exteriori ista regi-

regimine ad ejusmodi in Ecclesiam instituta invehenda abuti nequaquam velle, quæ vel pugnent cum sacris litteris, vel prohibeant, quò minus munere sibi divinitus mandato fungi Sacerdotes ex præscripto sacrorum voluminum possint. Nec quid obstet video, quo minus Imperantes idoneas & necessarias ad summam in re sacra auctoritatem obtinendam artes comparare sibi queant. Illud certe consequi possunt, ut ejus regiminis munia per ejusmodi obeant viros, qui singularem in iis artibus addiscendis operam posuerunt: perindè ut alias summæ potestatis partes sub Imperantium auspiciis exercere ministri consueverunt. Magistratibus legum ferendarum facultatem eripere nemo in animum inducit; quum tamen in præstanti aliquo Doctore & Professore Juris major legum peritia, quam quantâ Regi satis esse possit, inesse debeat. Imperantes enim, quum omnibus in rebus, tum in hoc genere eorum uti consilio & opera & possunt & debent, qui quid in quaque re factò opus sit, non minus doctrina litterarum, quum diuturnitate usus didicerunt. Tantum autem abest, ut ex eo regimine male administrato ad Regem probum ac prudentem ullum redundare commodum possit, ut potius præter officii

& conscientiæ fructum, ingentem ei utilitatem proba ac fidelis ejus muneris curatio afferat. Etenim quo magis animum curamque ad Christianam Religionem tutandam intenderit, eo meliores & dicto magis audientes habebit populares, majoremque divini auxilii concipere fiduciam poterit. Nec causæ quidquam video, cur ad rerum sacrarum curationem ritè peragendam Deus non æque Regi Christiano & orthodoxo, ac alii, auxilio esse & adjumento possit. Ad ultimum, quum legibus, institutisque civilibus & summæ Imperantium potestati, quæ jure naturali nititur, ne in aliis quidem rebus quidquam Religio Christiana deroget aut detrahât, ineptum foret, id in hac solummodo parte factum esse, affirmare, nisi divinum aliquod mandatum afferas, quod eam rem verbis luculentissimis arguat, aut nominatim probet. Utrum autem sacris litteris ejusmodi contineatur Decretum, quo summa in rebus Ecclesiasticis auctoritas Imperantibus citra exceptionem abjudicata, alii ex reliquo cœtu hominum summa & infinita, nec alterius Imperio subjecta potestate deferatur, nec ne, illi viderint; qui eas partes defendendas susceperunt. Nobis curæ erit, investigare & exponere, quibus initiis, quibusve incrementis & gra-

gradibus ejusmodi Imperium Ecclesiasticum in Ecclesia Occidentali sit ortum atque firmatum.

§. 8. Primum igitur omnium constat, sublato in cœlum Christo, Liberatore generis humani, quum Christianæ Religionis semina Apostoli, quibus eam facultatem ipse Christus, dum in terris esset, dederat, longe lateque cœpissent spargere, brevi temporis spatio magnum cum Judæorum, tum aliarum gentium ad eos factum esse concursum, qui se ad Christi fidem aggregarent, & eorum doctrinâ imprimis vulgus capiebatur, quod quum densissimis tenebris ignorantiae involutum, ad id usque tempus vitam plenam ærumnarum & calamitatis degeret, cò lætius & cupidius eam disciplinam est amplectum, quò augustius divinitæ veritatis lumen, quove majus adversus proprias hujus vitæ misérias solatium ei inesse se ipsa deprehendit. Apostolorum quoque, quum & ipsi nulla seu amplitudinis specie, seu generis dignitate conspicui essent, animi ad illud hominum genus maxime sunt versi, ad quos, utpote pares, facillimus eis & expeditissimus patebat aditus. Rursus ex viris, genere, dignitate, eruditione rerumque civilium cognitione illustribus perpauci initio extiterunt, qui vel nomen et

*Christianæ
Religionis
Exordium*

Religioni dare in animum inducerent, vel ejus dogmata studiose perquirere operæ pretium esse ducerent. Quod si causas investigare fas est, ob quas Divinæ sapientiæ placuerit, talem propagandæ Religionis Christianæ viam insistere, admodum mihi probabile videtur, noluisse Deum eam vel auctoritate Magistratum, aut potestate civili, vel opera eruditorum hominum sanciri & stabiliri, ne videlicet, aut à Politicorum officina, aut à Philosophorum Lyceo, tanquam novum aliquod commentum, profecta esse videretur: Quin potius, ut tenuissima initia cum summis incrementis comparando, aliquid majus viribus humanis & augustius subesse, quivis intelligeret. Et quoniam Philosophorum, quive in numero eruditorum habebantur, in pervestigandis rebus divinis studium inane fere, nec ingenii, quam præ se ferebant, sagacitate, nec disputandi subtilitate quam sequebantur, satis dignum erat, nec Socrates ipse, alique, postquam vulgarem superstitionem agnoverunt, damnaruntque, aut veterem abolere cultum, aut novum castioremque introducere & stabilire poterant: vanam ac futilem mortalium sapientiam hoc pacto Deus confutare voluit, & ostendere, quam ei facile esset, per infimæ sortis homines, piscatores, rudes &

expertes litterarum tantum opus perficere. Ad hæc Apostolorum exordium suæ doctrinæ ab Jesu cruci suffixo capientium, institutum per absurdum prudentioribus & rerum humanarum gnaris videbatur; quum persuadere eis conarentur, ut eum pro Dei Opt. Max. Filio eodemque Salvatore suo haberent, qui ex invisa omnibus natione ortus, vitam in his terris obscuram, nec ulla amplitudine aut magnificentia, nec illustribus, & heroicis facinoribus conspicuam transegisset, nec multorum annorum doctrina concionibusque nominis sui famam toto orbe celebrasset; sed adhuc juvenis admodum infami morte affectus fuisset. Quam ob causam Jesuitæ, annuntiaturi Sinensibus sagacissimæ genti, Evangelium, initium facere nequaquam à Christo crucifixo solent: Sed postquam eos Disputatione ex naturali religione haustâ suspensos aliquamdiu tenuerunt, per multas demum ambages & anfractus, ad ipsa capita Christianæ Religionis veniunt. Qui utrum hac ratione plus, quam qua Apostoli sunt usi, profecturi sint nec ne, ego quidem in medio relinquam. Nec alienum fuerit, dicere, placuisse Deo, vel ideo plebejos citius & infimæ sortis homines, quam illustri dignitate viros, ex tenebris superstitionum eruere; quod horum

potissimum culpa factum est, ut illi & densissima caligine involverentur, & in ea perseverarent; prudentiores quippe, quum fraudes & vanitatem paganicæ superstitionis satis perspexissent, meliorem tamen & castiorem cultum investigare nequam contendebant. Multitudine primo à foedissima idolorum cultu abducta, Deus fundamenta quasi subruit evertitque, ut reliqua deinde moles sua sponte procideret. Vulgi enim amentia & credulitate paganismus omnis ceu fundamento nitebatur.

*Primitiva
Ecclesia
Persecutio-
nes.*

§. 9. Religionis Christianæ seminæ, eo, quo dixi modo, sparsa primo inter vulgus & propagata, ingens tempestas consecuta est. Romani quippe Imperatores (in eorum enim finibus res Christiana initium juxta & incrementum potissimum cepit,) dirissimis eam vexationibus persequi & opprimere cœperunt; Causa tam horrendæ sævitiae potissima fuit, quòd, quibus niteretur fundamentis nova religio, quibusve contineretur capitibus, & ad quem denique finem referretur, Imperatores ignorabant; & quòd Christianorum numerus, qui veterem paganorum superstitionem ad unum omnes abominabantur, indies augebatur. Nam ut ipsi Christianorum dogmata exquire-

rent

rent & perscrutarentur, in animum inducere haud potuere: neque id satis ex dignitate Imperatoria esse putabant. Adhæc, inter primos Christianos perpauci extiterunt, qui verborum blandimentis polire suam doctrinam & ad gustum Principum virorum specioso orationis cultu exornare possent. Ea re factum est, ut facile fides haberetur mendaciis & calumniis, quæ ab obrectatoribus Christiani nominis vulgo disseminabantur, in occultis & nocturnis congregationibus non nisi aut probra ac flagitia ab iis patrari, ut eorum sacra congruere vetustis cum orgiis Bacchi viderentur; aut conjurationes in Rempubl. fieri. Complures quoque, quum ab omni rerum novarum studio sua sponte abhorrent, satius esse putabant, prisca retineri sacra, quorum auspiciis Resp. Romana per tot secula salva & incolumis stetisset. Plebi autem concedi minime gentium oportere, ut aut immutare quidquam in Rep. aut aut plus sibi, quam Magistratibus, tribuere in animum inducat. Nec parum eis suspectos reddidit Christianos, quod hi aliqua regiminis forma cultum divinum descripserant inter sese: eam factionem esse & conspiracyonem criminabantur malevoli, idque eos agere, ut in veteri Rep. novam condant, imperiumque distrahant,

& ad postremum penitus invadant. Denique quum quantum ad Christianorum numerum indies accederet, tantum de frequentia obeuntium sana paganorum decederet, res autem Romana, indies magis magisque debilitaretur, & gravissimis subinde cladibus affligeretur; compluribus in mentem venit suspicari, causam tantorum malorum esse contemptum Deorum, quorum numine ac favore ad tantum fastigium perducta Resp. Romana esset. Itaque impetum facere in Christianos, tanquam Atheos, & Religionum omnium eversores institerunt. Quumque voluntati Imperatorum, Deos coli & adorari, jubentium, parere Christiani abnuerent, & exquisitissimos cruciatus ac supplicia, quibus ob eam causam afficiebantur, læto animo & imperterrito perferrent: Imperatores admirabilem constantiam, pertinaciam esse & inveteratam hominum perditissimorum improbitatem judicantes, eo crudelius in eos sævierunt, quod non aliam suæ in tenuissimos homines auctoritatis stabiliendæ rationem noverant. Sed qualescunque demum rationes ad vexationum, quibus in miseros Christianos Imperatores debacchati sunt, atrocitatem excusandam quispiam attulerit, illud nequaquam efficiet, ut ne ejusmodi exagitationes

nes pro injusto tyrannicæ Dominationis instituto, & scdissimo summæ potestatis abusu habeantur. Jussu quippe Divini Numinis eam Religionem susceperant populares, cui intercedere Imperantes nec poterant, nec debebant; præsertim quum Imperantes non minus quam parentes ejus cultus suscipiendi necessitate Deus adstrinxisset, ut, si secus fecerint, gravissimum illi peccatum admitterent. Nec quidquam excusationis ignorantia habet; quum eos inquirere in Religionem istam, ut rem novam, cum cura & diligentia, oporteret; nequaquam autem innoxios homines indicta causa & cæco impetu ad supplicium rapere, ideo, quod iis Magistratum edictis, quibus haudquaquam alligabantur, obtemperare recusassent. Neque enim ante dictionem causæ, & criminis, cujus arguitur, cognitionem, capitis damnari quisquam potest.

§. 10. Porro quum cultum Christi- *Primæque*
 stianum initio summi Imperantes omnino *Ecclesiæ*
 negligerent, nec ullam ejus curam agerent, *Constitutione,*
 fiebat, ut sine eorum auctoritate & opera
 Christiani aliquam cultus Divini formulam ipsi inter sese sancire, & exterius Ecclesiæ regimen stabilire juxta & pro virili tutari cogerentur. Id quod in omnibus societatibus, quæ imprudentibus Magi-

stratibus aut invitis in Rep. primum coalescunt, evenire solet, ut ejus partes in medium consulere, & quæ Societatis suæ stabilendæ ac regendæ ratio iniri debeat, circumspicere ipsæ necesse habeant, certis, qui præsent, hominibus ad eam rem delegatis, & institutis ad conservandam societatem necessariis sancitis. Nam si veræ Politices, quæ jure naturæ, ceu fundamento nititur, habenda ratio est, descriptionem divini cultus & exterius Ecclesiæ regimen, penes eos, qui rerum in Rep. potiuntur, esse debere constat. Verum quum hi fungi munere suo hac in parte nollent, primi Christiani ipsi certos constituere homines, qui sacris præessent, & ex stipe, ab hominibus beneficiis ac benignis in commune collata, stipendia iis persolvere cogebantur. Quod si qua falsa opinio & error aliquis extiterit, aut controversia majoris momenti, quàm ut dijudicari ab uno coetu posset, rem cum finitimis Ecclesiis communicabant, aut conventum finitimorum Presbyterorum indicebant, qui totam causam cognoscerent & dijudicaret. Quanquam autem in Rep. sodalitates easque frequentes & numerosas constituere privatis non licet, tamen non est, quod coetus primorum Christianorum ac Synodos pro Collegiis & Conventiculis

illicitis habeamus. Nihil enim spectabant præter patefactæ divinitus & nominatim imperatæ Religionis cultum; cui Divino præcepto institutum humanum intercedere nullo modo poterat. Nec quod nulla sempiternæ suæ salutis ratione habita, Magistratus officio suo satisfacere neglexerant, ideo sequebatur, ut etiam reliqui, quibus æternæ veritatis lumen illuxit, suam negligere salutem deberent: nec enim tam latè patebat Imperantium potestas, nec patere debet. Et quemadmodum unicuique, si quando ei Magistratus præsto esse dat nequeant, aut nolint, suis se armis ac viribus defendere à vi & injuria fas est; ita si in æternâ animæ meæ salute tutanda Magistratus officio suo defunt, jus est mihi, eò majorem ejus privatim curam agendi, quo potior & antiquior animæ quam corporis cura mihi esse debet, quove minor est in castitate Divini cultus, quam in defensione violenta alterius lædendi facultas, neque enim subji-ciendo se civili potestati quisquam mortalium simul animi pariter & corporis cura se abdicavit. De cetero dubium non est, quin Imperatores ac Reges, si ab iis initium facere propagandæ Religionis Christianæ DEO collibitum foret, Apostolorum doctrinam & prædicationem

Evan-

Evangelii suis adjuvare & confirmare editis, templa & fana evertere, superstitionum Deorum cultum abolere penitus & interdicere, & de Consilio Apostolorum, externum Ecclesiæ regimen constituere & tueri deinceps institissent. Atque idem servatum esse institutum quibusdam in locis, ubi Christianorum sacra primi susceperant in Rep. Imperantes, compertum habemus.

*Enata ex
inde opi-
nions.*

§. II. Cæterum quum per incuriam Magistratum operam dare primi Christiani ipsi cogerentur, ut aliqua de descriptione Ecclesiæ moderatio contineretur, nonnullos cares, cosque haud leves, errores peperit. Nam ex eo asseverare quidam non dubitârunt, populi seu coetus, quatenus summis Imperantibus opponitur, proprium ac perpetuum Ministros Ecclesiæ creandi, jus jam inde à principio fuisse. Equidem Sacerdotem obtrudere invitæ Ecclesiæ haud temerè oportet, præsertim si legitimas ejus repudiandi causas habeat, nec enim is permovere animos auditorum & sanctitatis amore inflammare potest. Ex eo tamen nequaquam sequitur, ut Concionis proprium ac perpetuum illud jus esse dicatur, quod ad tempus, quum suum officium Magistratus prætermitterent, usurpare fuit coacta. Cetero-
quin

quin enim coetus iste nihilò magis peculiariter quoddam ministros rei sacrae præficiendi jus habet, quam ei licitum est, Magistratus & alia Reipublicæ administranda munia, certis hominibus demandare. Nam quicquid passim juris coetus Christiani alique hac in parte obtinent, iis, qui rerum potiuntur (eos autem Christianos esse ponimus, & orthodoxæ Religioni adiectos,) seu concedentibus seu dissimulantibus obtinent. A nonnullis quoque ea conclusa ratio est, ut existiment, Ecclesiastici regiminis & civilis potestatis non posse non esse partita & divisa momenta: illudque aut ab universo Clero, aut ab uno qui ex Clero deligeretur, administrari summo cum Imperio oportere: adeoque in singulis Rebus publicis Christianis bina corpora, eaque separata, nec sibi invicem obnoxia esse debere, quorum alterum Ecclesia, alterum Civitas vocaretur: utriusque autem summum esse, ac peculiare imperium oportere. Sed fugit eos ratio. Nam quæ propter summorum Imperantium incuriam, dum ex tempore capiendum est consilium, cogente necessitate, usurpantur, illa, ubi suo munere Magistratus, pro eo ac debent funguntur, evanescent. Neque consentaneum est, eandem potestatem, quam in Ecclesia constituen-

ruenda Apostoli tenebant, etiam nūm, Ecclesia constituta, Ministris, qui successionē tantūm per manus tradita sacris præsunt, deberi. Apostolici quippe muneris peculiaris fuit, & ab ordinaria Sacrorum procuratione separata ac distincta ratio: perindē ac exterius Ecclesiæ regimen à curatione rei divinæ differt. Itaque sicuti Minister Ecclesiæ rite constitutus haudquaquam dici Apostolus; ita nec Rex appellari Sacerdos potest. Quanquam autem originem Christiana religio ab immensa Dei sapientia trahens, mentis humanæ captum excedit, nihil tamen obstat, quo minus moderationem ejus & regimen Imperantes suscipiant, prudentibus & spectatæ dexteritatis hominibus ad eam rem adhibitis. Ex iis quæ dicta sunt, illud quoque liquet, primævæ Ecclesiæ institutum, quod ad externam Ecclesiæ moderationem attinet, pro absoluta & immutabili Ecclesiastici regiminis norma nequaquam esse habendum in ea Republica, cui Christiani Magistratus & incorruptæ religioni addicti præsunt: nam illa Ecclesiastici regiminis descriptio eo, qui tum erat, Statu rerum, ceu fundamento nitebatur. Postea verò quam una cū Principibus & Magistratibus universus populus Christiana suscepit sacra, alia planè ratio fuit; nec jam quicquam

quam erat causæ, cur bicipitem facere Reipublicæ statum oporteret.

§. 12. Quamquam autem Constantino Magno ad fidem Christianam traducto, *Constantini impotentia in re formando pristino Ecclesiæ statum* quum jam externum Ecclesiæ regimen in summos Imperantes caderet, alia Ecclesiæ facies esse cœpit, fieri tamen nequit, ut ejusmodi descriptione Ecclesiæ moderatio contineretur, qualis, si initio statim potientes rerum Christiana sacra suscepissent, institui & potuisset & debuisset: Mul-
tæque superioris regiminis Ecclesiastici, quod ad tempus pro re nata constitutum fuerat, reliquæ ac vestigia supererant: quæ ingentes deindè errores pepererunt in Ecclesia Occidentali. Neque enim fieri ullo modo potuit, ut Imperatores, quum primis modo Christianæ religionis rudimentis imbuti, Novitii adhuc esse crederentur, tantam sibi extemplo potestatem in rebus Ecclesiasticis vindicarent, ut Episcoporum & Cleri opes & auctoritatem, quum iis carere æquo animo nollent, infringere, aut circumscriberent. Quin immo satius erat, eos, quod populares plerique, Christi fidem secuti, suis se Sacerdotibus ac Clero adjunxerant, omnibus permulcere blandimentis, sibi que conciliare, quo Imperium lubrico loco & infirmo positum in perpetuum sibi firmarent. Adde, quod ex iis, quo-

quorum opera in Rebus publicis & amplissimis aulae muniis primi Christiani Imperatores utebantur; multi adhuc gentilium superstitione imbuti à cultu Christianae Religionis abhorrebant. Itaque agi de his rebus, quae ad externum regimen pertinebant, non satis commodè poterat in ejusmodi Consiliis, quibus gentiles interessent. Ea re factum, ut de recepta consuetudine in evocandis & constituendis Episcopis aliisque Clericis nihil aut parum immutaretur: Item, ut non solum si quae Christianae Religionis capita in controversiam vocarentur, verum etiam rogatio legum, quae ad incolumitatem rei Ecclesiae sticæ & decus conservandum pertinent, & reliquæ Principum Clericorum controversiae ad Concilia aut Conventus Ecclesiasticos referrentur: in quibus prærogativam sententiarum, jus ferendi suffragia atque Principatum sibi soli Clerici vindicarunt. Ceterum non jus tantum & potestas cogendi Concilia penes Imperantes esse debet, & diu admodum penes eos fuit; Verum etiam præesse iis saltem & rei summam moderari oportet, & Principem locum obtinere, cuicumodi ea res sit, de qua agitur: Siquidem id quod decernitur vim legis aut sententiae judicialis habere debeat. Equidem nova fidei capita in religione faciendi

ciendi, & Sacras Litteras pro lubitu cujusque variè interpretandi potestas dari non magis Civilibus Magistratibus, quàm Clericis, ullo modo potest: veruntamen quum fidei ac vitæ Christianæ præcepta sacris contineantur litteris, quæ omnibus ad unum hominibus divinitus promulgatæ, nec, velut Sibyllina quædam oracula, custodiæ certorum Sacerdotum sunt commissæ: quumque aliis non minus, quàm Clericis, ea quæ ad sensum Sacrarum Litterarum percipiendum pertinent, comparare sibi liceat: non alienum esse, aut absurdum videtur, iis Conventibus, quibus agitur de Controversiis, ex variâ Sacrarum Litterarum interpretatione ortis, summos Imperantes præesse saltem & prærogativam habere. Quæ res, ut alia mittam, & ad præfervidos affectus, quibus in isto contentionis æstu disceptantes sæpius abripiuntur, cohibendos, remque ipsam, sine ira aut cupiditate, expendendam, & ad reprimendam contradicendi libidinem, qua longius progressi nonnulli exulcerare causam consueverunt, & ad calumniam & fallidam minis ac malitiosam verborum interpretationem coercendam, & ad Anathematismum, quibus innoxii sæpe percipiuntur, intempestivam licentiam refræandam, magnum habitura momentum

videtur. Id jus, quum à primis Christianorum Imperatoribus aut neglectum omninò esset aut exerceri commode nequiret, in quibusdam Conciliis magna sæpe rerum confusio & perturbatio extitit, evenitque ut Pontifices deinceps viribus subnixi, reliquorum in Occidente Episcoporum & Conciliorum auctoritate juxta contempta, id sibi sumerent, ut controversias rerum divinarum dijudicarent, canones seu leges Ecclesiasticas, quas suis rationibus utiles esse existimaverint, invitæ Ecclesiæ obtruderent, summum imperium ad se raperent, & se pariter atque Clerum omnem de potestate Magistratum Civilem eximerent. Etenim ubi in eam primum opinionem est ventum, ut nulla civilis Magistratus ratione habitâ hæc omnia ad Cleri munus unice pertinere crederentur, factum est, ut ea Pontifex deinceps, quum supra Clerum, atque adeo universam Ecclesiam caput extulisset, sibi vindicaret.

*Episcopalis
audientia.*

§. 13. Præterea antiquitus in more positum apud Ecclesiam Christianam fuit, ut quum litigare Christiani & causas agere, apud paganos judices, admonitu Pauli Apostoli territi nollent, Controversias qualescunque Episcoporum arbitrio & judicio permittebant, ne videlicet offendiculi

ma-

matrimonium, aut conviciandi criminandique
 ansam paganis præberent; Quum eos de
 rebus fluxis, & fragilibus, quarum præ se
 ferre contemptum eos oportebat, conten-
 dere inter sese haud admodum deceret. Ea
 res, sicuti pro ratione eorum temporum
 magnam & laudem & utilitatem habebat:
 ita postquam Magistratus jus dicere pro
 Tribunali coeperant, quum superius insti-
 tutum non solum non aboleretur, verum
 etiam auctoritate Christianorum Impera-
 torum confirmaretur, ordinariam sibi ju-
 risdictionem (*Audientiam* vulgò vocant,) Matrimo-
nii.
 Episcopi vindicabant, magno cum detri-
 mento non solum reliquorum judicio-
 rum, verum etiam muneris Episcopalis,
 à cuius functione & rebus, quæ ad eam
 proprie pertinent, agendis, jure dicundo
 abstraherentur. Moris quoque antiqui-
 tatis apud Christianos fuit, ut si quem in
 contrahendo matrimonio scrupulum re-
 ligionemque propinquitas generis inje-
 cisset, rem eam ad Presbyteros referrent,
 eorumque sententiam exquirerent; Item
 orta inter conjuges dissensione, Presbyte-
 ris conciliatoribus in gratiam redirent: il-
 li quippe mature admodum & jam inde à
 primis seculis in consecrandis nuptiis præ-
 cibus præibant. Ex his non malis princi-
 piis ingens deinde labes & licentia Ponti-
 ficum

ficum est orta: Ex eo enim omnes, quæ ad
matrimonium, quæve ad statum hominum,
divortia, nullitates matrimoniorum, succes-
siones hereditatis, & similes majoris mo-
 menti causas pertinent, Controversias ad
 suum forum & Tribunal transtulerunt, &
 ut fraudulentum Consilium specioso titu-
 lo vestirent, matrimonium ipsum in Sa-
 cramenti formulam redegerunt. Adhæc
 Christiani, ut par erat, id operam dabant,
 ut Religioni suæ dignitatem aliquam apud
 Ethnicos integritate vitæ & morum san-
 ctitate conciliarent, præsertim quum mul-
 ta essent delicta, in quæ nulla paganorum
 legibus constituta poena temporalis fue-
 rat. Itaque inter rudimenta nascentis Ec-
 clesiæ, qui manifestis criminibus piorum
 animos offenderant Christiani, certis &
 ab Ecclesia criminis expiandi causa irroga-
 tis poenis coercebantur: gravissimum sup-
 plicium, quodve non nisi ubi ad extrema
 ventum erat, sumebatur, erat, ut vulgo
 vocant, *Excommunicatio*, qua piorum cœ-
 tu & sacris fontes prohibebantur. Præcla-
 rum institutum, quodve magnum etiam
 Civilibus Magistratibus fructum afferre
 possit, dummodo totius rei moderatio pe-
 nes ipsos Magistratus sit, caveaturque ne
 sacra censura Clerici libidine, affectibus
 & proprii commodi respectu abrepti abu-
 tan-

*Excommu-
 nicationis.*

tantur. Maxime ubi magnam ejusmodi
censura & nota vim habere in foro & vita
Civiliprehenditur. Octavo equidem
seculo ejus, cui Sacris interdictum erat, usu
& consuetudine ad unum omnes abstine-
bant. Ejusmodi autem potestas summo
cum imperio conjuncta, tribui nemini in
Republica, sine ejus, qui illi præest, aucto-
ritate & auspiciis potest, nisi si dividere
summam potestatem & distrahere malis.
Cæterum quam longe censuram Ecclesia-
sticam Pontifices extenderint, & ad pra-
vos usus transtulerint, quum Imperatores,
Reges, & integras Respublicas, quod se ad
eorum nutum & voluntatem accommo-
dare nollent, Anathematis fulmine, percel-
lerent, & piorum coetu sacrisque solemnibus
prohiberent, populares eorum Sacra-
menti religione absolverent, Regnum &
Imperium ad alios transferrent, ipsos de-
nique Principes iniquissimas condiciones
accipere & consentire in res cum maximo
ipsorum damno conjunctas cogerent, sa-
tis superque ex monumentis Historicorum
constat. In Oriente autem pravus cen-
suræ Ecclesiasticæ usus haudquaquam tam
late paruit, quod suam Majestatem Im-
peratores Constantinopolitani hætenus
saltem tutati sunt, ut ne insultare in eos &
dominari Clerici in animum inducerent:

quumq; Constantinopolitanus Episcopus reliquis, qui non sub ejus diœcesi erant, aliquantò honoratior & umbra tantum dignitatis, loco & nomine, superior esset; nec in eos quicquam præterea juris aut potestatis haberet; defuit ad Principatum Ecclesiasticum & in reliquos Episcopos dominatum invadendum occasio.

*Papatus
Origo. Et
causa pro-
movens.*

§. 14. Cæterum in Occidente postmodum longa alia Ecclesiæ facies esse cœpit. Peculiare quippe dominationis genus Episcopus Romanus machinatus est, quam tractu temporis ad tantum perduxit fastigium, ut parem aut similem post hominum memoriam non habuerit; aliis enim atque reliquæ Respublicæ, fundamentis subnixæ, aliis quoque adminiculis & diversis fulcris sustinetur. Originem ejus Dominatus & rationem paulò altius repetere eò magis operæ pretium esse duximus, quo major ejus in res Europæas vis sese à tot sæculis insinuavit, quove acrior in ea Dominatione impugnanda & defendenda contentio utriusque partis esseprehenditur. Causas quoque memorare haud alienum fuerit, cur post tantam superioris sæculi calamitatem Pontificis Romani vires nostra ætate recreatæ sint, & in pristinum fere locum restitutæ. Quibus cognitis, intelligere quivis emunctæ

naris facile potest, ecqua spes reconcilia-
tionis affulgeat iis, qui varias conciliandæ
inter Protestantes & Pontificem pacis ra-
tiones in medium protulerunt. Ad Do-
minatum igitur ejusmodi cum incredi-
bili summorum Imperantium detrimen-
to conjunctum, in Occidente pro crean-
dum & stabiliendum, magnum, licet è lon-
ginquo, momentum attulit ingravescens
barbaries, & offusa bonis artibus caligo, *Barbaries.*
quæ sub interitum Imperii Romani in Oc-
cidentem incubuerat. Scilicet adulterinæ
merces, tegente vitium obscuritate, dubia
& incerta luce, emptorem facilius inve-
niunt. Et quem densa ignorantia caligo
obcæcavit, ei persuaderi, quantumvis in-
epta & absurda, citius, quam homini bo-
nis artibus sapientia præceptis exculto,
possunt. Ejus barbaria, quæ, quum supe-
rioris seculi satis polita fuisset & elegans
doctrina, deterrimum scholastica nugaci-
tatis genus deinde peperit, non una me-
moratur causa. Ac primum quidem exi-
tio bonis artibus potissimum fuerunt gen-
tes, bellicosæ illæ quidem, sed rudes litera-
rum & barbaræ, quæ se infesto subinde
agmine in Occidentales Romani Imperii
provincias effuderunt. Ex quo tempore
res Romana magnis afflictæ cladibus va-
rias Imperantium vicissitudines habuit,

bellisque eruentis & agrorum Vastationibus miserandum in modum vexata, in tristissimo sane & longe miserrimo statu fuit. Nimirum Musæ pacis & publicæ felicitatis filia, inter armorum strepitum & Rei publicæ procellas silent: nec in tanta rerum omnium perturbatione, quum literarum studia contempta & abjecta jacent, ullum ad libros evolvendos spatium conceditur. Ibi tum evertuntur scholæ, & sibi quisque, quæ cuique proximum est, fugâ salutem quærit: ut Martis quam Minervæ castra sequi, per id tempus satius & conducibilius esse videatur. Ludimagistrorum inprimis miseram conditionem belli calamitas reddit, qui tunc temporis claudere officinas bonarum artium, & fasces submittere victori hosti, præsertim ubi is aut contemnit litteras aut ignorat, coguntur. Sunt qui Clericos quoque infelicitatis eorum temporum culpam sustinere quodammodo, asseverent. Nam à Philosophis, quum rerum potirentur gentiles Imperatores, magnis affecti injuriis, quum eisdem etiam, Augustis ad Christianam religionem traductis, infensissimos adhuc adversarios haberent, tantum in Philosophiam & ejus sectatores odium non solum ipsi conceperunt, verum etiam animis auditorum instillarunt, ut si quando

rei

rei scholasticæ arbitrium eis permittebatur, Scriptores gentiles de manibus juventutis excuterent; periculum esse causati, ne denuo superstitionibus gentilium rudis ætas inficeretur: nec crimine vacare Christianos, quorum manibus libri profanis gentilium Deorum nominibus & Christiano homini ne nominandis quidem, referti tenerentur. Inde fabula in vulgus prodita, Hieronymum, quod Ciceronem diligenter nimis legisset, secundum quietem virginis cædi à diabolo sibi visum esse. Anno à Christo nato quadringentesimo Episcopis Concilium interdixit, ne gentilium libros legerent aut evolverent. Fecit quoque istorum temporum infelicitas, ut præter eos, qui ad Theologiam animum, ut Sacerdotes fierent, applicuissent, nemini litterarum studia prodesse. Itaque quum qualescunque studiorum reliquiæ penes solos Clericos essent; accidit, ut in scholis jam ante labefactatis ad eum scopum omnia dirigerentur. Ipsi denique Studiosi cavebant sedulo, ne magnos nimis in litteris progressus facerent. Cæterum ad Pontificiam Dominationem stabiliendam, barbaricam istam multum contulisse, vel ex eo licet intelligere, quod *Epistole*, ut vocant, *Decretales*, quæ primis tribuuntur Pontificibus, seculis eruditis,

edi pro genuinis & authenticis nullo modo potuissent: iis tamen imperitis hominibus persuasum est, jam inde ab initio Christianæ Religionis jus fuisse Episcopis Romanis, leges universo orbi Christiano ferendi. Postea vero quàm à superiorum temporum diritate Europa nonnihil respiravit; nec jam Principes Europæ nationes ignorantia tenebras contra voluntatem sibi offundi ulterius paterentur: nugatorium quoddam & ineptissimum disciplinæ genus Pontifex in scholas, quarum sibi arbitrium assumebat, invexit & stabilivit. Easdem nugas tricasque etiam nunc, affectæ, qui se è mancipio & nexu Pontificis esse profitentur, magno conatu tradere juventuti, & asserere contendunt. Ingens quoque ad Pontificiam Dominationem stabiliendam momentum attulisse videtur veræ ac genuinæ politices ignorantia, quæ quum de origine, indole ac perfecta ratione summæ potestatis & juribus Imperantium agitur, tum illud inprimis traditur ad Reipublicæ perfectionem pertinere, ut individua summa potestas sit, neve distrahatur unquam aut mutiletur. Nam ipsi quoque Græci juxta & Romani Politici perniciofa quædam de miscenda & dividenda summa potestate dogmata prodebant, & popularium animos ita affi-

affi-

afficiebant, ut incredibili amore Aristocratiam juxta & Democratiam, odio autem inexpiabili Monarchicum Republicæ statum prosequerentur; sibi-que persuaderent, eo meliore in statu Rempublicam esse constitutam, quo ar-
ctioribus Regia potestas terminis circumscripta foret. Prævissimas opiniones impotens & crudelis Imperatorum Dominatio vehementer confirmavit; magnæ popularium parti (etsi dissimulabant odium) vehementer invisa. Quæ quum ita sint, mirum videri nemini debet, quòd in tanta barbarie per universum orbem diffusa, quum juventutem Christiani Clerici utcunque erudirent, præstantissimam disciplinam infuscatam penitus & obscuratam esse, ut quàm ab eo, quod sequebantur, vitæ genere, alienissimam esse crederint. Ea re factum est, ut quum prima Ecclesiastici Dominatus fundamenta ponerentur, perpauci intelligerent, quanta malorum moles consecutura esset, ubi cum magno Civis potestatis detrimento potentia, cui nascenti obsisti nullo negotio poterat, omnibus absoluta numeris adolevisset. Atque etiam nunc in scholis, quarum moderationi Pontificii Sacerdotes soli præsumunt, Politicam disciplinam aut omnino neglectam jacere, aut ita perplexè

plexe & obscure tradi videmus, ut non solum injuria Pontificiæ Dominationis tacita, prætermittatur, verum firmissimis etiam consuepiatur munimentis.

*Pontificis
Sedes cur
Roma fixa?*

§. 15. Cæterum amplitudo urbis Romanæ (ut quæ caput Imperii Romani fuerit, & in cujus potissimum finibus Christiana religio sparsa primum & late propagata est:) fecit, ut in ea Sedes Pontificiæ Dominationis collocaretur. Nam quæ de Sede Petri vulgo traduntur, quam inania sint & futilia, vel ex eo liquet, quod postea Sede Imperii Constantinopolim translata, ejus urbis Episcopo secundus à Romano locus dabatur, non aliam ob causam, quam quòd ea urbs Nova Roma appellaretur. Labefactato deinde & penitus deleto Imperio Romano in Occidente, quum urbis Romanæ gloria vehementer esset obscurata, de Principatu contendere cum Romano Constantinopolitanus Episcopus instituit. Etenim Religione Christiana omnibus à Paganis Imperatoribus periculis & vexationibus persuffa, & in libertatem penitus vindicata, Hierarchiam suam Clerici per speciem disciplinæ Ecclesiasticæ instituere in Republica coeperunt, & ob eam causam Episcopi reliquis Sacerdotibus magno intervallo præponere instituerunt. Nec pa-

rem

rem omnes Episcopi potestatem habuere; sed prout quisque Metropolim cujusque Provinciæ incolebat, ita reliquis ejusdem Provinciæ Episcopis plerumque præfiebatur. Is Metropolitanus initio dictus, octavo deinde seculo Archiepiscopi nomen sibi adscivit. Inter Metropolitanos autem eminebant potissimum quatuor, Romanus, Constantinopolitanus, Antiochenus, & Alexandrinus. Ex enim Principes Romani Imperii civitates erant. Accessit iis propter veterem ejus urbis sanctitatis opinionem Hierosolymitanus Episcopus. Quanquam autem Phocas, Imperator, irâ & indignatione commotus, quod eadem Mauritiû approbare Patriarcha Constantinopolitanus nollet: Bonifacio tertio, Episcopo Romano, primas detulit, postposito ei Constantinopolitano, (exin Episcopi Oecumenici nomen sibi assumpsit Bonifacius,) non tamen potestatem aut ullam jurisdictionem, (eam enim reliqui Patriarchæ constanter ipsi abnuerunt,) sed nominis tantum honorem & loci dignationem cæteris majorem Imperator attribuit. Et jam pridem Episcopi Africani Romano, Edictis suis parere eos jubenti, &, ut fraudem aliquo titulo regeret, *Canonem* corruptum & adulterinum ex Concilio Niceno citanti, fortiter

titerreſtiterunt. Nec ullo divino, ſed humano tantum inſtituto, ſancita ea res eſt: ob eandem enim cauſam ſimul & Romanus Episcopuſ, primum, & Antiochenus tertium locum obtinet. Igitur, quemadmodum una Reſpublica alteri leges imponere nequit; ita nec commoda, quibus Episcopum Romanum ſeu Imperatores Romani, ſeu Vetus Concilia (quæ nihil aliud erant, quam Clericorum Imperii Romani Conventus:) beneficii loco præ cæteris affecerunt, aliam obligare Rempublicam, aut latius patere, quam quibus vetus Imperium Romanum circumſcriptum terminis erat, poſſunt. Quod ſi autem ſequentibus temporibus ex Chriſtianiſ Rebus publicis nonnullæ juſ aliquod & poteſtatem in ſuas Eccleſias Pontifici conceſſerint, aut permiſerint, aut non ignoraffe eas, quo jure ac fundamento ea poteſtas niteretur, aut fraude Pontificis circumventas eſſe neceſſe eſt. Si certâ ratione ductæ ac prudentes eam poteſtatem conceſſerint, fœdus haud dubiè percufferunt cum Pontifice, ut ejus auſpiciis eo melius res Eccleſiaſtica regeretur. Ejusmodi fœdus autem, ſicut initio proſectum eſt à conſenſu Reipublicæ; ita ſi fraudi Reipublicæ & damno fuerit, aut ſi abuti ſua poteſtate Pontifex inſtiterit, reſcindi æquè

æquè ac alia ejus generis fœdera , potest.
Sin vero istam servitutem Rebuspublicis
fraude aut errore deceptis Pontifex impo-
suit , licet eis fraude & errore detecto , in-
justam ejusmodi Dominationem à cervi-
cibus suis depellere , & simul ut damnum
illatum resarciat talis impostor, suo jure
postulare.

§. 16. Nequaquam autem in omnes, *Uterius*
quæ ad Occidentem spectant, terras pro- *ad Papa-*
ferre Imperium suum Pontifex, simul ac *tum impul-*
istud Consilium ceperat , potuit ; verum *sua.*
temporis tractu variis artibus & usurpa-
tionibus, quasi per gradus, ad tantum fa-
stigium ascendit. Ut primum enim ad
eam Dominationem Pontifices animum
intenderant, quamquam repulsam sæpiùs
tulerant, tamen instare & urgere coeptum
non prius destiterunt, quam quæ animo
agitaverant, consecuti, & voti sui com-
potes essent facti. Scitè quoque & calli-
dè tempori servientes, nullam opportu-
nam suis rationibus occasionem dimitte-
bant. Nec eis, meo judicio, accidere quid-
quam opportunius potuit , quàm quod
Sedes Imperii Romani aliò est translata,
neque enim si in urbe perpetuò mansisset,
Imperator unquam commisisset, ut suam
Majestatem aut amplitudinem Episcopus
Romanus æquaret aut superaret. Con-
stat.

stantinopolitani quidem, etsi non minores forte, quam Romani, spiritus gesserint, ad tantum tamen pervenire fastigium nunquam potuerunt. Magnum quoque ad eam rem momentum attulit divisum in varia eaque nova Regna Occidentis Imperium, quæ à barbaris gentibus & litterarum rudibus sunt condita. Illis quum veritatis Christianæ lumen præferre Ecclesia Romana potissimum instituisset, officium sui esse putarunt barbari, ut singulari eam pietate colerent; ut cui peculiarem alioquin vetustas & dignitas, quàm reliquas Occidentis Ecclesias antecederet, veneracionem conciliaret. Accurate singula persequi non est instituti nostri: paucis, quæ ad rem pertinere videntur, attingemus. Compertum igitur habemus, Romam proficisci Episcopos Transalpinos sepulchrorum Petri & Pauli, Apostolorum viſendorum causa, seculo quinto cepisse: siue Religionis ergo, seu quia superstitio tunc temporis obcecatas hominum mentes occupaverat; siue, ut esset congruentis cum Ecclesia Doctrinæ, argumentum: voluntarium Religionis officium deinde ut sit, in necessitatem paulatim verſum, si quis prætermiserit, vehementer castigabatur à Clericis. Quod quidem institutum Pontificibus haud dubie ansam dedit

ad postulandum, ut Romam Episcopi proficiscerentur ad munus confirmatum auctoritate Pontificis ineundum. Adhæc de rebus magni momenti consulere Ecclesiam Romanam, tanquam vetustiore novitii Episcopi, & Ecclesiæ, & genuinum Canonum usum pariter & sensum ex ea exquirere identidem consueverunt. Itaque quum intelligeret Pontifex Romanus, sua Responsa pro Decretis haberi, ultro etiam, nec rogatus, facere Decreta cœpit, Principem Christiani Orbis Sedem Romæ constitutam esse causatus, atque adeo ad curationem suam pertinere, ut canones & leges Ecclesiasticæ serventur. Jamque cognitionem controversiarum, quæ inter Episcopos essent ortæ, tanquam legitimi Judices, arrogare sibi Pontifices, Metropolitanos, quo minus suis jus dicerent, impedire, Episcopis, seu vitio ut ipsis videbatur, creatis, seu sceleris cujusdam aut criminis accusatis, Imperium Ecclesiasticum abrogare, eosque vi ac minis cogere ad causam dicendam proficisci Romam. Quam ob causam etiam ii, qui legibus quibusdam & Canonibus Ecclesiæ solvi cupiebant, Romam profecti benigne excipiebantur, gratificante eis Pontifice, quæcunque petissent, ut Romæ gratificationum & beneficiorum quasi officina quædam

In fide & potestate Ecclesiæ Romanæ & Successoris Petri perpetuo futuros esse polliciti sunt. Germanos quoque Episcopos ut Pallium, insigne Episcopalis dignitatis Romæ peterent, perpulit: Gallicanis autem illud ultro misit, ut eo majoribus illos beneficiis Pontifici Romano devinctet, & addictos redderet. Ea consuetudo ornatus istiusmodi Episcopalis adhibendi, levibus, ut fit, initiis orta, quum voluntaria primum esset, postremo vim legis & necessitatis obtinuit: ut Episcopi antequam istud insigne accepissent, ulla Episcopatus munia obire vetarentur. Id quoque juris sibi Pontifices vindicarunt, ut, nisi ipsorum permisso, Episcopis provinciam mutare, & priore statione relicta, alios subinde Episcopatus capeffere non liceret: omnesque Occidentis Episcopos petere, ut ipsorum dignitatem Pontifex ratam habeat, & simul pro eo præmium persolvere coëgit: Quod in illud mercedis genus, quod *Annates* vulgo dicitur, postea conversum est. Adhæc Conciliorum Provincialium auctoritatem Decretis eorum rescissis, labefactarunt penitus & everterunt: ea re factum, ut Conciliorum convocandorum mos ad extremum prorsus exolesceret, postquam ea nullo usui esse omnes intellexerunt, quum Decreta

Pontificis Romani.

eorum Pontifex improbare, & ne rationum quidem momentis expensis, præcepsum damnare consuevisset. Denique Episcopos Gregorius VII. Pontifex in sua verba jurare, & fidem *Romane Sedis* iurejurando in perpetuum obligare coegit, & ceu lege quadam inviolabili sancivit, ut ne quis eum, qui ad Tribunal Pontificis Romani provocasset, condemnare in animum induceret. Nec Legatos aut Nuntios in omnes partes mittendi omissa cura est, qui nomine Pontificis potestatem, Episcopis, Metropolitanis, & Conciliis Provincialibus ereptâ exercerent, & commodis ejus omnibus modis inservirent.

§. 17. Cæterum quò majoribus in- *Ecclesia*
dies opibus, quòve copiosiore hominum *opulentis-*
frequentia, Ecclesia cumulabatur, eò gra- *sima radi-*
viori damno ac fraude summis Magistra-
tibus Ecclesiastica Dominatio, latius in-
dies serpens, fuit. Et opulentiam quidem
suam Ecclesia benignitati, pietatique po-
tentissimorum Principum, Virorumque
illustrium, & aliorum, acceptam initio
referbat, rem Deo pergratam se facere
existimantium, si cumulatissimis Eccle-
siam juxta & Clericos donis certatim co-
lerent. Ingens ad eam liberalitatem cu-
mulus accessit, postquam persuasum est
hominibus, tantam esse *bonorum*, ut vo-
cant,

cant, *operum*, (primas autem inter ea tenebant *Donationes*, ut vulgo vocant, *ad pios usus*,) vim ac præstantiam, ut ea vel sola promereri Cœlum & debeant & possint. At verò quum crescentem cum opibus avaritiam Clericorum explere piorum hominum munificentia nequiret: illi varias artes, argento emungendi homines, & aucupia, excogitarunt; magnamque cerimoniarum inanum vim astute sunt commenti, certo in singularum ministeria pretio constituto. Jamque sine more ac modo res divina fieri, vel, ut vulgo dicunt, *missificari* pro vivis juxta ac mortuis, venalia proponi Diplomata, quibus vel peccatorum, vel legum gratia petentibus fieret, (*indulgentiæ* vulgo & *Dispensationes* appellantur,) peregrinationes suscipi Religionis ergo, Jubilæa solenniter & religiose celebrari, &c. Mortis inprimis cujusque momenta Clerici captabant, quod sub id tempus, homines, omni rerum mortalium cura deposita, minus restricti ad largiendum esse solent; præsertim quum ejusmodi relicturi sint heredes, quos minori luctu ex obitu, quam ob prædæ opimæ possessionem gaudio perfusum iri prospexerint. Ad extremum eò quoque impudentiæ progressi sunt Clerici, ut quasi ostiatim stipem emendicare

dicare non dubitarent. Nec iis artibus contenti Pontifices, novum quoque inventum, Sacram militiam, ad suos utilitates transtulerunt. Ea militia Sacra dicebatur, quod in ea militantes signo Crucis insigniti, & quasi consecrati, ad Terram Sanctam barbaris eripiendam proficisciebantur: & suscipi ejusmodi expeditiones Seculo undecimo & insequenti coepta. Moderationem earum & arbitrium sibi Pontifices vindicabant, ita ut sine eorum auctoritate quidquam, quod majoris momenti esset, agi aut suscipi nequiret. Eorum, qui cruce insignes ad sacrum bellum profecti essent, fortunastutandas nominatim Pontifices suscipiebant, cavebantque, ne quis absentes, sive ex crimine causa constaret, sive ex controversia, in jus vocaret: ita factum, ut major *Indulgentiarum & Dispensationum* usus esset, quam antea. Stipem à piis hominibus erogatam, res testamento legatas, & collectaneum ad sustentandos belli sumptus comparatum, Legati Pontificis tractabant: sub ejus quoque belli obtentu decimæ à Clericis sunt exactæ: quin ipsi etiam Reges ac Principes ei militiæ nomina dare jussi. Insequentibus temporibus Sacra ista bella à barbaris in Schismaticos & Hæreseos damnatos Pontifices converterunt:

eos bonis mulctatos, quum beneficiaria etiam prædiorum possessione privassent, ad alios eam, in præmium navatæ operæ, pro lubitu transtulerunt, Dominis, quorum Clientes fiduciarii damnati fuerant, ne interrogatis quidem aut consultis. Nimirum si sedulo cavebant, ne titulo & insignibus Beneficarii condecorare eum abnuerent, qui ea, Sacrosancta, si Diis placet, Pontificis auctoritate subnixa postularent.

Ingens Religiosorum numerus,

§. 18. Pro magnitudine crescentium indies opum Ecclesiæ, magnis quoque auctibus eorum accrevit numerus, qui ut Ecclesiæ copiis suam alerent & sustentarent inertiam, in Monachorum sese ac Religiosorum disciplinam tradiderunt. Nec jam Sacris singularum Ecclesiarum certos præesse Sacerdotes, iisque alios datos esse Vicarios, alios, qui reliqua Ecclesiæ ministeria obirent, satis erat, nisi Ecclesiis, ut vocant, Cathedralibus Canonicorum etiam Collegia accederent. Ea munera, quod & fructuosa erant, neq. magnopere molesta aut laboriosa, omnis dignitatis & conditionis homines frequentes & ambitiose prensabant. Nam coelibatus incommoda, cujus necessitatem decimo seculo & sequenti Pontifex omnibus Clericis invitis & renitentibus non

non sine magno labore imposuit, tranquilla summæ dignationis, & maximorum redituum sine labore usura compensabat. Adhæc infinita Monachorum, & Virginum monialium turba totum fere orbem Christianam repleverat. Hoc hominum genus, quo tempore in Christianos dirissimis vexationibus exagitatos, Imperatores Pagani sæviebant, exortum, quarto inde seculo & sequentibus vehementer auctum, longe lateque se diffudit. Initio tamen opus faciendo & laborando vitam sustentabant: alii, quum suas fortunas pauperibus voluntaria liberalitate essent largiti, sub Episcoporum auspiciis & regimine eam, quam omnes præscribebant, vitæ disciplinam sequebantur. Nec aliàs magis, quam septimo Seculo, monasticæ vitæ ac disciplinæ studium vigeat in Occidente; adeoque isto Religionis æstu omnium ordinum homines fervebant, ut ad cœnobija frequentanda & inhabitanda non solum omnis sexus ætas conflueret, verum etiam ad ea magnifice exstruenda, & amplissimis reditibus locupletanda, Principes viri & potentes omni studio incumberent. Jamque conditis tot tantisque cœnobiis, opibus & vetustate conspicuis, defatigata hominum munificentia videbatur, atque tanta homi-

non d s num

num cupiditate ejus vitæ & instituti flagrantium multitudo erat, ut ei nullus satis magnus monasteriorum numerus sufficeret; quum tertio decimo demum Seculo Ordo Monachorum Mendicantium existeret. Ii eo majorem sanctitatis speciem præ se ferebant, quod protalibus haberi volebant, quos ad Monasticæ vitæ institutum amplectendum, non mollis ac voluptariæ vitæ spes, sed severæ, & ab omnibus voluptatum illecebris semotæ disciplinæ desiderium impulerit; quum ad summum, præter stipem ostiatim emendicatam nihil ad vitæ usum expeterent. Ad ejusmodi austerum vitæ genus suscipiendum, homines singularis cujusdam sanctitatis & meritum, quæ ei sectæ inesse credebantur, opinio, vel, ut verius dicam, insita Clericis ambitio permovit. Innata enim hominibus arrogantia, eò dementiæ progressa est, ut non satis eis negotii faceßere Divina præcepta crederent, & suis meritis, quam Dei beneficio, sempiternam salutem acceptam referre mallent, immani cupiditate gloriæ, qua antecedere reliquos mortales volunt, in cælum etiam & futuræ vitæ usuram extensâ. Alios rerum suarum desperatio, desidia & pigritia alios in hoc vitæ genus præcipites egit. Multos in cœnobia parentes & propinqui in-

includunt, sive superstitione inducti, sive egestate compulsi, seu denique, ne divisis inter tot liberos facultatibus, familiæ interirent, metu stimulat. Ex eo Monachorum genere Pontifex sibi quasi Militem Prætorianum delegit, quo non modo *Laicos*, ceu præsidio quodam cervicibus eorum imposito, coërceat, verum Episcopos etiam & reliquos Clericos in officio contineat. Ea re factum, ut quum deinceps, Seculo maxime tertio decimo, subtrahere se à potestate & jurisdictione Episcoporum instituissent, nec ullius, præterquam Pontificis auctoritatem agnoscere vellent, eorum patrocinium ipse Pontifex summo studio susciperet. Is callidissimo in eo ordine regendo utitur consilio. Quanquam magna inter eorum familias, Franciscanos videlicet & Dominicanos æmulatio existit & contentio, ita tamen rem temperare noyit, ut partita æquo inter utrosque momento gratia, neuter Ordo, vel premere alterum & exagitare, vel de Pontificis in alterutram partem iusto plus inclinata voluntate conqueri possit. De commodis ordinariorum Sacerdotum multum hi Monachi subtraxerunt: Legata & Sepulturas opulentiorum, regimen animorum, seu, ut vulgo vocant, conscientiarum, sacrorum Ministeria magna

ex parte ad se transferendo. Itaque in-
expiabile in eos odium Episcopi & Sacer-
dotes ordinarii conceperunt: de eo ta-
men illi, favore Pontificis subnixi, non
magnoperè sibi laborandum esse putant.
Quod si quis Episcopus, spreta Pontificis
auctoritate, obsequium exuere, aut res no-
vas moliri institerit, cum extemplo Mo-
nachi isti, velut feram canes venatici,
insectari, & clamitando criminandoque
adducere in odium & invidiam plebis,
apud quam magna eorum, propter opi-
nionem sanctitatis, auctoritas est, con-
sueverunt. Itaque ex Episcopis nemo, mo-
turus aliquid adversus Pontificem, plebis
studia adungere suæ factioni poterat. Ad
hæc vitam & mores cujusque Episcopi, se-
dulo observare Monachi, & Romam,
ubi Præfecti ejus Ordinis degunt, nuntia-
re, ut quæ in rem essent, consilia, ibi capi
extemplo, & imminencia mala declinari
possent. Et quod incrementi Pontificis
potentiæ Episcopi, quum gravis eorum li-
bertati esse cœpisset, resistere haud potue-
re, in eo non postremæ istius Ordinis par-
tes fuerunt: illi quippe, quum nullam ejus
Dominatus evitandi commodam ratio-
nem cernerent, temporari servire, id est,
necessitati parere, quam contra stimulum
calces, quod ajunt, jactare, satius esse puta-
runt.

runt. Quanquam ex iis multi Pontificis potentiam haud ægre ferebant, splendorem & amplitudinem ejus, cujus in potestate essent, ad se quoque pertinere quodammodo, rati, & quod eo pacto à Civili potestate & jurisdictione subtraherentur, à qua majus ipsis periculum, quam ab externo Tribunali unius, ipsis necessitudine quadam muneris ac studiorum adjuncti, imminebat: neque enim Clericum Clericus facile exagitat, nec cornix cornici oculos temere configet. Sed tamen inter Episcopos, maxime Transalpinos, non paucos existere compertum est, qui immensam Pontificis potentiam, tacitè licet & dissimulanter, iniquo tamen animo ferant. Atq; id in Tridentino, in primis Concilio apparuit, quo Episcopi Gallicani juxta & Hispanici, omnibus connixi viribus sunt, idque egerunt unice, ut *Residentia*, ut vocant, *Episcoporum juris Divini esse*, decerneretur. Idem spectant eorum, qui apud Gallos Belgasque Jansenistæ vocantur consilia. Nec quid sub istius dogmatis specie lateat, prudentiores fallit; Quod si enim suæ quisque Ecclesiæ Episcopus præesse, & ab ea nunquam discedere Divinitus juberetur, sequitur, ab eodem Deo jus ac potestatem etiam habere, sine qua illud fieri nequit. Num ut in Scholis vul-

gò loquuntur, *qui dat jus ad finem, dat jus ad media.* Atque adeò non est, quod Episcopi munus suum inituri, Romam proficiscantur, ad redimendam Pontificis, ut auctor fieret, benevolentiam. Itaque anxius animi & vehementer sollicitus Pontifex fuit, antequam eam difficultatem Concilium Tridentinum superasset, atque de medio sustulisset. Nec posthac facile se adduci Pontifex patietur, ut ullum posthac Concilium cogat. Neque enim in ejusmodi Conciliorum discrimen auctoritatem suam aut Majestatem temerè committet, præsertim quùm in præsentia nullus eorum usus sit, contendentibus passim Jesuitis aliisque, & palàm docentibus, Pontificem supra Concilia esse, nec falli aut labi, nec sine ejus auctoritate ullam in se vim aut obligationem Concilia habere. Sed quomodocunque se res habeat, ipsorum Episcoporum interest, eos in fide ac potestate Pontificis manere; à cujus imperio ubi se subtraxerint, in ditionem Civilium Magistratuum haud dubiè venturi esse videntur. Adque id si eveniret, salutem suam ac dignitatem, sine ejus, cujus subiecti imperio essent, (eùm autem summis opibus præpollere necessum foret,) ope & præsidio, tutari nullo modo possent. Itaque ex duobus malis, id quod

quod minus est malum, eligere necesse habent.

§. 19. Quamvis autem immensis opibus & incredibili hominum frequentia aucta res Ecclesiastica esset, tamen ad constituendam Dominationem Ecclesiasticam omnino necesse fuit, Pontificem suis vivere legibus nec ullius subjectum imperio esse: Sedem autem Dominatus sui, in ejusmodi loco constitutam habere, qui sui tantum juris & ditionis esset: cum denique Imperii statum esse, ut non solum vitam cum dignitate sustentare Pontifex, verum etiam ne detrahendo ei redditus, cogi in ordinem possit: item ut propugnatoribus ejus, si quando ob eam causam à Magistratibus indignatione commotis exagitarentur, tutissimam ad eum perfugium esset. Id ut consequerentur Pontifices, diuturnas devorare moras ac molestias, varios iniquæ fortunæ casus subire, & malis artibus ac sceleribus uti & grassari diu coacti sunt. Equidem dum in Occidente Imperatores fuerunt, aut Gothorum in Italia Imperium incolume stetit, ne cogitare quidem de iis rebus comparandis poterant. Gothorum deinde Regno, quum Justinianus rerum potiretur, everso, ac Roma pariter ut universa Italia, in Provinciæ formam à Græco Imperatore

*Absoluta
Ecclesia
libertas.*

reductæ; Pontifices eam obsequii, quò eis
Imperatoribus alligabantur, exuendi oc-
casionem nequaquam dimiserunt. Im-
peratorum quippe auctoritatem & existi-
mationem in Italia vehementer imminue-
rat partim impotens Exarchorum, qui
Ravennæ erant; Dominatus, partim infir-
mitas; quùm Longobardi per occasionem
fluctuantis Justiniano II. regnante Impe-
rii, quùm alii alios everterent, & labefa-
ctarent, magnis sibi viribus comparatis
rerum in Italia potirentur. Accessit, quod
ex iis Imperatoribus nonnulli cultum ima-
ginum damnabant, versa in foedissimam
pene idololatriam superstitione; quùm
majore Sanctorum, quam ipsius Dei cura
homines tangi viderentur; ex templis eas
ejici omnino Leo Isaurus jubebat. Ejus
conatibus Gregorius II. Pontifex, acri-
ter resistendum ratus, imaginum cultum,
quasi pro aris & focis certaret, summa con-
tentione propugnavit; sive quod is non
exigua anilis superstitionis, quæ magno
Pontifici ad utilitatem momento erat, pars
esset; sive quod ægre ferebat, se impruden-
te & invito Imperatorem quidquàm in re-
bus sacris agere aut moliri, eo tempore,
quod ipse ad Ecclesiasticam Dominatio-
nem in Occidente constituendam ani-
mum intendisset, ausum; sive denique ea

commoda subducendi sese à Græcorum Cæsarum imperio, occasio est visa. Jamque Romanos & reliquos Italos, qui in fide adhuc & ditione Imperatoris manebant, ad abnuendum ei vectigal & stipendium Pontifex sollicitabat, quum Exarchus, jura ac Majestatem Imperatoris tutari conatus, exoritur Ravennæ, ubi Sedes Exarchatus erat, ob eam causam tumultu, occiditur. Ita Græcorum Cæsarum Imperio in ea Italiæ parte deleta, suas habere leges ex terrâ, nec ullius subjecta Imperio esse cœperunt.

§. 3. Hoc modo quum se Pontifex ab Imperio Constantinopolitano subtraxissent; non multo post ingens ei periculum à novo Domino imminabat, qui gravius eis ex propinquo jugum impositurus esse videbatur, quàm quod antea magnis locorum intervallis disjunctus Imperator imposuerat. Eas enim regiones, quæ ab Imperatore defecerant, in suam redigere potestatem Reges Longobardorum, & totius Italiæ imperio potiri nitebantur. Capta Ravenna, aliisque locis in ditionem reductis, quum eorum impetum sustinere aut retundere nemo in Italia posset: Pontifices opem Regum Franciæ, nec enim alia spes, aliud perfugium erat reliquum, implorabant. Hi pace primum

*Pontifex
Gallum in
supplicium
ferendas
vocat.*

compositione frustra tentata, quùm à vi & injuria abstinere Longobardi nollent, postremo ad arma versi libertatem & causam Italiae vi defendendam susceperunt. Quod ut facerent, eo faciliùs adducebantur, quod non solum Pipino Regnum, quod superiori Regi creptum, ipse, quùm major Domus antea fuisset, sibi vindicaret, Zacharias Pontifex auctoritate sua confirmavit, verùm etiam quod ea expeditione ipsi Galli, aliquas Italiae partes in suam potestate redigendi, cujusrei incredibili semper cupiditate gens Gallorum flagravat, occasionem nanciscebantur. Eo bello quùm adversus Longobardos, Pipinus primum, deindè Carolus Magnus feliciter pugnassent, ad extremum, omnium eorum Regno potiti, quidquid Exarchatus finibus continebatur, Pontifici traderunt. Sunt, qui Pontificem Romanum, ut opimam nimis & profusam largitionem impetraret, tunc primum commentitiam illam Constantini Magni donationem in lucem protulisse putent: & vero persuaderi ea res hominibus imperitis, in tanta temporum barbarie & literarum ignorantia nullo negotio poterat. Immortali quoque beneficio Gallorum Reges, ut supra demonstravimus, Pontifex sibi devinxerat, tum ipsi Reges pietatis famam largitio-

tionibus de alieno factis captabant. Ea enim tempestate in ordine Ecclesiastico, magnis donis ac muneribus colendo: præcipuum gloriæ fructum stulta vanitate summi intimique juxta repositum habebant. Quinimò quæ in usum Ecclesiæ destinarent Reges, ut immunia essent, & quæ eorum beneficio Prædia Clerici tenerent, ea ut libera & nullis aggravata oneribus haberent, operam dabant. Earum largitionum magnitudine Clericos ad detestandum Regibus obsequium in primis excitatos fuisse, compertum habeo; veritos sc. ne Majorum donationes succedentes inde Reges rescinderent, & irritas facerent. Est enim ita, ut prudentiores monent, naturâ comparatum, ut effusa nimis commodorum & munerum largitio, odium potius quam amicos Regibus pareat: nam qui ejusmodi coluntur donis, quum in perpetua suspitione ac metu versentur, ne ea aut imminuantur aliquando aut omnino repetantur: ita firmare suas opes nituntur, ut eas tutari, & vel invito Rege in perpetuum sibi asserere valeant. Sunt autem inter eruditos nonnulli, qui quum omnes iræ atque odii causas procul habeant, existiment, Pontifici consilium fuisse traditas sibi terras summo Imperio regere. Caterum populum, libertariis

avidum suis vivere legibus, quam jugum accipere maluisse: Etenim insolens admodum & Sacrosanctæ dignitati minimè conveniens esse videbatur, Pontificem, Reguli cujusdam ac Principis profani personam suscipere. Ea re accidit, ut Leone III. Pontifice seditio populi Romani fieret. Pontifex quum opem ac fidem Caroli Magni implorasset, in pristinum deinde locum restitutus, unà cum populo Romano Carolum salutavit Augustum. Eo facto summum Exarchatus Ravennensis Imperium, & reliquarum imperii Occidentalis partium Principatum adeptus, quum earum sine summa potestate possessionem Pontifici tanquam Beneficiario reliquisset, *Advocatus & Defensor Ecclesia* est appellatus. Atque in eo statu res mansit, donec Imperii gubernacula Henricus IV. cepessivit.

*Papa excu-
tit jugum
Caesarei
Dominæ.
1115.*

§. 21. Cæterum, quum sine auctoritate & suffragio Imperatoris creari Pontifices haud possent; tantaque illius esset audacia, ut Pontifices immoderatus sese gerentes in ordinem cogere, & de folio suo præcipites dare non dubitaret, ad extremum *Advocati & Protectores* nomen grave ipsis & invisum esse coepit. Itaque excutere jugum, & Imperatorum Dominatum propulsare summo studio contendunt;

derunt ; nec nisi magno interposito spatio, ingenti certamine juxta & calliditate sibi libertatem pepererunt. Quam ob causam, ut eorum opes frangerent, & auctoritatem imminuerent, nunc in Germania, nunc in Italia magnis eos turbis ac motibus illigare, Pontifices perpetuo laborarunt. Strenuam eis operam Germaniæ Episcopi navarunt. Ii, quum se Cæsari, cujus beneficio Episcopatus debebant, obligatos eo nomine esse, æquè ac Pontificis, ægre ferrent: cum Pontifice conspirarunt, ad ordinandam rem Ecclesiasticam, & peculiari & libero imperio constituendam. Ad eam rem perficiendam non aliud tempus magis idoneum esse rebantur, quàm quo Imperium Henricus IV. gerebat. Ei quum solutissimi mores, & turpissima probra, Regnumque male administratum, ingentem apud Ordines Germaniæ invidiam, & ex ea, dissensionem, conflasset: Gregorius VII, cui antea Hildebrando nomen erat, arroganti Vir ingenio, contumaci, & ad quidvis audendum parato, postquam ad Pontificiam dignitatem evehctus erat, conqueri exemplo de Imperatore cœpit: Sacerdotiorum Constitutionem suis juris ac potestatis; nec in manu Imperatoris esse debere; qui nundinando ea, & hominibus impro-

bis vendendo, turpissimum ex iis quæ-
 sum faceret, & Sacrificulos vitio creatos,
 prius quàm mysteriis Sacerdotii rite initia-
 ti forent, ornatu Sacerdotali & insigni-
 bus condecoraret. Quumque vetere &
 optimo jure sibi deberi ea Imperator con-
 tenderet, nec ab iis vel latum unguem
 discedere vellet Pontifex, quum Sacris pro-
 hibitum, diro anathematis fulmine per-
 cussisset, & Episcopos & reliquos in eum
 ordines incitasset, tantis eum turbis ac
 molestiis involvit, ut creandi Episcopos
 jure cedere ad extremum cogeretur. Per
 eam autem speciem Pontifex non solum
 Episcopos à potestate Cæsaris subtrahere,
 sed Principatum etiam Italiæ invadere, &
 Principes ad unum omnes Imperio *Sedis*,
 ut vocant, *Romanæ* subicere nitebatur. Et
 res facultatem habuisse, nonnullis vide-
 tur, quod ea tempestate, divisa in tot Prin-
 cipatus Europa, tenuissimis maxima ex
 parte opibus suffultos, Reguli ac Principes
 complures, seu Religione quadam inducti,
 seu quod Potentiorum vitare jugum vo-
 lebant, in ditionem Pontificis se ultro tra-
 diderunt, vectigal ei & stipendium quotan-
 nis persolventes. Adeo; ut si tres Ponti-
 fices, aut quatuor, ad regendam Ecclesiã
 eam seu calliditatem seu dexteritatem
 continenter attulissent, ut Sanctitatis spe-
 cie

cie consilium tegerent, & populum ab injuriis Principis defendendum susciperent, summo totius orbis Imperio, qua Civili, qua Ecclesiastico, potiti haud dubiè forent. Nec se jugo solum exuere Pontifex, verum Imperatorem etiam potestati suæ subicere contendebat: ejus enim se judicem ferre, delatum à popularibus ad causam dicendam citare, sacris prohibere & anathemate ferire, regno denique mulctare instituit. Quamvis autem, quæ patri crepta fuerant, recuperare filius, Henricus I. conatus Paschalem Pontificem captum, & in custodiam traditum, restituere sibi jus creandi Episcopos coegit; Clerus tamen Europæ fremens, & indignatione commotus, tantum negotii exhibere Imperatori cœpit, ut Sacerdotia constituendi jure ad ultimum cedere omnino cogeretur clō c xxii. Sub id tempus magnas quoque eadem res turbas & contentiones concitavit in Anglia, & hunc in modum consopitæ sunt clō c vii. ut jus creandi Episcopos Rex eis remitteret, Episcopi in Regis verba jurarent. Jusjurandum quo suam fidem obligarant Episcopi, Pontifici displicuit; nullo quippe vinculo eos Regi suo obstrictos esse malebat. Itaque, id jusjurandum dare Episcopos Franciæ nominatim vetuit. Caterum

Ludovicus VI. & Successores ejus, usque
 adeo animum ad jus suum tuendum ob-
 firmaverant, ut cum nec flectere precibus,
 nec minitendo terrere, quo postulata im-
 petrarent, Pontifices possent: Nec etiam
 duos simul, Imperatorem & Gallum, la-
 cessere & irritare Pontifices sustinebant;
 tutius esse rati; in alterutro aliquod adver-
 sus omnes casus & incertos eventus præ-
 sidium constitutum se habere. Præsertim
 quum Pontifex non tam Gallum, quocum
 ei haud multum rei erat, labefactare; quam
 nimias Imperatoris in Italia opes, quum
 jam ipsius imperio Romæ immineret,
 frangere & debilitare laboraret. Nec
 perinde ut in Gallia, idem omnes sentie-
 bant in Germania. Cæterum ab odio & æ-
 mulatione reliqui Europæ Principes amplis-
 tudinem & opes istius Regni ægre ferentes,
 haud gravatè cum Pontifice ad Cæsarem
 labefactandum conspirarunt; quum spe-
 ciosus *Sacro sanctæ Sedis* & Pontificiæ digni-
 tatis tuendæ titulus, consilium regeret
 Friderici deinde I. & II. imperatorium in
 Pontificem Romanum jus ac potestatem
 restituere in pristinum locum nequicquam
 conati sunt; scissa in duas factiones Italia;
 quarum altera Guelforum, altera Gibelli-
 norum erat. Hi Imperatoris, illi Pontifi-
 cis rebus studebant; tantæque ac tam diu-
 turna

turna rerum confusione Italium miscuerunt, ut eam in ordinem cogere & perdomare Imperator nullo modo posset. Mortuo Friderico II. quum rem Germanicam diuturnum illud Interregnum vehementer turbasset, restituto ad extremum Imperio, satis benigne secum fortunam egisse Imperatores credebant, si rebus suis & otio consulere in Germania possent; tantum abest, ut ulterius de Italia sibi magnoperè laborandum esse putarent. Ea re factum, ut ea tempestate non solum, quæ in ipsius proprie ditione erant Pontifex, summo imperio regeret, sed infinitam in omnia Ecclesiæ bona potestatem propalam usurparet.

§. 22. Nec eo fastigio contentus Pontifex fuit: Aliud etiam, & quò latius patebat, eò perniciosius dogma in vulgus edebatur: Pontifici in Principes jus esse divinitus datum, non quo infinita & omnibus numeris absoluta potestate in eos dominaretur, sed regendi Imperii custos quasi, moderator, & arbiter esset. Et si enim non eò temeritatis erant progressi Papæ, ut quod ad res civiles attinet, ex Pontificis nutu pendere Imperatorem oportere, palam & dilucidè traderent: tamen quia summum rei Ecclesiasticæ Imperium obtinebant, jus sibi haud ex vano esse cre-

Papa super quoscunque sese offert Principes.

debant, dicta & facta eorum censere & aestimare, admonere eos, castigare, quæ honesta esse & utilia censuerint, imperare, & prohibere contraria. Itaque, exorto inter Principes bello, Pontifices imperare, ut factis induciis, jure experirentur, ipsisque Papis causæ disceptatoribus uterentur, quodve illi judicarint, ut in eo starent; non dubitarunt: minati etiam, secus si fecerint, fore, ut non ipsi solum Principes Anathematis fulmine percutiantur, verum etiam universo Regno Sacris interdicator. Suarum quoque partium & officii esse existimabant, cavere, ne quæ piacula, quæ piorum animos offendant, palam admittantur, afflictos item & injuriâ Potentiorum oppressos erigere & sustinere, ac toto denique Orbe terrarum judicare. Itaque omnes omnium de injuria Potentiorum conquerentium ejulationes secundis auribus accipiebant. Quin longius etiam progressi, de injuriis, & novis vectigalibus, quibus se à Principibus populares affectos esse, & aggravatos conquererentur, non cognoscebant solum, verum etiam, ne nova tributa exigerentur, gravissimam Anathematis poenam comminati nonnunquam interdicebant. Interdum eos & eorum bona, quibus Sacris interdictum erat, proscripserunt;

Sakra-

Sacramenti Religione populâribus absolutis. Nec enim verum esse aut æquum causabantur, ei, qui adversus Ecclesiam rebellasset, Dominatum in populum Christianum aut Imperium relinqui. Id jus in multos, qui sceptro & purpura fulgent, usurpari ausi, apud nonnullos reipsa exercuerunt, & quasi in perpetuum stabiliverunt. Atque ut horrenda postulata, usurpationesque detestabiles aliquo præsidio firmarent, commentitias *litteras Decretales*, quibus fucum imperitis facerent, in medium protulerunt. Iis ceu fundamento superstrui Jus Canonicum est cœptum, quod infinitam Pontifici potestatem in Christianos attribuit, eiq; velut Parenti Universali, Ediçta fidelibus proponere, quæ aut ad salutem eorum, aut ad Religionis incolumitatem aut stabilimen pertinent, monere ac præcipere, & refractarios denique poenis coërcere, jus esse tradit. Nam quo minus decessores Gregorii VII. eam in Imperatores potestatem exercuerint, impedimento fuisse vel superiorum Imperatorum ab injuria se continentium moderationem, vel ipsorum Pontificum vitiis se ac probris inquinantium socordiam prædicabant. Nec exempla decrant, quibus postulata Pontificis quasi vestirent atque firmarent. Commemorabatur,

batur, quòd in Theodosium Imperatorem exemplum Ambrosius ediderat, Wambam item Regem, ab Episcopis Hispaniæ coactum esse, Regno se abdicare, criminis expiandi causa: Ludovico Pio quoque Regnum ab Episcopis Franciæ abrogatum; qui recipere deindè Regnum, nisi Episcopi in Conventu, ad id nominatim habito, auctores fierent, noluit: Denique Carolo Simplici Fulconem Archiepiscopum Rheimensem comminatum esse, se populares ejus, si societate cum Normanis Barbaris tunc temporis, & Paganorum adhuc superstitioni addictis, Rex inivisset, Sacramento soluturum: Quæ quùm ita sint, dubium non esse, quin major Pontificis quàm reliquorum Episcoporum potestas esset: ut quæ nullis, nisi quòs Conciliorum Canones & Decreta ipsorum Pontificum nominatim determinarent, finibus, circumscribatur: jam verò nullo eorum seu Decretorum seu Conciliorum capite caveri, ne Imperium Augustis Pontifices abrogarent, Nec verisimile videri, nemini de ea re quicquam in mentem unquam venisse. Et quùm id quoque sibi Pontifices sumissent, ut Regio titulo nonnullos, nominatim id, sive ea ambitio fuerit, sive superstitio, petentes, condecorarent: in eam demum hæresin venerunt, ut

ut quos indignos Regno judicaverint, eos privare, & cum insignibus, jus sibi esse existimarent. Edictis quoque, quibus jungi matrimonio vetabantur, qui vel septimo consanguinitatis, vel quarto affinitatis gradū se invicem contrigissent, exagitare Principes mirifice poterant. Etenim quia raro admodum eveniebat, ut collocari in matrimonium illustri natalium splendore puella viro Principi posset, quin cum eo una saltem earum, quas commemora- vi, necessitudinum ipsi intercederet: vel in perpetuo metu Principes versari neces- se fuit, ne nuptias Pontifex turbaret, vel ut lege solvantur, supplices petere oportuit: Utrōbique autem ad nutum se & volun- tatem Pontificis accommodare. Nego- tiorum denique, quibus Pontifex destine- batur, multitudo, præstantissimos quos- que & ingeniosissimos Europæ viros, in- ciam Romanam pellexit, qui munera ambitiose prensabant, & in amplissima Scholas eas artes, sine quibus res magnæ geri non possunt, comparari sibi studebant. Hi ut Pontificis sibi benevolentiam, in quā omnem fortunæ suæ spem colloca- tam habebant, conciliarent, rationibus ejus & consiliis omnibus modis inservie- bant; ut de incredibili totius Cleri in suum Antistitem animi propensione & ejus
com-

commodis velificandi studio nihil dicant. Et hæc quidem omnia satis declaravit Bonifacius VIII. Pontifex, qui A. clō ccc, quem Jubilæum esse voluit, & solenni ritu celebravit, nunc Imperatorio ornatu & insignibus, nunc Pontificali habitu indutus incescit: Et duos gladios, Ecclesiasticæ juxta & Civilis potestatis insignia, præferre sibi jussit.

*Autoritas
Pontificia
impugna-
ta.*

§. 23. Verum intolerabilis potentia usura frui diutius Pontifici per adversario non licuit, tantis quippe cladibus concussa est, ut de pristina arrogantia, & palam grassandi libidine remittere aliquid Pontifices, & ad callida consilia versi, leniorem postulata urgendi viam insistere cogerentur. In iis equidem contentionibus, quæ Pontifici cum Henricis & Fride-ricis Imperatoribus fuerunt, superior res Romana fuit. Cæterum satis magnam subindè contumeliam Pontifices acceperunt, adeoque sunt contemptim habiti, ut multa audire cogerentur, quæ cum exigua ipsorum gloria conjuncta erant, & cuivis alieno à partium studio, persuadere facile poterant, non Divinam respici gloriam, sed opes, sed dignitatem, & am- p-itudinem, propria ambitionis humanæ instrumenta quæri. Sed quum Philippum Pulcrum Gallorum Regem, iisdem arti-
bus

bus petere Bonifacius VIII. instituisse; Rex occurrendum ei rei ratus, Pontificem tanta clade perculit, ut vix alia res magis ejus opes affligerit. Sed ne acerbitas rei, quàm duriùs in Pontificem Imperator consulisset, offendiculum plebi præberet, vulgo ferebatur, non dignitatem & personam ejus, qui in regenda Ecclesiâ vices Jesu Christi, Sospitatoris nostri, obiret, violatam; sed improbitatem hominis perditissimi, qui malis artibus Principatum Ecclesiæ occupasset, coërcitam: ideoque, ut ejus tyrannide Ecclesia liberaretur, Concilium Universale esse convocandum. Sed multo graviore calamitatis ictu Pontificiam auctoritatem concusserunt Schismata. *Schismata.* Ita enim appellabantur Cardinalium de novo Pontifice creando dissensiones. Ab iis quàm sæpè duo simul Pontifices legerentur, se invicem quasi certamine factò, diris devovere, & conviciis proscindere, &, ut Pontificiam sibi dignitatem firmarent, Regum benevolentiam blanditiis captare instituerunt, adeò, ut se eorum ope carere haud posse, uterque ostenderet. Luculento quoque eæ dissensiones Documento fuerunt, non afflatu & Numine Sancti Spiritus, sed rerum mortalium respectu, & malis artibus istos Pontifices esse creatos. Itaque ex prudentio-

tioribus multi in ea sententia fuerunt; ut si quando duo simul Pontifices dissentientibus Purpuratis, vitio creati forent, neutrum pro Pontifice esse habendum, & de integro suffragium ineundum existimarent. Id quod deinceps in Concilio Constantiensi usu comprobatum est. Primum, nisi me memoria fallit, Schisma exortum est A. clxc xxxiv. vel ut alii auctores sunt, clxc xxx. eo anno, quo Honorio II. mortuo Innocentius II. & Anacletus simul Pontifices sunt creati. Innocentii partes plures sequebantur; Anacletus, Siciliae Regis, & Ducis Aquitaniae praesidio nitebatur. Anacleto rebus humanis exempto, qui ejus studebant rebus, alium in ejus locum suffecerunt, qui Victoris sibi nomen adscivit. Innocentius, quum pactione facta inter se, & Victorem convenisset, Pontificatu se sponte abdicavit, & hujus se potestati ultro subjecit. Post obitum quoque Hadriani IV. duo iterum Pontifices simul sunt declarati, Alexander III. & Victor IV. Cum illo faciebat Gallia, Anglia & Sicilia; hujus partes Fridericus I. una cum Germania, & plerisque Clericis Romanis sequebatur. Victori extincto, qui ejus factionis erant, continenter tres Pontifices surrogarunt, quibus tamen omnibus superstes fuit Ale-

xander. Hi quum se certatim diris invicem devovissent, & conviciis confectati essent; ita se gerere singuli adversus eos, quorum opem implorabant, necesse habuerunt, ut Clientum potius, quàm Dominorum personam sustinere viderentur. Gregorii XI. mortem multo gravius est Schisma consecutum, duobus item Papis simul creatis: quorum alter Romæ, alter Avenione sedem collocaret. Istud Schisma Pontificatu subindè aliis atque aliis per manus tradito, annos circiter quadraginta tenuit. Per id tempus utraque pars Anathemata sibi invicem inurere, & acerbissimo odio debacchari in æmulos instituit. Avenionensis partes, Gallus, Scotus, Castilianus, Sabaudus, & Neopolitanus, sequebantur; Romano reliqua orbis Christiani pars favebat. Utraque factio auctoritatem virorum Illustrum, & sanctitatis laude conspicuorum, prout suis quemque rationibus addictum habebat, mirificè prædicavit, miracula item, & visa, revelationesque Divinas, quibus sua cuique dignitas divinitus firmaretur, jactavit. Atque ejusmodi utrinque rationes & argumenta in medium proferebantur, ut nullum res exitum habitura videretur; donec ad extremum abdicare se Pontificatu uterque Antipapa in Concilio Constantiensi

tiensi iuberetur , novo in eorum locum Pontifice suffecto. Postremum Schisma incidit in annum clōccccxxxiii. Eo anno , Concilium Basileæ est habitum , quod abrogato Eugenio Pontificatu , Felicem V. in ejus locum substituit ; qui ut cederet Eugenio, adduci nullo modo poterat. Et tenuit ea dissensio, donec post Eugenii mortem Nicolaus V. Pontifex crearetur: ei Felix, ut otio suo ac tranquillitati suæ consulere, jus suum bonis conditionibus remisit anno clōccccxxxix. Quantoperè autem eæ dissensiones pudentia, ut ita loquar, Paparum nudaverint atque detexerint , cuivis licet existimare. Per eam quoque occasionem, opera Conciliorum , Pontifices in ordinem cogebantur , ab iis etiam per id tempus provocari ad Concilia coëptum est: jamque effrenata licentia , Conciliorum , velut lemurum quorundam & larvarum terrore injecto continebatur. Atque eo minus subtrahere se à Conciliorum potestate Pontifices poterant , quod Gregorius VII. ipse redintegrata inter eum & Henricum IV. contentione, pollicitus erat, Concilium in certum locum esse indicturum, ad quod æqui pariter & iniqui, sive illi Ecclesiastici ordinis , sive è Politico- rum genere essent, convenire possent ; ut fre-

fregeritne pacem Imperator an Pontifex, dijudicent, atque simul otii & tranquillitati restituendæ rationem circumspiciant. Idem quoque præ se tulit Gelasius II. cui cum Henrico V. certamen erat; addiditque, velle se Episcoporum, fratrum suorum iudicio stare; ut quos ipse Deus Ecclesiæ suæ iudices constituisset, & sine quorum auctoritate disceptare ipse de ejusmodi causa non posset. Innocentius III. quoque rescripsit; quum matrimonium inter Philippum Augustum Regem & Engeburcham, Danicam, in disceptationem venisset, decernere se de ea causa quicquam, sine Concilii universalis auctoritate, haud posse: id autem si convocaret, in discrimen se amittendæ dignitatis & muneris sui venturum. Quibus verbis confiteri videbatur, Pontifici, si quando abuti sua potestate cœperit; abrogari munus & Imperium posse. Quumque hæc & similia verba Pontificibus deinde ob oculos ponerentur, memoria eorum, diuturnitate temporis, ut fit, obliterata, in eam partem verba interpretabantur, ut tantum dicis causa prolata, & ab humanitatis officio, non ex animis sententia profecta esse viderentur. Nec alioquin expedit, magnam nimis, in eo genere verborum mo-

f a de

destinam adhiberi. Concilium igitur Pisæ habitum A. clō ccccix. abrogato Benedicto XII. & Gregorio XII. Antipapis, Pontificatu, novum Pontificem Alexandrum V. creavit. Constantiense autē Concilium non solum duos istos Antipapas ab regimine Ecclesiæ denuò removit, verum etiam Johannem XXIV. qui post mortem Alexandri V. creatus erat Pontifex, labefactavit, & penitus evertit. Eodem modo in Concilio Basiliensi actum fuit cum Eugenio IV. Decreto etiam addicto, quo cavebatur, ne qua navata rebus Ecclesiasticis operæ merces sive Romæ sive aliis in locis acciperetur. Quibus omnibus, quum opum Pontificis & amplitudinis quasi fundamenta subruerentur, mirum videri haud debet, quod Pontifices deindè tam ægre adduci se passi sunt, ut Concilium Tridenti indicerent, quodque tot machinationes adhibuerunt, ne ea res dignitati ipsorum fraudi esset, Conciliis deindè nuntio in perpetuum remisso.

*Translatio
Sedis Pon-
tif. Aven-
nionem.*

§. 24. Intereas dissensiones ad conculcandam Pontificis dignitatem haud parum valuit translata à Clemente V. Avennionem Sedes Pontificia, impulsore, ut opinor, Philippo Pulchro, Gallorum Rege. Is quum à Bonifacio VIII. orta cum Pon-

Pontifice contentione, diro fulmine percussus esset, in præsens vanum sine effectu, & irritum evasurum Anathema ratus, collocatâ in Gallia Sede Pontificia, compellere eum instituit: simul in futurum sperans impediturum se, quo minus (quod sperabat fore) talia Pontifices audeant: præsertim si Cardinales è Gallorum gente maxima ex parte legerentur. In ea urbe Sedes Pontificia constituta fuit annos septuaginta & amplius: præterquam quod post idem tempus etiam Antipapæ cum locum, ad habitandum sibi delegerunt. Ea res, multa & cum magno Pontificiæ Dominationis detrimento conjuncta incommoda peperit. Nam ut alia taceam, Petri, qui Episcopus Romæ fuisse traditur, præsentia inprimis, & quam ea peperit, singularis auctoritatis, & eximie auctoritatis opinione fundata Pontificia sedes, & hoc quasi fundamento ad id tempus subnixa stetit: Quæ utrum ejusmodi essent, ut una cum Sede transferri Avinionem possent, nec ne, anceps erat & ambiguum. Ad hæc Pontifices ex nutu fere Galli pendere, & in ipsius potestate esse, ea cogebantur. Quanquam Galli, maximè initio quæstum & prædam se fecisse rati, non aliud, nisi rerum divinarum undinationem, varias pecuniæ extor-

f 3

quen-

quendæ artes, sordes, avaritiam, & quoddam, quod nominari fas non esset, flagitium, translatione Sedis Romanæ, allata sibi esse conqueruntur: Porro autem Pontificia Aula, quum nativis quasi Sedi-
bus convulsa, & ad exteros translata suas
labes ac vitia facilius nudaret & detegeret,
in contemptionem apud omnes est adduc-
ta. Nec minore damno Ecclesiastica bo-
na, quæ erant in Italia, absentia Pontificis
affecit. Labefactata enim Imperatorum in
Italia auctoritate, & everfis opibus, quum
pro se quisque Principatum invaderet,
Guelforum, & Gibellinorum factiones
coelum, quod ajunt, terræ miscuerunt.
Jamque, omni Pontificis reverentia per
absentiam sublata, ne ab Ecclesiasticis qui-
dem bonis vim & injuriam tumultuantes
abstinebant. Pontificis Legatos, pleræque
Pontificiæ ditionis civitates instinctu ma-
ximè Florentinorum exegerunt: ex post
modum in ditionem ac potestatem Regu-
lorum maxima ex parte venerunt. Lu-
dovicus Bavarus quoque Imperator, cu-
cum Pontifice ea tempestate haud conve-
niebat, cæterum populus imperio Eccle-
siastico subjectus mirificè studebat, eas sit
terras vindicavit, in clientela fiduciarum
Imperatoris esse causatus; concessitque
beneficiariam earum possessionem iis, qui

adversus Pontificem cum eo stabant. Itaque in miserrimo statu *Patrimonium Ecclesie* ea tempestate fuit : nec nisi multo post amissa recuperare Pontifices, nec interea, nisi paucos admodum, deicere ac detrahare de violenta locorum possessione potuerunt. Ad ultimum tamen Pontificis jugum, quo se exuerat, quodve tamdiu à cervicibus suis propulsaverat, Roma accipere rursus, & ad obsequium redire coacta est, quum Castellum Sancti Angeli Bonifacius IX. ut eo quasi freno civitatem in officio contineret, comuniisset. Potissimam autem pristinas Ecclesie possessiones recuperandi occasionem & facultatem præbuit Alexander VI. Ei Nothus erat Cæsar Borgia nomine; qui factis cum Charlotta Albreta nuptiis, quum Ducatum Valentinum in dotem accepisset, vulgo Dux Valentinus appellabatur. Ei, quo immensas opes & totius Principatum Italiae compararet Pontifex, Regulos, qui Ecclesie Romanæ provincias tenebant, evertendos, & ditione spoliandos sibi destinavit, eo consilio ut filii deinceps ditioni eas provincias subjiceret, eique in perpetuum firmaret. Nec quod de labefactandis Regulis ceperat consilium, fortuna destituit. Maximam enim ipsorum partem Borgia seu vi perdomuit, seu insidiis cir-

cum ventos superavit. Quamvis autem cupiditate aut scelere per fanda nefandaque grassabatur, non tamen est veritus dicere; sibi consilii sui rationem constare, nec temerè ea agenda se suscepisse, quæ Pater, & Divini Numinis plenus, & in cuius potestate Spiritus Sanctus esset, ei permisisset. Cæterum quum ad stipendia militibus persolvenda pecunia decesset, re cum patre communicata, è Cardinalium numero opulentissimum quemque, appurato ad id convivio, occidere veneno constituit, partim ut eorum facultatibus potiretur, partim ne obsistere ipsius conatibus possent. Sed pocillator errore quodam deceptus, Pontifici & ejus filio ex lagena veneno suffecta miscuit, atque adeò imprudens venenata pocula utrique ministravit. Ita pater lethali viru in venas diffuso statim expiravit; filius mortem quidem effugit, sed graviter ac diu ex eo adversa & infesta valetudine est conflictatus. Is novi Pontificis creationem ita deinde accommodare ad suas rationes non potuit, ut qui declaratus esset Papa, ejus consiliis faveret. Ita Borgiæ consilium ad nihilum recidit: Et paucas admodum hebdomadas imperium Ecclesiæ tenuerat Pius III. quum in ejus locum Julius sufficeretur, qui quum à Borgia capitali

pitali odio dissideret, quæcunque ille occupaverat, vi recepit, Cæsare ipso ex finibus Ecclesiæ Romanæ expulso. Idque variis consecutus machinationibus est, ut quascunque antea provincias Ecclesia tenuerat, ad ultimum recuperatas sui juris additionis faceret, Ferrara excepta, quæ germana stirpe Principum Estensium extincta, exeunte superiore seculo, in potestatem Pontificis devenit. Idem quoque Pontifex Gallorum conatus prohibuit, & necerum in Italia potirentur, obstitit.

§. 25. Florentissima res Pontificia, & ad summum amplitudinis fastigium perducta videbatur: quod & omnes Occidentis populi, præter exiguas, & quarum ferè nulla habebatur ratio, reliquias, Valdensium in Gallia, & Hussitarum in Bohemia, in fidem se & auctoritatem Ecclesiæ Romanæ contulerant, & controversiam, quæ inter Julium II. & Ludovicum XII. exorta schisma parere nullone negotio poterat; mortuo Julio, Leo X. Pontifex feliciter composuerat; & veteres denique de ambitione & insolentia Pontificis quærelæ obliteratæ ferme oblivione erant: in hoc, inquam, pacatissimo juxta & felicissimo statu res Romana erat: quum ecce res parva dictu tantos in Ecclesia Romanamotus concitavit, ut & bona Euro-

*Lutherus
Papatum
succensit.*

pæ pars se jugo Pontificis exueret, & in ultimum discrimen Dominatus Pontificius adduceretur. Cæterum, uti instituti nostri ratio fert, breviter ea tantum persequemur, quæ ab ope hominum atque consiliis profecta sunt. Nam arcanam divinæ providentiæ rationem, & occulta opera silentio venerari supplices nos & mirabundos, quam temerè perscrutari, satiùs esse ducimus. Nec incommode aut inepte transtuleris, ad hanc rem Taciti, gravissimi Scriptoris effatum: *Abditos Numinis sensus exquirere illicitum, anceps, nec ideo assequare.* Erat autem Leo X. perhumanus, juxta & moribus commodissimis; idemque insignis magnificentiæ cultor, & in probos ac eruditos homines benignus imprimis atque beneficus, & talis omnino, ut si ad eas virtutes mediocris saltem rerum divinarum cognitio, & ad officia pietatis colenda propensio animi accessisset, pro Pontifice non malo haberi potuisset. Is quum florentissimo rerum suarum statu, ærarium immoderato luxu & profusis largitionibus exhausisset; ipse artium conficiendæ pecuniæ expertus, Laurentii Puccii Cardinalis, ad eam rem consilio utebatur. Qui postquam omnes conflandæ pecuniæ fontes exaruerant, ad *Indulgentias*, expeditissimam eam ad opes vitam ratus, animum

num adjecit. Itaque castoto Orbe Christiano venales proponi, & amplissima instrui potestate jussit, ut non solum peccatorum veniam vivis juxta & mortuis darentur, verum etiam feriis esurialibus ovibus vescendi & lacte, &c. ementibus eas copia fieret. Jamque pecuniæ, quæ ex ista nundinatione redigeretur, spe atque animo incubabant belli mercatores, & quasi anticipatione quadam certis usibus destinabant. Nam quem in Saxonia & finitimis circa regionibus, ad Oceanum pertinentibus, quæstum facturi erant, cum Magdalænæ, Pontificis sorori, pro munere assignaverant. Et ut ejus quæstus donatio luculentior esset & uberior, pecuniæ istius exigendæ provincia demandata est Arcimboldo, qui Episcopum nomine cultuque mentitus, Genuensium mercatorum fraudes ac fallacias moribus ad amissim expressit. Is vicissim, ea in re, non nisi istiusmodi hominum opera utebatur, qui quàm animosissime licerentur, nec præter lucrum quidquam spectarent. Erat autem antiquitus in more positum apud Saxones, ut Eremitarum, qui in S. Augustini disciplina erant, tanquam præconum voci, *Indulgentiæ* subjicerentur. His quum Arcimboldi Procuratores haudquaquam fiderent, veriti, ut erant ad eum quæstum cal-

callidi, ne vel fraudem aliquam admitterent, vel saltem non majus solito lucrum acceptum referrent: Dominicanis ea cura mandata est. Quæ res eo altius Augustinianorum Monachorum animos pupugit, quo majorem in eâ auctoritatis suæ, juris & commodorum jacturam fecerant. Jamque Dominicani, suam in novo munere obeundo industriam Pontifici probaturi, pro Concione merces venales miris ad cælum laudibus ferebant, ita ut ea res audientium animos vehementer offenderet: quum Procuratores *Indulgentiarum* interim ea, quæ agrestes ad expianda crimina & noxam redimendam, unciatim, genium defraudantes suum, comparserant, in turpissimas effuderunt voluptates, & per luxuriam foedum in modum consumpserunt. Eam Lutherus, è disciplina Eremitarum Monachus, occasionem conatibus impudentissimorum nundinatorum sese objiciendi, arripuit: & repaulò diligentius expensa, quàm ingentes deprehendisset errores, de eo argumento Propositiones numero XCV. proposuit, & publicè affixit Wittebergæ A. clō lxxvii. Ad eas refellendas Joannes Tecelius, è familia Dominicanorum Monachus, Propositiones quasdam in lucem edidit Francofurti ad Oderam.

Ita,

Ita, quasi lite contestata, suas uterque
Theses & pluribus verbis declarare, &
multis argumentis firmare cœpit. A Lu-
thero Ratio & Sacra Volumina stabant:
Tecelius, quod ad suam causam proban-
dam proferret, nihil habebat, nisi quod se-
niti Pontificis & Ecclesiæ auctoritate di-
ceret. Itaque Lutherus longiùs progredi,
& Pontificiæ auctoritatis rationem & præ-
sentem Ecclesiæ statum diligentia inqui-
rere coactus, quùm errores alios super
alios, falsasque opiniones, & pravas Ec-
clesiæ consuetudines detexisset: fraudes
& flagitiosam Monachorum ac Sacerdo-
rum vitam perstringere, & palam insectari
cœpit: & simul, Magistratibus, ejusmo-
di Ecclesiæ maculas abolendi delendi-
que jus esse docuit. Quo consilio,
& ut aliquod sibi contra adversarios præ-
sidium compararet, Magistratum ordi-
nem, dignitatem, opes, amplitudinem &
potestatem, de quibus humiliter ad id tem-
pus & contemptim grex Monachorum
Sacerdotumque, & ipse senserat, & juven-
tutem erudiverat, magnifice extollere,
& acerrimè propugnare instituit. Quæ
initio secundis excepta auribus, & ingenti
omnium assensione comprobata, longe
lateque se brevi temporis spatio diffude-
runt.

*Eorundem
semporum
verum fa-
cies.*

§. 26. Cæterum, ut intelligas, qui potuerit fieri, ut Monachus, homo tenuis, nec magna ad tantam rem auctoritate munitus, Pontifici Romano tam insignem cladem afferret, operæ pretium est, præter divinæ providentiæ rationem, momenta & inclinationes istorum temporum, & qualis animi cujusque affectus, quis motus, quis sensus fuerit, paulò accuratius considerare. Ac primum quidem omnium constat, Lutherum justissimam causam & firmissimis rationibus subnixam habuisse, ut ei initio etiam ex Theologis multi, qui postmodum conatibus ejus vehementissimè restiterunt, ex Cardinalibus nonnulli, & ipse denique Georgius, Dux Saxonæ, faverent. Adversarios autem habuit, tanta improbitate & stultitia præditos, ut in eare quivis vir bonus ingemisceret. Nec erat quisquam initio, qui certamen partium quodam quasi contentionis æstu abreptarum tam longe processurum putaret, ut divortium Ecclesiæ fieret. Quin ne Lutherus quidem ipse, ullam initio defectionem à Pontifice animo agitavit. Nec à Lutheri dogmatis Maximilianus Imperator abhorruit, qui initio, quum ad eum fama Lutheri esset perlata, dixisse fertur: ut cum curâ sibi Monachus iste servetur, se enim utili ejus opera

opera usurum aliquando esse. Ex Monachis tantum & Indulgentiarum Quæstoribus nonnulli, ne lucri ac quæstus jacturam facerent, haud ex vano veriti, vociferari, tumultuari, furere; donec ad extremum ex parva scintilla ingens excitatum incendium est. In miserrimo quoque loco sub id tempus collocata res Christiana fuit: cerimoniis & inanissimis ritibus totus pene orbis immersus erat: nefaria Monachorum cohors ex libidine sua impune dominabatur passim, & indissolubili nexu obcecata superstitione mentes irretitas tenebat. Quæ tum vocabatur Theologia, quanta quanta fuit, nil nisi Sophismata docuit. Definiebantur promiscuè dogmata, certatimque Propositiones in medium proferebantur. Cæterum, quibus ea rationibus probari, quibusve firmari argumentis deberent, cogitare, ne in mentem quidem veniebat. Ad hæc Clericos ejus ætatis, nullo Ordinis aut dignitatis discrimine, ad unum omnes, vitæ morumque turpitudine, in summum apud omnes odium & contemptum adduxerat. Qui novissimè dominati fuerant Pontifices, Alexander VI. & Julius II. memoriam nominis sui, flagitiis, consiliis turbulentis, perfidia, arrogantia, aliisque vitijs Ecclesiastica personâ indignis, infamem

meum & æterna turpitudinis nota inuistam posteritati reliquerant. Qui frugi erant & cæteris meliores Episcopi, neglecto rerum divinarum studio, negotiis civilibus & rerum humanarum curis impliciti penitus & illigati erant: multi eorum vitam agebant flagitiosam, & cum offendiculo piorum conjunctam, ut venationis & aucupii, quam Sacrarum Litterarum intelligentiores esse viderentur. Clerici & Monachi in densissimis ignorantie tenebris venabantur; & propter flagitia ac probra, odio & offendiculo plebi; propter insatiabilem avaritiam, oneri omnibus erant. Porro, qui primi cum Luthero certamen inierunt, inepti, miseri, inficeti & magna ex parte dissolutissimi erant homunculi: qui insolita disputandi ratione, qua Lutherus utebatur, consternati penitus & confusi, quo se verterent; quidve primum, quid deinceps agerent, non habebant. Quanquam autem superioribus etiam temporibus multis se flagitiis ac sceleribus Clerici contaminarant; eas tamen labe, seculorum istorum barbaries & ignorantie caligo texit. Cæterum ea monstra exorients post renatas in Europa litteras; lux e tenebris eruit, & eorum deformitatem oculis omnium subjecit. Tantæ lucis claritatem quum ferre impe-

riti Sacrificuli & Monachi nequirent, succensere Instauratoribus litterarum, & quibuscunque rebus possent ægre, facere ac molestiam exhibere cœperunt: quumque ne sic quidem quidquam proficerent, rem in Religionem vertere, & eruditos fere hæreseos arguere institerunt. Cæterum viri docti derisa illorum stultitia, majori indies studio detegendi ipsorum probra & inscitiam accendebantur. Itaque impudentissimi Monachi, suscepto temere cum Joanne Reuchlino certamine, quum hæreseos etiam innocentem accusare, omni ope niterentur, turpissime se dederunt, & nî fallor, eruditissimo Ulrico Hutteno, Equiti Franco, probabilem, eos facetissimis illis, *obscurorum*, ut vocant, *Virorum Epistolis*, acriter perstringendi causam præbuerunt. Magna animorum contentione & incredibili odio bellum inter Propugnatores bonarum artium & Infectatores gerebatur, quum novum cum Luthero certamen intervenit. Monachi igitur eruditos illigare causæ Lutheri contendebant, ut pari utrosque clade opprimerent. Ea re factum, ut in Germania bonarum litterarum cultores plerique omnes fere Lutheri partes sequerentur. Nec diffiteri possumus, magnum in Erasmo Rotterodamo momentum fuisse, ad superstitionem pro-

profligandam. Is quippe pravas consuetudines multosque errores pridem detexerat, & reprehenderat, Theologiam Scholasticam rejecerat, homines, ut omissi nugis, Sacras Litteras & Sanctorum Patrum Scripta evolverent, hortatus erat: barbariem denique à Monachis & Sacrificulis invectam perstrinxerat: Lutheri quoque causam initio approbabat: etsi præservidum & acerbum nimis scribendi genus, quo Lutherus utebatur, ei non admodum probaretur. Atque vel ipso silentio adversariis Lutheri Rotterodamus vehementernocuit. Etenim quum omnium Theologorum eruditissimus eo tempore & præstantissimus haberetur Erasmus, plerique eum, ad Lutherum scriptis redarguendum adjecturum animum haud dubiè fuisse suspicabantur, ni justam ac bonam causam habere Lutherum intelligeret. Nam, quideindè ab eo in lucem est editus liber de *Libero Arbitrio*, ad inflectendos animos hominum haudquaquam efficax fuit: quippe satis apparebat, eum aliorum instinctu potius, quàm sua voluntate ad scribendum accessisse. Nec argumentum erat ejusmodi, quod ad summam rei aut caput controversiæ pertineret: & à Luthero insuper strenuè confutatus Erasmus erat.

Præ-

Præterea Principes & Ordines Germaniæ perinque ferebant, quod eis multa & gravissima onera imponere Pontifex Romanus in animum induxerat. Nec enim eos fefellit, id agi, ut emunctis argento Germanis, & per fraudes spoliatis, materiam luxus, & aulici apparatus Romanus haberet. Ingens quoque, qui à Turcarum eruptione impendebat metus, ac turbæ, quibus per id tempus Carolus V. Franciscus I. & Henricus VIII. armis inter sese per multos annos decertantes, involvebantur, magnum ad eam rem momentum habuerunt. Neque enim in tanta rerum perturbatione ullum de ista altercatione cogitandi aut deliberandi spatium erat. Sunt qui dicunt Carolum V. ipsum, propagandi Lutheri Dogmata, & late per Germaniam spargendi ausam ultro præbuisse, in spem erectum, fore, ut orta dissensione, per eam occasionem Ordines Germaniæ labefactet & evertat; ipse Principatum & Dominationem Germaniæ occupet, & in perpetuum sibi firmet. Alioquin enim gliscentes incendii scintillas, antequam exardescerent, extinguere nullo negotio potuisset, si Lutherum comprehensum Wormatiæ occidere voluisset.

A. cl̄o Is̄o xxi. Quod factum pro leviuscula fraude, qualem in regnandi artibus

Politici numerant, haberi potuisset. Sed utrum Luthero contra datam fidem extincto, simul ipsius secta & disciplina interitura fuisset, necne; necdum satis liquet: propius vero & credibilius esse videtur, Imperatorem, adolescentem adhuc, nec propter imbecillitatem ætatis futuri providum, haudquaquam prospexisse, tantos eam rem progressus habituram; nec è re sua duxisse, aliquid committere, quo Electoris Saxonici, cujus tum magna auctoritas erat, animus offenderetur. Multo majori ei impedimento, quo minus Principes Germaniæ aggredieretur, fuerunt bella, quæ cum Gallo atque Turca ea tempestestate simul gerebat: præsertim quum Franciscus, Rex Gallorum, aggregare se ad Principum istorum factionem, & cum iis foedera percutere coepisset: Illud utique constat, prætexuisse Imperatorem postea, belli Ordinibus Protestantibus inferendi causam specioso Religionis titulo, ut iis labefactis, ad Principatum & Dominationem Germaniæ viam sibi muniret. Quanquam autem bello Smalcaldensi secunda Cæsari fortuna fuit: tamen, cum Principum ope, sive auxilium adversus Gallum peteret, sive Imperatoriam dignitatem transmittere in Philippum filium vellet, carere nullo modo posset: Consilia ad exitum perducere,

& feliciter cœpta, pari perficere fortuna nequit. Quin etiam Paulus III. ipse, Pontifex, secundis Imperatoris rebus anxius atque sollicitus; ac ne expurgata ab inveteratis vitiis aula Romana, in antiquum simplicitatis & integritatis locum res Pontificia restitueretur, miserè metuens, Gallum, ut incrementi Imperatoris potentia se objiceret, nec Protestantes funditus interire (etiamsi Turcæ ad id opem implorare necesse foret,) pateretur, hortatus est. Ipse denique Pontifex multa sibi mala, sua ipsius culpa, accersivit. Gravissime quippe in eo offenderat, Leo X. Pontifex, quod præfervido studio & calido nimis consilio nundinatores Indulgentiarum defendendos susceperat; quæve in controversiam & disceptationem vocari cœpta erant, novo Diplomate A. cl. lxxix. a. d. ix. Nov. promulgato, definiverat & dijudicarat, omnemque adeò rei conditionibus transigendæ aditum præcluserat, omni insuper spe pacis ac compositionis Luthero incisâ. Magis autem Pontifici expediebat, medium sese gerere, & imperato utrique parti silentio, Lutherum benignitate & blanditiis delinire. Insigni quoque temeritatis juxta & imprudentiæ documento Cajetanus Cardinalis inclementius tractare

Lutherum instituit Augustæ Vindelico-
rum A. clō lxxix. quumque Lutherus ad
ultimum pollicitus esset, se nec vocem
nec scriptum ullum contra adversam fa-
ctionem posthac editurum, modo ut idem
facerent, adversariis præciperetur: eam
conditionem Cardinalis repudiavit, &
Lutherum ad extrema descendere, atque
directo petere ipsum Pontificem, & op-
pugnare coëgit: nec saniore incepto adi-
gere & compellere tanti animi virum ad
sua scripta sua ipsius confessione damnan-
da conatus est. Facile equidem concedi
Luthero poterat, nonnullas moribus Cle-
ricorum & disciplinæ Ecclesiasticæ labe-
& maculas infedis, dummodò ne dog-
mata Ecclesiæ in disquisitionem vocare, &
inveteratas opiniones refellere in animum
induceret. Cæterum quum à Principe
Electore Saxonico Pontifex contenderet,
ut Lutherum sibi traderet; hic necessitate
coactus, & simul veritus, ne Pontificis
preces Elector auribus admitteret, quàm
iniqua ejus postulata essent, sua autem
causa quam firmis niteretur rationibus,
multis subindè argumentis demonstravit.
Postcà vero, quàm ad Concilium Luthe-
rus provocavit, causam suam Pontifex in-
primis suspectam reddidit, quod varia &
inepta causando illud tamdiu procrastina-
vit,

vit, ut eum suæ causæ, si procul ira, cupiditate, metu atque adeò procul omni partium studio ea disceptaretur, diffidere satis appareret. Intempestiva quoque & à ratione temporum fuit aliena contentio & inimicitia, quam cum Henrico VIII. Anglorum Rege Pontifex suscepit. Rex enim, ut quam maximum Pontifici dolorem inureret, in Anglia primus quasi fo- res Religioni Evangelicæ patefecit. Eam quoque Navarræa domus vehementer propagavit & stabilivit apud Gallos, incitata, ut nonnulli putant, odio in Pontificem, qui Ferdinando Catholico occasionem subigendæ Navarræ præbuerat. Inter ipsos denique Pontificios complures erant viri boni, qui sordidissimam, flagitiosissimamque Monachorum juxta & Clericorum vitam paulò acriùs exagitari à Luthero, &, quod ajunt, malo nodo malum quæricuncum, haud ægrè ferebant. Ita ad Divinæ voluntatis nutum se cuncta accommodabant, ut quæ ab æterno Deus decreverat, perficerentur.

§. 27. Cæterum quo nimis latius Lutheri Dogmata manarent, & Pontificiam Dominationem sectamque funditus everterent, res complures impedimento fuisse videntur. Ac primum quidem omnium illud oportet attendere,

*Lutheri
Doctrina
cur suffla-
minata?*

postquam remisso Pontifici Nuntio nonnulli Reges, Principes, Respublicæ & civitates ab Ecclesiæ Romanæ corpore sese absciderunt; fieri non potuisse, quin penes eos, qui Reip. cum Imperio præessent, summum etiam rerum Ecclesiasticarum jus & arbitrium esse protinus inciperet. Quodsi enim unus eorum Principatum sibi in reliquos eandem sacrorum disciplinam sequentes, & Ecclesiæ regimen vindicasset; cæteri tamen, pari se jure & loco censerī oportere contendentes, obsequium ei constanter abnuissent. Quæ res multa discordiæ semina sparsit, impediiitque, quo minus eodem, quo à Pontifice Protestantes oppugnantur, animorum consensu res geri adversus Pontificem posset. Nec principio ad instaurandam Ecclesiam atque ordinandam certo quodam consilio, aut accurata de singulis rebus deliberatione habita, & novi regiminis forma quasi animo præcepta accesserunt; sed nec opinatō in eam rerum conversionem inciderunt; nec nisi ex tempore capere consilium potuere; itaque factum, ut temporaria quædam, &, ut ita loquar, tumultuaria tantum rei Ecclesiasticæ descriptio initio institueretur. Lutherus etsi primus certamen cum auctoritate Pontificis inivit, &, quod ajunt, crabrones irritavit,

tamen ad ejus se nutum ac voluntatem omnibus in rebus accommodare reliqui recusabant, & se quoque aliquo numero & nomine esse cupiebant. Itaque orta inter eos altercatione, quum qui pro sua auctoritate controversias dirimeret, nemo existeret, & in sua quisque sententia præfracte persisterent, intestina quædam partium contentio esse cœpit, ac furere Protestantes, communis hostis obliti, in sua ipsorum viscera cœperunt. Ea res afflicti Pontificis probabilem criminandi causam dedit: hæreticos, postquam secessionem ab Ecclesia Romana fecerunt, in tantum errorum labyrinthum incidisse, ut nec quibus se induissent erroribus, expedire sese, nec fidei suæ ac dogmatum rationem explicare ipsi possent. Permulti quoque Evangelii nomine, ad summam improbitatem & nequitiam abutebantur, perindè quasi libertas in effrænata quadam licentia & vitiorum omnium colluvie consisteret. Quæ res itidem carpendi disciplinam Lutheri ansam Pontificiis præbuit: præsertim quum is flagitiosam Clericorum vitam acerrimè perstrinxisset, & ea re magnam hominum multitudinem in suas partes pertraxisset. Incommode quoque & cum magno exorientis lucis detrimento accidit, ut Lutheri disciplinam

& institutum ingens hominum fanaticorum & monstroforum examen, toto passim orbe volitans, exciperet; veluti Anabaptistæ & similes de eodem genere: ut item agrestes furere & tumultuari in Germania, & periculosissimam facere seditionem insisterent. Quæ quidem mala sectatores & mancipia Pontificis disciplinæ & instituto Lutheri assignabant. Itaque ex potentioribus & Principibus viris multi, intolerandam & infinitam plebilicentiam ea Doctrina dari suspicati, quum Clericorum jugum quodammodo ferre, quam vulgi insolentiam tolerare malletent, atque adeò majori malo minus anteferri fatiùs esse ducerent; omnibus viribus obistere Doctrinæ Lutheri, ne longiùs serperet, coeperunt. Sunt, qui aliquam retardati cursus Evangelii culpam Academiae Parisiensi adscribant. Lutherus quippe, quum suam cum Eccio controversiam dijudicandam ei commisisset; ratus, ut fertur, ob *Sanctionem*, ut vocant, *Pragmaticam*, de creandis Episcopis, abrogatam, Leoni X. Pontifici infensam eam & in omnem ultionis occasionem intentam esse, gravissimo Academiae & acerbissimo judicio damnatus est. Hispanus item, cognito, ad institutum suum imprimis pertinere, ut se Pontificæ Dominationis defen-

senforem & propugnatorem ferret; resistere conatibus Protestantium, dogmata sua longe lateque spargentium, omni ope contendit, ac tam firmo præsidio factionem illam Gallicanam, quæ vulgo *Liga* dicebatur, defendit, ut si regno potiri vellet Henricus IV. ejurare disciplinam Reformatorem cogereetur. Illud quoque nonnullis observatum est, magnum Evangelicæ Religioni detrimentum attulisse Zvinglium, & deinde Calvinum. Ii quippè, quum magnanimis & præcipite rerum conversione tam ea, quæ ad externam Ecclesiæ formam & cultum Religionis, quam quæ ad arcana sacrorum mysteria pertinent, immutassent, dum alterum vitarent extremum, in alterius confinia incidisse, quibusdam videntur. Nam Lutherus de iis rebus & institutis, quibus populus antiquitus adsuetus erat, perpauca immutaverat. Ornamenta templorum, æris campani tintinnabula, organa, cereos & similia intacta reliquit: *Missamque*, uti vocant, maxima ex parte initio retinuit, additis modo quibusdam precationum formulis, lingua vernacula conscriptis. Itaque Lutherus velut Everfor quidam pravarum consuetudinum, & Corrector & Emendator Ecclesiæ, non tanquam novorum Inventor Dogmatum, omnium.

omnium fere sermonibus ferebatur. Jamque excussurus Pontificis jugum totus penè orbis videbatur, quùm in Helvetiâ Zvvinglius, in Gallia Calvinus interveniunt. Ii tantum abest, ut eandem insisterent viam, ut potiùs pro Concione invchi in præsentiam corporis Christi, quod sacro frustulo contineri Lutherani contendebant, abolere ritus, & ceremonias, tollere ornamenta, reliquias rerum Religiosarum rejicere, altaria & signa confringere & evertere, omnem Hierarchiæ seu imperii Ecclesiastici descriptionem abrogare, & ut verbo dicam, omnibus iis rebus, quæ inprimis oculos hominum atque sensus exteriores allicere ac detinere solent, nundare Religionem instituerent; Quapropter multitudo ab istis Doctoribus averfa, majori indies studio ejus cultus, quem à majoribus per manus traditum acceperant, accendi cœpit. Ingentes quibus Ecclesia affluebat, opes, aliam apud alios vim habuerunt ad disciplinam Lutheri propagandam. Alii quippe earum cupiditate illecti ab Ecclesia Romana desciverunt; alii & maximè Ecclesiastici ordinis Viri, quorum ad defectionem alioquin inclinata voluntas videbatur, vel solo metu, ne non satis æquo animo optimis redditibus carerent, compulsi, in fide & auctoritate

ritate Pontificis manserunt. In Gallia equidem compertum habemus, Ecclesiastici ordinis Viros, quàm ante instauratam Ecclesiæ Orthodoxæ disciplinam, non minùs ipsi, quàm plebeji Pontificis auctoritatem haud magni facerent; postea-quàm interitum sibi ab Religione Reformata impendere intellexerant, ut suas opes tutarentur, arctissimo se Societatis vinculo conjunxisse Pontifici Romano. Incredibili quoque Reformatos odio plebeji prosequuntur, hoc tempore in Gallia, & omnibus modis exagitant.

§. 28. Pontifex, & suorum animis à superiore pavore recreatis; & orta inter eos ipsos, qui adversæ partis erant, dissensione, quàm melioribus in speciem institutis Dominationem munivisset, ita suas opes restituit, firmavitque, ut non solum nihil ei detrimenti offerre Protestantes amplius possent; sed ipse etiam ultro eos lacefferet, & pedetentim ex amissis nonnulla recuperaret. Nam quibus rebus factum erat, ut tantas à Luthero clades res Pontificia acciperet, eas aut abrogavit omninò, & sustulit, aut tolerabiliore ratione temperavit, ut fieret illud: *Si non caste, tamen caute.* Atque iisdem omninò armis, quibus oppugnatus à Luthero erat, uti deindè adversus ejus Sectatores

*Papae
sensum rursus
sua emer-
git.*

tores cœpit. Neque enim, ut ante, Pontifices tam insolenter insultare Regibus potentissimis & Principibus ausi sunt; sed multo mitius & humanius tractare eos instituerunt. Superiori equidem seculo cum Hispano Paulus IV. Pontifex, hoc seculo, cum Rep. Veneta Paulus V. temerè uterque & admodum imprudenter, inimicitias susceperunt: Cæterùm prudenti quorundam pacificatione extemplo composita res est, antequàm studiis certantium in magnum malum excederet. Ex eo tempore Pontifices usu didicere, præfervida & calida nimis consilia nequâquam rationibus suis conducere. Nec morâ ulla fuit, quin ad sanitatem mentis Paulus V. revocaretur; posteaquam ei Orator Gallicus persuaserat, Venetos, evocatis ad se Geneva Sacerdotibus, in eo esse, ut relicta Ecclesia Romana, Reformatorum sacra & disciplinam in suam Remp. introducant. Nec insequentibus temporibus Pontificatum gesserunt homines aut luxu perdit, qualis Alexander VI. fuit, nec ab insito armorum studio turbulenti veluti Julius II. Sed ad occultas artes & astuta consilia versi Pontifices, id egerunt, ut, ommissa aliarum rerum cura, pacis conciliandæ, & tranquillitatis publicæ conservandæ studium unice præ-

se ferre viderentur. *Indulgentiarum* vitio & rerum sacrarum nundinationibus, quæ populum vehementer offenderant, aut penitus abolitis, aut mitiore ratione temperatis, aliam & multo leniorem fraudandi homines & emungendi pecuniâ viam sunt ingressi: Episcopi quoque plerique omnes, quum superiores vitæ sordes magna ex parte delerint, ad frugalitatem se contulerunt quodammodo, & personam nunc suam majore cum dignitate & gravitate sustinent: multique inter ejus ordines Ecclesiasticos numerantur viri, ingenii, virtutis, prudentiæ & eruditionis laude præstantes. Vulgus item Sacrificulorum Monachorumque, resecto magna ex parte, quod distortum in moribus erat, vitam illam belluinam & flagitiis coopertam, non ut olim, adeò frequens agit. Magnam quoque hominum multitudinem initio Lutherus & ejus sectatores sibi conciliarunt, & in suam sententiam adduxerunt Concionibus probis & eruditis: multos ad pietatis & Religionis officia instituerunt libellis, quos ad animos fidelium pietatis, precum, sanctitatis & reliquorum cultus divini ministeriorum, amore & studio inflammandos, lingua vernacula conscriptos, ediderunt. Utrumque imitati Pontificiū magnum deindè Sacerdotum

tum, præstantium, & libellorum, elegantissimis precationum formulis & optimis sanctitatis præceptis insignium, proven-
tum habuerunt. Adco ut causæ nihil sit, cur Pontificiis, quod ad externas illas animi & ingenii dotes, morumque in speciem integritatem attinet, Clericus Protestantium, in comparatione sui, magnoperè quidquam exprobet. In controversiis quoque cognoscendis, multum operæ posuerunt, & ad ea, quæ ipsis objiciuntur, ut-
cunque diluenda, vel sexcentas distinctio-
nes in promptu habent, veluti, quum nihil ineptius aut absurdius peccatorum in vi-
ginta aut triginta millia annorum remis-
sione excogitari possit, levi tamen ver-
borum & distinctionum futilium, *intensive & extensive, Potentialiter & actualiter*, prætextu probabilem reddere falsitatem conati sunt: quibus ineptiis & improvida adolescentum studiosorum ætas mirificè capitur, & ingens sub iis latere mysterium imperiti pro offusa animo caligine, suspi-
cantur. Quumque Lutheri ætate Clerico-
rum incitia & barbaries, & in eruditos odium tam ingenti clade rem Pontificiam affligeret; Pontificii, & maxime Lojolitæ, aliam insistendam viam rati, acrius ad eru-
diendam bonis artibus juventutem ani-
mum intenderunt, & suis in locis, quod-
dam

dam quasi monopolium eruditionis sibi vindicare aggressi sunt: Adeò, ut non solum detrimentum nullum, sed ingens etiam commodum eis studia litterarum afferant. Nec ferro jam ac igne ad propagandam rem Pontificiam grassantur: sed blanditiis, promissis & beneficiis illectos Principes Protestantium in suam sententiam adducere nituntur. Quod si quis deseciscere ad eos in animum induxerit, expeditissimus ei ad opes & dignitates aditus patet: Cujus rei magnam præaliis facultatem habent; adeò ut quemvis etiam inertem, &, ut ille ait, *fruges consumeret natum*, alere nullo negotio possint. Contra qui transitum ad partes Protestantium facit, eum, nisi aut domesticas secum opes afferat, aut inusitatis animi & ingenii dotibus sit præditus, præter famem nullumque defectionis præmium manet. Haud parum denique momenti ad amplificandam rem Pontificiam habuit Domus Austriaca: ea quippe Protestantes ex hæreditariis provinciis Germaniæ, & Regno Bohemico, ac subiectis ei Regionibus, & proximè ex Hungariâ, præter paucos admodum, omnes eiecit, aut ad sacra Pontificia suscipienda compulit.

§. 29. Ex iis, quæ hætenus commemoravimus, liquet, quænam Ecclesia
Statua
Pontificis
Pelliana,
Iticæ

sticæ Dominationis primordia in Occidente, quæve incrementa fuerint. Operæ pretium est, interiorē ejus compagem, quibus contineatur vinculis, quibusve fulcris sustentetur, contemplari. Ea ut facilius intelligantur, haud alienum fuerit, bifariam de Pontifice Romano disserere: Velut de Principe quodam Italiæ, vel ut de Domino & Arbitro Ecclesiæ, quæ in Occidente est. Quodsi ejus, tanquam Principis Italici, habeatur ratio, tantis equidem opibus pollet, ut in censum magnorum in Italia Principum referri possit. Cæterum eo tantummodò respectu cæterorum ferè Europæ Regum ac Principum opes haudquaquam æquat. In Italia urbem Romam Pontifex cum iis agris, qui in ulteriore & citiore Tiberis ripa positi in ejus urbis ditione sunt; Ducatum Beneventanum, qui in Regno Neapolitano est, Spoleti item, Urbini, Ferraræ Ducatus, Marchionatum Anconitanum, complura Hetruriæ loca, Flaminiam item seu Romaniolam, & in ea Bononiam & Ravennam urbes, tenet. In Gallia Comitatum Avenionensem in potestate sua ac ditione habet. Parmensis Ducatus in clientela fiduciaria Ecclesiæ Romanæ est: concessi que cum beneficiario nomine filio suo, Petro Ludovico Farnesio,

Pau-

Paulus III. Pontifex. Post id tempus interdicto quodam cautum est, ne vacuas Ecclesiæ possessiones beneficiarias aliis Pontifex traderet, vel ullo bona Ecclesiastica beneficiario nomine cuiquam concederet: Idque eo factum est, ut ne Pontificis opes imminuerentur, & si quando redditus, qui extrinsecus ei proveniunt, demerentur, esset, unde se suosque alere & sumtus aulæ sustinere posset. Regni quoque Neapolitani possessionem beneficiariam tradendi cuilibet jus habet Ecclesia Romana. Cujus rei, ut exstet documentum aliquod, Pontifici asturconum albumi & aliquot aureorum millia tradi quotannis Rex Hispaniæ jubet. Cætera quæ sibi Pontifex in varias terras vindicat, jura Principes constanter ei abnuunt hoc tempore. Quæ in ditione Pontificis sunt terræ, & frequentes incolis, & admodum fertiles, & multis oppidis iisque satis amplis conspicuæ sunt. Reditus duorum, ut vulgò vocant, millionum summam explere perhibentur. Cæterum ne nimias sibi opes populares compararent, satis superque cautum ac provisum est à Ministris Pontificis. Quanquam autem in iis regionibus satis magnus hominum rei militaris peritorum proventus esse videatur, tamen quàm aliam planè, atqui reliqui Principes,

viam sui defendendi ac tutandi Pontifices insistant ; nihil est, quod eorum copias rei bellicæ magnoperè prædicemus. Viginti circiter triremes armatis instructas habent, quibus tutissimam & perpetuam stationem portus *Civitatis Vcteris*, (vulgo *Civita Vecchia*,) præbet. Inter arcana stabilientiæ Dominationis consilia nihil fere Pontifex (quatenus Principis, ut vocant, secularis personam sustinet,) antiquius habet, quàm ut & pax conservetur in Italia, & ejus imperia, ita, uti nunc sunt, divisa in perpetuum sint inter Regulos, neve quisquam in ea existat, qui tantis polleat viribus, ut unus reliquis præscribere leges possit. Providere item, & cavere in primis debet, ne trajecto mari Turca sedem in Italia capiat. Quodsi is infesto eam exercitu ingressus fuerit, non solum omnem Italiam conjungere vires, verum etiam universum orbem Christianum, suis excitum sedibus, evocari ad opem ferendam, communemque hostem repellendum, oporteret. Neque enim reliquæ Europæ gentes æquo animo tulerint, in barbarorum potestatem terram nobilissimam venire. Ab Imperio Germanico, dum in eo, in quo nunc est statu res Germanica stabit, nullum Pontifici periculum impendet. Quodsi verò eveniret, ut unius Imperio

perio Germania regeretur, periculum est, ne in antiquum jus repetere Italiam Dominus & Arbiter Germaniæ insistant. Hispanus Gallusque soli exitium afferre Pontifici aut terrorem saltem incutere possunt. Adversus eos hoc consilio utitur Pontifex, ut aut mutuis eos bellis distentos à se avertat, aut vires utriusque ita exæquet modereturque, ne alterum alter delere penitus aut evertere possit. Cæterum Pontificem vehementer optare, ut ex Italia, maximè Regno Neapolitano Hispanus pellatur, facile crediderim. Sed si per se ipse tantam rem aggredieretur, cœptis haud temerè fortuna respondebit. Quod si verò Gallorum operâ Hispanos pellere possessione Neapolis niteretur; id scilicet consequeretur, ut dum minus vitat malum, in majus incidat. Itaque satis habeat Pontifex, necesse est, providere, ne ulterius in Italia imperium Hispanus proferat: & sanè si longius ibi grassari vellet, ad ejus impetus retundendos, Gallus & Principes Italiæ prompti paratique forent. Nihilo æquiore animo laturus esse Pontifex videretur, Gallum suas opes in Italia ita firmare, ut ad nutum & arbitrium suum moderari omnia & circumagere possit. Id præcavere Pontificem in primis oportet. A reliquis Principibus ac Rebus publicis Italiæ,

h 3

quod

quod sibi metuat Pontifex, nihil est, Tametsi enim occulto eum odio prosequantur, propterea quod & infinita rerum divinarum potestas eis formidabilis existit, & inter eos nonnulli male habiti à Pontifice & injuriis affecti sunt, in speciem tamen venerari eum & colere coguntur, & ne cogitare quidem de potentia ejus infringenda sustinent. Idem tamen nequam patiuntur, Pontificem adversum quemquam eorum quidquam moliri, aut aliquo Italiae Regulo possessionibus & ditione everso, imperium latius propagare: Italorum enim gens, ut est prudentissima & propter æmulationem potentiae ad omnia intenta, intestinas suorum Principum vires ita librat & exæquat, ut ne quis unus se supra cæteros efferat.

*Paciferae
Papatus
Proprietates.*

§. 30. Quod sic Pontificis, tanquam Domini & Arbitri Reip. Christianae, Servatoris nostri vices in hisce terris gerentis, rationem habeamus: tam subtilis & solers descriptio Monarchiae Ecclesiasticae esse deprehenditur, ut post hominum memoriam non aliud corpus majori constructum artificio & venustiore ratione compositum esse videatur. Quo longius ab eo scopo, quem sibi reliquae Reipublicae propositum habent, ratio rei Pontificiae recedit, quoque futillior & inanior ei dominationi

nationi titulus prætexitur, eò majori artificio & calliditate opus fuit, ad eam instituendam pariter & conservandam. Reliquæ enim Respublicæ præter securitatem & otium nihil spectant: atque earum rerum gratia cives non solum opes suas ac facultates conferunt, sed vitam etiam periculis objicere non dubitant, ut ejusmodi sibi præsidium comparent, quo domi forisque pace frui, & ab injuriis & impetu hostium tuti esse possint. Idque curare unumquemque eorum civium oportet, ut suis sese opibus, seu hæreditariis, seu sua ipsius industria & labore partis, sustentet. At verò Pontificiæ Dominationis ea ratio est, ut ad opes, auctoritatem & divitias Pontificum & Cleri omnia referat: Cæterum quo securitati suæ consulant, & imperium sibi firment, alienis niti opibus Pontifices consueverunt: nec enim artes eis, ad persuadendum idoneæ, & scitæ machinationes desunt, quibus ad serviendum commodis Pontificis imperiti mortales impellantur. Quumque alioquin cæteræ Respublicæ in exercitus & præsidia locorum sustentanda magnas facere impensas necesse habeant: Pontifici è contrario suæ ipsius copiæ, quantumvis magnæ, non solum non impendio aut oneri, sed lucro insuper &

emolumento sunt. Quàmque prudentiores Rerump. moderatores imperii intra terminos coercendi auctores semper fuerint: Pontificem quod ea curat tangat, nihil est; neque enim, etiamsi in Indiam ad Orientem versam, & in Americam, quæ Occidentem spectat, imperium proferret, ullum ex ea re incommodum Pontifex aut periculum sentiret. Tum & recta ratio, & divina præcepta luculenter evincunt, justam esse & legitimam summorum Imperantium potestatem: nec enim sine ea homines vitam honeste, tranquille, commode, sine confusione rerum, sine tumultu transigere possunt. Fieri autem nullo modo potest, ut ejusmodi speciosum Pontificiæ Dominationis titulum, & tam firmis subnixum fundamentis quisquam in medium proferat, aut saltem demonstret, nihilò magis salvam esse rem Christianam sine Arbitro rerum divinarum, & Capite quodam Ecclesiæ posse: quàm sine civili imperio & Magistratibus tranquillitas generis humani & salus conservari queat. Quæ si cui ad credendum difficilia videntur, vel unicam sed firmam, quæve id dilucidè evincat, rationem afferat; & erit nobis magnus Apollo. Quod si verò provocare ad auctoritatem Sacrarum Litterarum, & divina præ-

præcepta collibitum fuerit ; id imprimis probari enucleate & dilucidè, omnibus in capitibus, quæve ex iis manant, conclusionibus & pronuntiatis oportet ; Servatorem nostrum , missis in omnes orbis partes discipulis ad Christiana sacra propaganda, non solum potestatem spargendi ejus Doctrinæ semina ubique gentium fecisse, ita ut nemini mortalium liceret, eos aut à Concionibus prohibere, aut ad dogmata sua vel nova accessione augenda , vel mutilanda compellere, (id quod dubitationem non habet:) verum etiam facultatem eis dedisse, Sacerdotia & Sacrorum Christianorum Ministeria , quot, & quibus vellent, sine auctoritate Magistratuum etiam vera & orthodoxa Religione imbutorum, demandandi, & ut ii vicissim suum ordinem sine modo & more augeant, & amplificent, omnibus invitatis & inconsultis, etiam iis, quorum eare legitima potestas imminueretur, concedendi. Sacerdotibus item, quum instar cicadæ rore victitare nequeant, fas esse, opes omnibus modis comparare, non solum, quantæ ad usum vitæ satis essent, sed ad luxum etiam & magnifici cultus apparatus. Jam, qui se in Monachorum Sacrificulorumque disciplinam tradiderint, nec ipsos potestati Magistratuum esse

h s

sub,

p du

subjectos, nec bona quocumque modo ab eo ordine parta, quamvis & ex facultatibus Reip. promanarint, & in finibus ejus posita sint, & ejus firmata præsidio defendantur: ita ut, Magistratibus haud liceat ejusmodi bonis vel onera imponere, vel modum definire, vel in alios usus avertere. Ei quoque Ordini, sive sacrorum Ministeriorum, sive facultatum & possessionum agenda cura esset, summo cum imperio præesse debere alium ejusdem Ordinis: nec in eum aut bona ejus plus juris habere summos Magistratus, etiam si vel increscens nimis multitudo sacri ordinis, vel petulantia exitio Reip. foret: nec salva ea esse, aut saltem florere sine ejus opibus posset: impetrari autem eas, nisi Præfectus ejus Ordinis sua sponte consentiat, nefas esse, Hæc, inquam talia, plana fieri & firmissimis rationibus ostendi à Pontificiis debent. Ad hæc, quædem rei gestæ capita luculentis comprobari argumentis, necesse est. Ac primum quidem, rerum divinarum potestatem & imperium Ecclesiæ soli Petro Apostolo delatum esse à Christo, nec è reliquis Apostolis quenquam in societatem regiminis ulla ex parte adscitum; atque eam dignitatis exsuperantiam non solum penes ipsum Petrum, esse debuisse, verum etiam pari jure iis, quos in eo loco, ubi

ubi ipse Episcopatum gessisse traditur, successores habiturus esset, in perpetuum esse transmissam. Item, Petrum unquam Romæ fuisse Episcopum, & imperium Ecclesiæ ibidem gessisse, eique urbi nec alii, in quâ sacra Christiana popularibus tradiderat, summam rerum divinarum potestatem, in perpetuum attribuisse, & propriam esse voluisse. Quæ quidem pronuntiata & conclusiones, quum probari & Sacrarum Litterarum auctoritate firmari vix ac ne vix quidem possint; providere Doctores Pontificios & cavere in primis oportet, ne quæstionem eam simpliciter nimis & accuratè auditoribus proponant; sed vel perplexis verbis rem totam involvere, vel levi, quod ajunt, brachio pertractare, sed varias potius ratiocinationes, quantumvis futiles, & alienas auribus popularium inculcare expedit; veluti, divinitus nobis promissum esse, fore, *ut inferorum porta Ecclesiæ non prævaleant*: item exaggerare antiquitatem Ecclesiæ, auctoritatemque & felicitatem, perpetuam Pontificum successionem, testimonia Patrum & Conciliorum, cultus divini castitatem tot seculorum, tot gentium auctoritate, tot denique tantisque miraculis comprobata; & quæ similia sunt exornandæ declamationis, & exquisitis verborum lenociniis

refarcienda argumenta. Peraftutum quoque & inprimis utile artificium eft, quo adverfarios, & contradicere aufos, omni omiffa ratiocinatione, hærefeos damnant: quod eam vim habet, ut ejusmodi homines, inficeti, bardi, nec artis, quam profitentur, intelligentes pronuntientur, quive probare fuam doctrinam viris eruditis & rerum gnaris haud fufțineant, nec, fi velint, poffint: qui denique extemplo rapi ad fupplicium & ultricibus flammis devoveri debeant.

*Cur de ne-
ceffitate
fuerit, Pa-
patum in
Monar-
chiam eve-
hi?*

§. 31. Cæterùm Ecclefiafticam Dominationem unius fubjici imperio, & Monarchica forma defcribi, neceffario debuiſſe, nemo eft, qui non videat. Nam Democratia aut Aristocratia, nec conveniens eſſe, & consentanea Sacro Imperio, nec ftabilis videbatur, quùm ob alia incommoda, tùm quod popolare aut Optimatum imperium, in tanta hominum refractoriorum (nec enim res aliter teneri poterat,) & præfractè diſſentientium multitudine, tam ſeveris & accuratis legibus circumſcribi & temperari nullo modo poterat, ut non diſſenſiones confeſtim, & ex iis factiones ſeditionesque orirentur, ita futurum fuiſſet, ut tota machina, infirmis alioqui fundamentis innixa, brevi penitus corrueret. Ex variis autem Monarchiæ generi-

neribus illud potissimum primi sacrae Reip.
conditores delegerunt, quo non aliud ac-
comodatius ad ipsorum institutum exco-
gitari poterat: aded ut quæ suis præceptis
quantumvis argutis Politici adumbrarunt,
nihil esse videantur, præ iis, quæ reipsa re-
pæsentata ab illis cernimus. Nonnulli equi-
dem Reges, ut sibi & Regno suo splendorẽ
aliquem & auctoritatem adderent, seu di-
vina se stirpe ortos, seu Deorum jussu aut
auspiciis ostentisque attributum sibi & fir-
matum imperium finxerunt, seu denique
post mortem in numerum Deorum relati
& pro Diis culti sunt. Verum enimvero
Pontifex his rebus non contentus, ipsius se
Jesu Christi, supremi rerum cœlestium
juxta & terrenarum Arbitri ac Domini, Vi-
carium in terra, & quasi *Vice-Deum* quen-
dam esse mortalibus persuasit: sibi que
hæc longe alio atque multo excellentiori
sensu convenire, atque reliquis Magistra-
tibus, qui Dei vices in his terris obtinere
& divino nomine jus dicere memorantur:
se quippe partæ à Christo gratiæ divinæ &
restitutæ salutis Dispensatorem unicum
esse, nec qui auctoritatem ejus haud susci-
perent, nec Majestatem agnoscerent, ul-
lum ad cœlestem beatitudinem aditum
eos habere, contendit. Nec enim alia
res ad animos mortalium venerationis
quo-

quodam sensu concitandos & quasi sacro
 horrore perfundendos magis est idonea,
 quam Divina Majestas: nec fere quicquam
 ad homines movendos, sive obsequium
 præstare, sive labores suscipere, sive sum-
 tus sustinere debeant, efficacius est, iræ
 divinæ metu & æternæ salutis amittendæ
 discrimine. Quæ ut primum persuasa im-
 peritis hominibus fuerint, non est, quod
 reliqua Christianæ disciplinæ capitula aliis
 firmentur argumentis, quam vulgato eo,
 αὐτὸς ἔφη, Pontifex ipse dixit. Porro Re-
 gna perpetua successione & quasi per ma-
 nus posteris tradi, quam suffragiis deferri,
 satius esse & tutius pleræque gentes ratæ,
 nasci Reges, quam creari maluerunt.
 Cæterum rationibus Pontificiis id institu-
 tum haudquaquam convenit. Nam qui-
 bus in locis mos obtinet, ut paterni Regni
 hæreditatem filius confestim adeat, fieri
 vix potest, quin impubere adhuc & imma-
 tura rebus gerendis ætate filii nonnun-
 quam existant. Jam absurdum foret &
 putidum, qui puerili ætate, ut ille ait, *in*
arundine longa equitaret, cum Vicarium
 Dei Opt. Max. appellari, & summum rei
 Christianæ Antistitem Tutoremque ipsum
 alterius tutela per ætatem indigere. Nec
 sustinere cum dignitate eam personam
 tanta cum gravitate conjunctam Principes
 ado-

Et quidem
 electione
 constan-
 tem.

adolescentes facile possent: nec spes ulla foret, pari omnes studio ad illud vitæ genus amplexandum incitatum iri. Ut in pauca rem conferam, hæreditarium jus è sacro profanum effecisset imperium: quo quidem titulo, monstroso nimis & prodigioso, si subnixa res Romana foret, stare tamdiu salva & incolumis nequaquam poterat. Quin ipsi etiam primores sacri Regni, & summæ dignationis ministri, labefactatis Pontificibus & in ordinem coactis, ad Principatum Ecclesiæ invadendum haud dubiè animum adjecissent: qui tamen hoc tempore in potestate Pontificis sunt, nec gravatè imperata faciunt, in spem scilicet erecti fore, ut quando vi aperta adipisci nequeant Pontificatum, suffragiis aliquando seu ipsi, seu ex suis aliqui consequantur. Illud denique incommodi jus hæreditarium habebat, quod extinctâ, penes quam sacrum imperium fuisset, familia, periculum erat, ne exorta de novo Pontifice creando contentio, totam convelleret machinam ac funditus everteret. Cœlibem quoque vitam agere summum rerum divinarum arbitrum & antistitem, consultum esse videbatur: multum quippe ea res momenti ad dignitatem aulæ Romanæ habet: nec enim credibile est, mulieres tantam dignitatem,

*Pontifex
cur cœli-
bem agat
vitam.*

tem, tantas opes adeptas, ita vitam moresque composituras fuisse, ut earum exemplo reliqui ad pietatis in Deum officia & sanctitatis studia incitarentur. Atque eo pacto sustineri quodammodo simulatio sanctimoniae poterat: quum Pontifex ita deditus, & quasi immerfus contemplationi rerum coelestium videretur, ut à voluptatibus corporis & cupiditatibus penitus abhorrere, nec ullum earum rerum sensum habere crederetur. Nec verosimile videbatur, eum, cui & uxor esset, & liberi, tam sui oblitum esse, ut non fræna subindè affectibus laxet, nec privatis sæpe rationibus & commodis bonum publicum posthabeat. Neque enim alia res magis animos mortalium movet, quam conjugum & liberorum, quorum nobis incolumitas inprimis est cordi, respectus. Ejus rei luculentum nobis exemplum, quod ad rem Pontificiam attinet, præstent nothi Alexandri VI. & Pauli III. Pontificum. Fortassis in Concilio quoque metum habuerunt, ne videlicet ex Principibus, ut vocant, secularibus aliquem Pontificatus invadendi, & in domum suam ac familiam in perpetuum transferendi cupiditas incesse: id ne fiat, instituto coelibatus prohibetur. Conclavia quoque comitiis habendis, solerter &

*Conclave
cui bene.*

uti

utiliter sunt excogitata; & ad immoderatam ambitionem cohibendam, & ad dissensiones, quibus antea dignitas Pontificia vehementer imminuebatur, comprimentas; accedit, quod ex pacto; ne Interregna fiant, prohibetur. Quæ quum ita sint, facilius esse videtur, suffragiis aliquem inveniri, qui tantam & tam astutam sanctitatis simulationem sustineat, quemve, ut dignissimum omnium & præstantissimum, divina quadam providentia Vicarium Dei creatum esse, probabilius & speciosius, quam in successione a seclæ Pontificis in vulgus ferant, arrium conclavis ignarum. Illud utique consequi suffragatione possunt, ut nonnisi ejusmodi vir ad gubernacula rei Christianæ admoveatur, qui rerum civilium & quas ambitus subijcit, artum ignarus, deposito juvenili fervore; & improvidæ ætatis consiliis abjectis, magnam sibi reverentiâ senectutis & rerum usu auctoritatem comparaverit. Utili quoque instituto sancitum est, ut in comitiis Pontificiis suffragiorum partes

*Pontificis
eligendi
requisita
qualitates.*

duæ ex tribus Pontificem crearent: idcirco factum id est, ut ne multi nimis ex Ordine Cardinalium existerent, quibus Pontifex recens creatus displiceret. Hoc tempore id imprimis spectare in comitiis Cardinales solent, ut ne Transalpinus aliquis,

sed

sed Italus genere, summam rerum divinarum potestatem adipiscatur. Idque fit eo consilio, non solum quia tantam amplitudinem, tantos honores, tantas Pontificatus opes indigenæ, quam peregrino deferri Patres purpurati malint; verum etiam quod ea est rei Pontificiæ ratio, ut ex æquatis libratisque Hispaniæ juxta & Galliæ viribus salus ejus & securitas pendeat. Jam si vel Hispanus aliquis vel Gallus ad eam dignitatem eveheretur; futurum haud dubie esset, ut eo sublato & everso æquilibrium, res ita ad suam quisque gentem Pontifex traheret, ut ejus opes, in lance positæ, plus satis propenderent, atque adeò ab amicitia Pontificis reliquæ nationes averterentur. Ætatis quoque habetur ratio; nec temere regendæ Ecclesiæ juvenis præficitur. Ad senes potius rem trahunt Cardinales, ut cæteris quoque aliqua ejus dignitatis adipiscendæ spes affulgeat. Verentur item, ne si quis integra adhuc ætate Pontificatum iniisset, imperiū diuturnitate fundamenta, quibus Pontificia Dominatio innititur, convellat, aut prisca instituta immutet: neve aut nimis opibus ac divitiis familiam suam augeat, aut, magna Cardinalium parte beneficiis sibi devincta, eo rem deducat, ut hominum sibi obnoxiorum suffra-

fragiliſ ſubnixus, Pontificatum ſuæ genti in perpetuum firmet. Nec ullo juventutis robore ad illud munus obcundum opus eſt. Non enim manu res geritur, nec proficiſci in expeditionem Pontifices neceſſe habent: ſatiſfecisse officio videntur; ſi modò auſteræ gravitatis ſpeciem præ ſe ferant. Nec propinquitatis aut affinitatis curam Patres conſcripti omittunt: ne ſi magnā nimis cum defuncto neceſſitudo Succeſſori interceſſerit, omnibꝯ Sacerdotiis & rerum Eccleſiaſticaſum procura- tionibus opimis unā eademque familia cumuletur: & ſi quid offenſum aut per- peram admiſſum à priore Pontifice fuerit, ut id Succeſſor emendet & corrigat. Po- ſtremò ejus potiſſimum in comitiis ratio habetur, cujus nec in Hiſpanum, nec Gal- lum nimis inclinata voluntas ſit; ſed qui medium ſe inter utrumque gerens nectri ſit inviſus. Quocirca palam edere nomi- na eorum, quorum in comitiis Pontificis nullam haberi rationem volunt, utrius- que gentis Reges conſueverunt. Sæpenu- mero tamen evenit, ut is creetur Ponti- fex, quem minime ſuſpiceris, ſcilicet Car- dinales, artium & machinationum, quibus in conclavibus in factiones fere diducun- tur, perſaſi, nonnunquam nihil magis optant, quam ut dimiſſis comitiis, ex iſto

i 2

quaſi

quasi ergastulo eximantur, & in libertatem vindicentur. Ita partium sæpe studiis repente ad unum, cujus initio nulla est habita ratio, versi sunt animi. Nec rarò fit, ut quam quis dum Cardinalis esset, de se opinionem fecerat, eam Pontifex factus, omninò fallat. De cætero Pontifici Sacrum Imperium capeffenti nullæ feruntur conditiones: nec enim satis ex dignitate Pontificia foret, legibus eum & pactis hominum alligari, qui Spiritum Sanctum *in scrinio pectoris* circumferre dicitur. Quo loco apud illustriores Germaniæ Episcopos Collegium Canonorum esse consuevit, eodem apud Pontificem in regendis ejus ditionis provinciis & Collegium est Cardinalium, ut quasi Senatus perpetui vicem obtineat; cujus consilium in rebus gravioribus Pontifex exquirat. Fit tamen sæpe, ut Pontifex & ejus Nepotes sprete ferè Cardinalium auctoritate & consilio, ad suum ipsorum arbitrium & libidinem omnia administrent. Potissima Cardinalium dignitas & amplitudo in eligendi Pontificis facultate consistit, eumq; ex suo ordine deligunt: quod & potissimum in eam dignitatem jus habent, &, qui crearetur Pontifex, rerum Romanarum peritus, & negotiis aulicis adsuetus esse debet. Justus Cardinalium numerus est septuaginta:

Cardinalium Collegium,

ginta: eam tamen summam raro expleant. Urbanus VIII. Pontifex primus sancivit, ut honoris causa *Eminentissimi* nominarentur: quod *Illustrissimi* titulus, quo iste ordo antea insignitus erat, pervulgatus nimis esse in Italiâ coeperat. Cæterum ejus ordinis majora sibi & honoratiora nominis insignia sibi assumentis exemplo & reliqui Italiæ Principes, *Excellentissimi* titulo antea contenti, *Celsissimi* dici voluerunt. Cardinalium creandorum jus penes Pontificem est: apud eum tamen Galli, Hispani, aliorumque Principum commendationes magnum pondus habent. Cardinales Regiam æquare dignitatem, parasiti nonnulli aulae Romanæ & mancipia Pontificis, litteris mandare non erubescunt. Principibus utique Electoribus S. R. I. superiores sese esse & honoratiores Cardinales contendunt. Ex *Papa propinquos ex redditibus Ecclesiasticis ditare sueverunt.* proco tempore, quo rerum in Ecclesiâ potius est, Sixtus IV. A. videlicet clxxxvi. Pontifices ad locupletandos ex redditibus Ecclesiæ & potentia augendos propinquos in primis animum intenderunt. Exempli causa, proditum memoriæ est, Sixtum V. quum quinque annos Imperium Sacrum gessisset, suæ familiæ supra tres *Ducatorum aureorum milliones*; Gregorium XV. autem menses tantummodo XXV. rerum poti-

tum tres *Scutatorum* *milliones*, & ampliùs, in prædiis & possessionibus, præter id, quod in nummis habebat, morientem suæ genti reliquisse. Sub mortem Urbani VIII. Sacerdotia aliosque opimos Ecclesiæ proventus numero circiter CCXXVII. sola Barbarina Domus obtinuisse, perhibetur: singula autem Sacerdotia, alia trinis Scutatorum, alia V. alia IIX. alia item X. millibus, pensionibus annuis, æstimabantur. Opes ejus domus in universum triginta *millionum* Scutatorum nummorum summam explere vulgo credebantur: quæ immensa opulencia multis Religioni & magno offendiculo fuit. Verum rem paulò accuratiùs cum animo reputanti, stultissimum fore videtur, Pontifices, exalta propensione animi qua, natura duce, in suam quisque familiam fertur, bellissimam pecuniæ conficiendæ & suos locupletandi occasionem è manibus emittere, nec dum licet metere fructum tanti fastigii: quùm universa res Pontificia opibus Cleri & splendore nitatur. Atque ita ferè natura comparatum est, ut qui illustri apud viros Principes gratia & rebus secundis florent, comitem habeant invidiam: quæ paris felicitatis potiundæ spe dejecta bonis alienis dolet. Quùmque magnos in rem militarem sumptus facere Pontifex

nequaquam necesse habeat, ubi tantos redditus melius, quam apud propinquos, collocare queat, non video. Ex quo rei Ecclesiasticæ summam tenuit Urbanus VIII. uni ex Nepotibus Pontificiis summus dignitatis gradus & rerum administrandarum arbitrium deferri coëptum est. Is *Cardinalis Patronus* vulgo dicitur. *Cardinalis Patronus.* Commissi Nepoti regiminis ea, inter alias, potissimum affertur causa, quod æquum videtur eum, qui generis propinquitate junctus Pontifici Maximo est, cæteris præferri, & simul tutissimum esse, necessarij cujusdam custodia Pontificem esse septum, multis alioquin insidiis expositum, & majori in discrimine versantem, quam Princeps, jure hæreditario imperium per manus tradens, cujus cædem ulcisci Successor solet. Ac quantoperè sibi à veneno Pontifex metuat, vel ex eo licet colligere, quod quùm sacra Synaxi utitur, panem consecratum & vinum *Sacellanus*, (ejus enim curæ illa sunt commissa,) gustare simul cogitur. Id quoque utilitatis habere videtur commissum Nepotibus regimen, quòd, dum ex suffragiis Cardinalium creatio Pontificis pendet; Præsides provinciarum & Ministri, grassari rapinis, & pecuniam contra jus fasque conficere, & alter alterius imminere exitio, prohibentur.

Nepotum enim, quia pauci sunt, facilius expleri avaritia potest; nec ii reliquos Ministros, quum omnis in ipsorum caput invidia Reip. malè administratæ recidat, impune prædari passim & Reip. commoda ad se rapere sinunt. Id quoque commodi Pontifici præstant Nepotes, quod & arcana Principum consilia & rationes majori cum cura, quam reliqui, quibus nulla cum Pontifice necessitudo intercedit, Ministri, explorant, & majori studio & vigilantia pro salute Reip. metu vindictæ, si negligentius rem gererent, excubant. Itaque rationibus eorum expedit, unum alterumve Principem, opibus florentem, beneficiis sibi aut officiis devinctum adjungere, & ejus ad incertos casus præsidio suas opes firmare. Consilia quoque, quæ in vulgus emanare haud è Rep. est, tegi per eos commodissimè possunt. Nisi denique rerum summa commissa Nepotibus foret, ex nutu & arbitrio Cardinalium pendere Pontificem necesse esset, eos autem, seu annuis stipendiis, seu luculentis Ecclesiæ proventibus sibi conciliatos Principes præpotentes studiis in factiones diduxerunt.

*Gloria in
Papatu
celebs.*

§. 32. Qui sacro subjecti Imperio sunt, dividi in duas Classes possunt. Altera ordinem Ecclesiasticum continet; altera

tera è reliquis constat Christianis, qui cum Ecclesia Romana sentiunt. Ii *Laici* vulgo dicuntur. Ille comparari cum iusto & assiduo Principis præpotentis exercitu potest, quo gentes armis domitæ & provinciæ in potestatem redactæ in officio contineantur. Hi parentium & stipendiariorum vicem obtinent, qui ad tantas copias sustentandas maximos erogare sumtus coguntur. Ecclesiasticum ordinem imposita abstinendi sese à conjugio necessitas, quasi nota quædam peculiaris à popularibus distinguit. Id institutum singularis cujusdam sanctitatis studio susceptum esse in vulgus fertur, & quod earum rerum, quas asserre matrimonium solet, cura soluti Sacerdotes munus suum obire expeditius possent. Re autem vera ideò nuptiæ interdictæ sunt Clericis, ne majorem conjugum ac liberorum, quam rei Ecclesiasticæ rationem haberent, neve earum rerum respectu, Magistratibus, quorum in ditione sunt, sese adjungerent, aut Ecclesiasticas opes in privatos suorum usus averterent. Porro, ut omnibus in rebus, maximè adversus Principes, quorum sub Imperio ætatem agunt, mandata Pontificis promptius & alacrius exequerentur: quippe qui non admodum firmo vinculo Reip. alligati, nec ullius rei, nisi

suæ tantummodo vitæ sustentandæ, curam sustinentes, Principum iram & indignationem contemnere nullo negotio possunt. Nec enim aliud majus fidei pignus, ullos certiores obsides habent ii, qui rerum potiuntur, quam uxores cujusque civis ac liberos. Coelebs autem, quum nullo, nisi sui respectu, moveatur, victum quæritare ubique gentium potest. Et dedit alioquin operam Pontifex, ut ex potestate & dirione Principum ac Magistratum Clericos eximeret, & suæ ipsius jurisdictioni subjiceret. Nec tam uberrimam messem habitura avaritia Clericorum fuisset, si sibi suisque uxoribus ac liberis opes colligere, non Ecclesiæ stipem emendicare se, suspicionem dedissent. Cæterum, qui coelibatus onus Clericis invitis imposuerunt, turpissimè lapsi sunt, quod præsentis quodam refrænandæ libidinis remedio consulere castitati eorum neglexerunt: quæ res grata inprimis & decora ei Ordini fuisset. Quanta Ecclesiasticorum Monachorumque multitudo sit, vel ex eo licet conjicere, quod Paulus IV. dixisse fertur, sese in potestate sua Parochiarum ducenta & LXXXIIX. millia, Cœnobiorum millia XLIV. habere, dummodo numerus, & maximè monasteriorum, conveniat. Clericorum classis dividi rursus

sus potest in eos, qui Sacerdotes & ordinis Ecclesiastici simpliciter sunt, & qui peculiari voto sese alligarunt, & in certam disciplinam tradiderunt, veluti Monachi & Jesuitæ. Ii Pontificis quasi Milites Prætoriani esse videntur. Auctoramenta ejus militiæ sunt, honores ac dignitates, opes, vacatio munerum, otium, statuta alimenta: qui paulò rigidior disciplina continentur, iis eximiæ & singularis sanctitatis opinio, meritorum magnitudo, & quædam præ cæteris, ex superantia dignitatis, tanquam præmia militiæ, proponuntur.

§. 33. Consiliorum, quibus Laicos Pontifex in officio continet, summa corefertur, ut ipsum & sacros milites, tanquam Procuratores effectoresque ipsorum salutis, & animorum Dominos, respicere condocerant: nec enim alio fræno magis circumagi quisquam ad alterius nutum potest. Cæterum, ut Ecclesiasticæ Dominationi ea res accommodetur, deinde vel prisca Christianæ Religionis instituta cò sunt detorta, vel nova, quæ ad rem pertinerent, inventa. Rem enim paulò accuratius consideranti manifestum erit, iis capitibus, quæ in controversiam vocantur, aliquem dignitatis Cleri, opum & reddituum respectum plerumque subesse.

*Dogmata
Pontificia
Statui ac-
commoda-
ta.*

Prin-

Principem locum obtinet Majestas & Auctoritas Pontificis, quæ tanta esse traditur, ut non solum supra Concilia sit, verum etiam nec fallere possit, nec falli. Id dogma Lojolitæ inprimis ad summum perduxerunt: quo salvo, nihil est, quod teneri aut defensari nequeat. Non alia igitur res magis fundamenta Pontificiæ Dominationis convellit, quam superiorum temporum dogma, ab omnibus fere, & nî fallor, etiamnum à Parisiensi Academia receptum, quo Conciliorum auctoritas aut superior Pontifice, aut saltem non inferior esse traditur. Ea quippe sententia nescio quid Democratici instituti redolens, unius imperio omninò adversatur: nec satis consentaneum esse videtur, Pontificem, supra reliquorum mortalium sortem quodammodo erectum, satellitum suorum & clientium iudicio censorio & notationi esse obnoxium. Nam quæ vel sacra volumina, vel Patres Ecclesiæ adscribunt, ea ad Pontificem solum trahi, si diis placet, debent, non secus, ac quæ Rex fecerit, eo Regno attribui vulgo dicuntur. Sacrarum Litterarum lectione Laici prohibentur, ne eas evolvere cuiquam, nisi Clericis fas est: quæ res non solum ad amplitudinem Sacerdotum pertinet, ut qui soli digni habiti, qui divina oracula velut

ex propinquo inspiciant: verum etiam prohibet, ne quid in iis Laici reperiant, quod cum rationibus Clericorum pugnet, neve sapere discant, aut discussa caligine, qua eis impune illudere consueverunt, fidem derogare Sacerdotibus occipiant. Ad hæc illud quoque consequuntur Pontificii, ut à studio rerum divinarum & perscrutandis quæstionibus Theologicis averſi Laici solis Sacerdotibus ea perquirenda relinquant. Ne igitur quidquam alienum aut noxium rationibus Pontificiis proferatur in medium, Sacras Litteras interpretandi potestatem Theologi Pontifici soli tribuunt. Ob eandem causam, penes ipsum omnium controversiarum dijudicandarum jus & arbitrium esse contendunt. Imperfecta quoque & mutila esse Sacra Scriptura traditur, & quæ ei desunt, *Traditionibus*, ut vocant, suppleri oportere. Astute scilicet: ut si quod utile rei Pontificiæ dogma extiterit, cujus ne vestigium quidem ullum in Sacris Litteris reperiatur, ad illud defensandum, præter majorum institutum, nullis argumentis opus esset. In eo, quod de Peccatis circumfertur dogmate, *Distinctio* (ut barbare vocant,) *peccati venialis & mortalis*, & quæ de *casibus reservatis* traduntur, commodis ordinis Ecclesiastici unice infer-

serviunt. Nam quibus *Confessionum Sacrarum* formulæ continentur libelli, (quorum tanta est multitudo, ut eos integra plaustra, aut naves Indicæ capere nequeant,) eo consilio sunt conscripti, non ut peccatis obviæ eatur, sed ut constituto in expiationem singulorum criminum pretio, & opes Clericorum firmarentur, & avaritia aleretur. Ad rationes Clericorum item accommodatum est dogma solatii plenum, de *Remissione Peccatorum*. Nam quum nihil utilitatis Clericis afferret, impetrata per pœnitentiam & fiduciam propitiati per Christum Numinis Divini venia peccatorum, ad veram pœnitentiam & noxæ remissionem inprimis pertinere traditum est, ut singula peccata, etiam levissima, Sacerdoti ordine enumerentur, & in ejus quasi sinum effundantur. Ea re illud consecuti sunt, ut non solum sibi obnoxios homines haberent, & quasunque ex usu suo esse censuerint, opiniones, cogitationesque in eorum animis inprimerent, verum etiam res abditas & secretas, arcana cujusque consilia, instituta, mores, indolem, & similia, cognoscerent, magno ad dirigenda in posterum consilia: momento enuntiare autem quicquam è sacris Confessionibus, Religio est: nec enim aliter rem sua sponte monstrant,

sam, & ab ingenio generis humani aver-
sam tenere & defensare possunt. Satis-
fieri quoque de peccatis Deo volunt, idque
Sacerdotis arbitrato; cui quidem Ordini
ea res uberrimam lucri messem præbet.
Quamquam enim expiare crimina certis
ferè precationum formulis, peregrinatio-
nibus Religionis ergo, jejuniis, afflictan-
do loris & lacerando corpus, reus plerum-
que jubetur: fit tamen sæpenumero, ut
peccatores maxime locupletes, certa pe-
cuniæ summa, in cœnobis, in templa, in
pauperes (inter eos etiam Monachi, Or-
dinis, ut vocant, *Mendicantium*, referun-
tur,) noxæ expiandæ causa, eroganda,
mulctentur. Isti Monachi ex cap. XXV.
Matth. ideò se *Minimos Fratrum* appellari
voluêrunt, ut in eorum peram supersti-
tiosi mortales certatim dona ingererent:
ea quippe divinorum verborum interpre-
tatio fecit, ut ampliùs centum hominum
robustiorum millibus alendis res Christia-
na gravaretur. Prioris quoque generis
expiatio, si gravis nimis esse videatur,
redimi pecunia potest. Quid enim? Ec-
quìs paulò ditior non muneribus coleret,
aut inhonoratum esse fineret *Reverendum*
Patrem, cujus in irroganda poena lenita-
tem & moderationem vel jam expertus
sit, ut naturâ insitam, vel largitionibus
venâ-

venalem in posterum aucupetur? *Bona*, ut vocant, *Opera* inter eas res, quibus æterna comparatur beatitudo, cur relata sint; eisque promerendi quidpiam à Deo vis sit attributa, haud difficilis est conjectura. Posteaquam enim ad definienda *Bona Opera* ventum est, Principem locum obtinuerunt largitiones Ecclesiastico ordini, templis, & coenobiis factæ, item quæ per summam superstitionem & sanctitatis simulationem Pontifices eorumque assclæ peragi præceperunt. Accessit, quod doceri coeptum est, tantum Monachis inesse excellentiam virtutis, ut ea non solum pro se ipsi satisfacere Deo, verum etiam de abundantia sua aliis largiri, & miserorum Laicorum crimina, *Operibus*, ut vulgo vocant, *Supererogationis*, expiare queant. Ex ea copia ingens & inexhausta est officina instituta, & quæstuosissimo mercium genere referta. Nec enim, qui eas vendit, emere ipse, aut in eas conservandas sumtus ullos facere necesse habet: eas nec vetustas corrumpit, nec situs imminuit; nec ad eas vitio & vanitate postmodum deprehensa, redhibendas spatium emtori datur. Infinitis quoque ritibus ac ceremoniis repletus est divinus cultus; dies festi & supplicationes sine causâ decretæ, & sine modo multiplicatæ; templa, sacella,

altaria, non necessaria, dedicata: non alio consilio, quam ut Clerici haberent, quod agerent, neve otio torpescere viderentur. Adde, quod semper aliquod ex ejusmodi Ministeriis lucrum ad Clerum redundat. Quapropter numerum *Sacramentorum* Pontifices auxerunt, & *septem* esse decreverunt, nec enim ullum eorum sacrorum gratuito munere peragitur à Sacerdote. Sacræ Synaxeos usum, etiamsi qui ea uteretur, nemo esset, introduxerunt. Sacrificium esse ad salutem viventium juxta ac mortuorum comparatum affirmantes, scilicet ut vivos pariter ac mortuos Stipendiarios sibi & vestigales facerent. Id Sacrificium *Missæ* vulgo dicitur. Nullam rem majoris momenti agendam quisquam suscipit, quin, ut auspiciatò rem gerat, *Missam* prius peragendam curet. Nemo moritur, paulò locupletior, quin testamentò caveat, ut, ad animæ suæ salutem, certus Missarum numerus, statis temporibus, celebretur. Pro iis Ministeriis mercedem solvi Sacrificulo oportet. Rursus, perperam semel introducta consuetudo, ut Laicis sacrâ Synaxi utentibus, calix negaretur; postremò in necessitatem legis est versa. Et quanquam sancita ab ipso Christo res divina, & ab Ecclesia tot seculorum usu comprobata, rem in clarissima

luce ponit, in eo tamen, quod semel placuit, pertinaciter persistere, quam à Clericis erroris Confessionem exprimi, satius esse putarunt Pontifices, qui Clerum etiam in ejus Sacramenti usu aliquid præcipui, præ Laicis, habere voluerunt. Quinimmò, ut Deo hominibusque eo petulantius illudant, calicem non consecratum, (*Spühlsfeld*) Laicis præbent, quem per summam contumeliam, oris eluendi causa, ministrari prædicant, perinde quasi quidquam sordidum in sacra Synaxi haustum ore esset. Matrimonium, quamvis invita, quod ajunt, Minerva, & inepto consilio in numerum Sacramentorum retulerunt, ut penes Clerum earum causarum, quæ ad conjugia pertinent, cognitio & arbitrium esset, ex iis autem controversiis, quum & multiplices essent, & latè paterent, (in iis enim status hominum, hæreditates, successiones, immò integra sæpè Regna vertuntur,) ingens lucris spes affulgebat. Itaque Maria, Britannorum Regina, quum sine auctoritate Pontificis, pro filia justis nuptiis nata haberi haud posset; instaurare in suo Regno, & quasi postliminio revocare Pontificium cultum coacta est. Ita magno inter alia beneficio Pontifici Philippus III. Rex Hispanorum, devinctus fuit,

fuit, quod, legis ab illo gratia facta, ipſus
 quaſi conceſſu, natus erat è conſobrina
 ſua. Nec enim ejuſmodi matrimonium
 reliqui Chriſtiani temerè ratum habuerint.
 Ad hæc, quo uberioſorem ex faciendâ peten-
 tibus gratia legis, meſſem Sacerdotes fa-
 cerent, tot novi cognationis gradus ad
 prohibendas nuptias conſtituti à Pontifice,
 & ſpiritualis inſuper cognatio quædam,
 novo commento, excogitata eſt. *Extrema*
Unctio belliffimam occaſionem admo-
 nendi per ſpeciem benevolentie, morien-
 tes, ut teſtamento *legata*, ut vocant, *ad*
pias cauſas relinquant, Sacrificulo præbet,
 qua in re ſui quiſque potiffimum Ordinis
 utilitati ſervit. Nec alio conſilio *Purga-*
torium eſt inventum, quam ut morientes,
 ut ſunt ſerè facultatum ſuarum, aliis jam-
 jam relinquendarum, contemtores, libe-
 rales ſe & munificos Clericis præbeant,
 quo hac quaſi mercede Miſſarum & de-
 precationum perſoluta, eò citiùs ex arido
 illo & ſitiente loco liberentur. Multum
 quoque commodi Clero attulit *Reliquia-*
rum cultus: qui, ut alia omittam, id po-
 tiſſimum utilitatis præſtat, ut magna viro-
 rum illuſtrium beneficia & mèrita in ſe
 Pontifex remunerari officiulo vetuſtate
 exeo poſſit. *Sanctorum Invocatio* ſpecio-
 ſum obtentum ad templa dedicanda, ad

dies festos instituendos, ad Sacerdotes sacris Ministeriis præficiendos alendosque præbet. Caterum magnam Pontifici dignitatem addit, quod in coelestium ac divorum numerum, nisi auctoritate ejus, nemo refertur; perinde quasi in coelo quocunque mandare, quibus vellet, munera, fas ei esset, & Deus, quoscunque ei commendasset, recipere, ut vulgò vocant, *Referendarios* cogeretur. Hoc pacto in reliquis quoque Rebus publicis omnes ad unum cives inclinare & inflectere ad suam voluntatem potest; ut si omnem ad ejus utilitatem, curam & cogitationem intendissent, magna ipsorum ambitioni & credulitati præmia proponat. Superioribus quippe temporibus, maxime postquam adolevit superstitio, mos fuit, ut non nisi Ecclesiastici ordinis viri aut novis ludibriorum inventis insignes, aut simulatione sanctitatis conspicui, in numerum Divorum referrentur. Quod si ex profanis aliquis tantam dignitatem est adeptus, vel suis ipsius, vel eorum, quibus usus est honoris sui adiutoribus, juxta & petitoribus meritis in Pontificem eam acceptam referebat. Caterum quibus miraculorum commentis, quibus simulachris & signis, quam inani spectrorum lemurumque terrore, quibus execrationibus, & exorcismis, Jubilæis,

In-

Indulgentiis, cibis prohibitis, aliisque id genus artibus obcæcatos superstitione homines argento emungere Sacerdotes soleant, commemorare supersedeo.

§. 34. Secundum hæc, ad stabilien- *Ad stabi-*
dam rem Pontificiam magnum in Acade- *liendam*
miis momentum fuit; quæ partim à Pon- *rem Ponti-*
tifice, partim ab aliis Principibus & Rebus- *ficiam ma-*
publicis sunt conditæ. Pontificis tamen *gnum in*
autoritate comprobatæ sunt maxima ex *Academiis*
parte; isque summum in eas jus etiamnum *momentum*
sibi vindicat. Quæ res quorsum spectet, & *fuit.*
quam vim habeat, satis manifestum est.
Nam qui aliis in posterum, aut eruditio-
nis præcepta tradere, aut præscire debent,
ii docentur ea in Academiis, & iis imbuun-
tur opinionibus, quas vel ipsi vita deindè
& moribus exprimant, vel aliis quasi per
manus tradant. Qua re factum, ut omnis
Academiarum, & quæ in iis tractabantur,
studiorum ratio ad utilitatem Pontificis
omnibus in rebus accommodaretur. Sa-
tellites autem Pontificiæ Dominationis
fuerunt non solum Professores Theolo-
giæ, qui Principem sibi locum vindica-
runt, verum etiam Doctores Juris Cano-
nici, qui ad amplificandam Pontificis di-
gnitatem, & imposita Orbi Christiano de-
creta ac sordidos quæstus defendendos, &
in signi quadã accessione augendos, incu-

buerunt. Posteaquam enim tantam sibi jurisdictionem Ecclesiasticus ordo vindicavit, quo quàm diutissimè ejus avaritia largitionibus litigantium aleretur, Jure Canonico tantis difficultatibus judicia & lites sunt obseptæ, ut exitum ferè nullum habeant; nec, nisi serò admodum, terminentur. Philosophi quoque nexu & mancipio Pontificis maxima ex parte erant; ut si quis, omissis rebus ineptis & inanibus, quid in quâque re verum sit, perquirere in animum induxisset, in eum reliqui confestim impetum facerent, & ejus institutū omnibus modis exagitarent. Quæ in istis Academiis tradebatur Theologia juxta & Philosophia, ad instruendos homines eruditionis ac prudentiæ præceptis nequaquam referebatur: verum obscuris quæstiunculis & vanissimis ineptiis præstantissima debebantur ingenia, & ab iis rebus, quæ ad fraudes Pontificis detegendas aditum habebant, penitus cognoscendis avertebantur. Scholastica quippe Theologia non ea continet, quæ ad perscrutandas & explicandas SS. Litteras pertinent, sed magna ex parte in definitione futilium & inanium quæstionum versabatur, quæ à Petro Lombardo, Thoma Aquinate, Scotos aliisque Sophisticæ & ineptiarum Architectis in medium sunt pro-

prolatæ. Quæ illis Philosophia dicitur, quanta quanta nil nisi colluvies quædam est somniorum futilium, & ineptiarum, quarum cognitio, quum præter vocabula inania, & ex ipsa barbarie hausta nihil continet, plus detrimenti, quam emolumentum ingenuis hominum; siquidem præter eas nugæ, nullis bonarum artium studiis exculti fuerint, affert. Adcò ut in summa ignorantia summam scientiam plerique omnes, & quod ille ait, intelligendo faciant, ut nihil intelligant. Atque in hisce tricis ac nugis addiscendis non solum iis temporibus, quibus barbaries ubique dominabatur, defudatum in Academiis est; verum etiam, quod mireris, etiamnum, postquam bonarum litterarum studia eruta è tenebris & in clarissima luce sunt posita, eandem ineptiendi viam & ipsi insistant, & aliis incredibili studio commonstrant Pontificii, ut post inventas fruges glande vesci volupe eis esse videatur: bonarum autem artium disciplinæ, maxime eæ, quæ in moderandis actionibus vitæ civilis quandam quasi faciem hominibus præferunt, oppresse jacent. Ea imprimis, quæ de vita & moribus agit perutilis, & necessaria doctrina, detorta prorsus & depravata, atque inexplicabili quodam errorum & difficultatum

tum Labyrintho obsepta ab iis est, non aliam ob causam, quam ut æstimationem singulorum hominum, dum secretò peccata confitentur, haberent, & eorum animos tot scrupulis, tot incertis opinionibus implerent, angerentque, ut vitæ suæ ratio ipsis haudquaquam constaret, nec ex veris & firmis præceptis prudentiæ moderari & temperare actiones suas possent; sed vivere ex præscripto lucrifactorum Sacrificulorum, qui sacris Confessionibus præsumunt, necesse haberent.

Rei Scholasticae procuratio cur a Jesuitis suscepta?

§. 35. Cæterum quum inprimis neglecta bonarum artium studia ingentem Pontifici cladem, Lutheri ætate, intulerint; Jesuitæ postmodum, ut cohors prætoria Pontificis, suscepta rei Scholasticæ procuratione, non in Academiis solum publicè tradere graviores disciplinas, sed etiam puerilem ætatem informare ad rudimenta litterarum cœperunt, quò, translato ad se quasi monopolio bonarum artium, eas ad rationes *Regni tenebrarum* ita accommodent, ut ex iis non solum nihil detrimenti, sed multum etiam commodi ad rem Pontificiam redundet. Et sanè puerili institutione non modo magnam dignitatem sui ordini & opes ingentes compararunt; verum etiam Pontificiam Dominationem, pro cuius salute & incolumi-

luminatate vota præcipuè & præ reliquis Monachis Jesuitæ faciunt, firmissimis fultis stabiliverunt. Per eam enim occasionem, quàm veneratione quadam erga Pontificem, tum aliis opinionibus, ad institutum rei Pontificiæ accommodatis, teneras adolescentum mentes imbuunt, efficiuntque, ut à teneris, quod ajunt, unguiculis pueri imbibitas animo opiniones mordicis tueri assuescant, nec ab ea se ullis quamvis firmis rationibus depelli sinant, atq; adeò ad cognoscendam veritatem inhabiles omninò fiant. Indolem quoque discipulorum, omnesque animi affectiones penitus explorant, hoc pacto, ut si quando illi publicarum rerum consiliis adhibeantur, capere ex cujusque ingenio & moribus consilia in posterum possint. Quorum eis vel animi & ingenii præstantia probatur, vel opes arrident, eos pellere in suum Ordinem, omni ope nituntur: Adeò ut laudata tantoperè Disciplina Scholastica ad rem Pontificiam tutandam unice referatur. Quamvis autem præstantissimam sese ac compendiarium pueros in latinâ lingua instituendi viam tenere glorientur Jesuitæ, cavent tamen in primis, ne discipuli, nisi quos in suum Ordinem cooptare consilium est, sapientes nimis evadant. Eo igitur erudiendæ

k r juven-

juventutis instituto, quum multos viros ingenio & doctrina præstantes ad ipsorum vitæ genus amplexandum, induxissent, ipsi quoque alioquin segregata a se reliquorum Monachorum rusticitate, & sordidissimis inficetorum Sophistarum moribus rejectis, in consuetudine atque omni vita, incredibilem quandam humanitatem & mores politissimos præ se ferrent: perspicuam sacrarum Confessionum in Regias plerorumq; Principum irrepererunt, & consiliis publicis ita se immiscuerunt, ut multis in locis ex ipsorum nutu omnia administrarentur. Neque enim, dum in ea statione sunt, suæ ac Pontificis utilitatis curam unquam omittunt. Quibusdam tamen in locis, quum satiari & expleri avaritiæ eorum haud posset, & incredibili rerum novarum studio, omnibus sese negotiis illigarent; collectam gratiam effuderunt. Accessit veterum Monachorum in eum Ordinem odium, ut qui de dignitate illorum, opibus ac proventibus, multum detraxit. Huc pertinet, quod, ne quid noxium rei Romanæ & perniciosum in oculos hominum incurreret, omnium librorum censorium quasi iudicium sibi Pontifex & ejus asectæ vindicarunt. Eam autem Censuram tam fraudulenter & nefarie gesserunt, ut non solum pro lubitu omnia,

*Censura
librorum.*

omnia, quæ minus probabantur in priscis Scriptoribus, denuo in lucem edendis, liturâ obducerent, sed eos interpolarent etiam, & integra loca, quæ ad rem facere videbantur, infererent. Qui ab iis, qui in ditione Pontificis ejusque sectatorum sunt, de integro conscribuntur libri, cum cura recognoscuntur: si quid alienum ab eorum rationibus in eos irrepsisse deprehensum fuerit, in *expurgatorio*, ut vocant, *Indice*, consignatur, eo consilio, ut omitatur in altera editione. Adversariorum autem Scripta importari omnino prohibentur, nec ea legere cuiquam fas est, nisi quibus nominatim ea venia data sit, eorum autem satis spectata fides & usu rerum comprobata versutia est. Hoc pacto, quum quæ ad Pontificia dogmata confundenda memoriæ sunt prodita, oculis hominum nunquam subjiciantur; affingere adversæ parti, quæcunque volent, Pontifici possunt. Quumque flagitiosa Sacerdotum vita rem Pontificiam inprimis affligerit, eaque probra editis libris Protestantes omnibus ob oculos posuerint; paria vicissim flagitia Doctoribus Protestantium exprobrasse Pontificios in ultionem intentos, quorundam observatione constat. Itaque non solum quæ ab uno alterove admissa peccata sunt, in unum

volu-

volumen congegserunt. Verum etiam nunc innoxiiis turpissimorum flagitiorum crimen inferunt, nec aliud falsæ criminæ argumentum, quam contrarium probari ad adversa parte debere afferunt. Ea re in magnam apud suos invidiam & contemtionem Protestantes adducunt, Nec, ut sunt perfrictæ frontis, de miraculis suis, de Martyrum cruciatibus, de reliquis facinoribus præclaris, quæ in terris longinquis patrassè se commemorant, mira prædicare erubescunt, in spem erecti, fore, ut magnam, apud imperitos saltem, auctoritatem & sanctitatis opinionem ea re consequantur. Eas artes ad memoriam posteritatis, cum cura consignavit inter alios *Edvinus Santis*, Eques Anglicanus, edito libello, de *Stata Religione*.

*Excommu-
nicatio &
Inquisitio.*

§. 36. Hasce duriores etiam & acerbiores dignitatis tutandæ vias Pontifex & olim institit, & nunc ingreditur. Superioribus equidem temporibus non alia re major, quam anathematis fulmine terror mortalibus incutiebatur; quum integra Regna diris devota, omni sacrorum usu prohiberentur: hoc pacto Imperatores & Reges officium facere, & in Pontificis potestate esse subigebantur. Hoc verò tempore inutile & hebetatum telum, præterquàm renuiis aliquis Italiæ Regulus nemo per-

permetit. Sed in Italiâ & Hispania peculiare constitutum est Judicium, quod *Officium S. Inquisitionis* vulgo appellatur. Eo Judicio in eos inquiritur, causæque eorum disceptantur, qui hæreseos suspecti sunt. In gravissimis autem hæresibus, & nonnisi ultrice flamma expiandis, numerantur ea, quæ auctoritate Pontificis, & sancitis ab eo dogmatis ac legibus adversantur. Ita domiti populares in officio continentur, & qui in ea terra incolunt, vitare horrendum Tribunal, ceu pestem, debent: tanta quippe severitate exercetur judicium ab istis Quæstoribus, ut, qui in eorum manus ac potestatem venerit, ultimum supplicium effugere, vix ac ne vix quidem possit.

§. 37. Quamquam autem, & Regiminis Ecclesiastici, & cultus divini ratio, & reliqua, quorum mentionem feci, vim satis magnam habent ad continendos in fide & auctoritate Pontificis homines, Pontificio maxime Clero ita res suas administrante, ut satisfacere omnibus studeat; & ipse ego facile credo, magnam eorum partem, qui in ditione Pontificis sunt, persuasum habere, vera esse, quæcunque ipsis à Magistris suæ Religionis traduntur, alio item occasione eruendæ veritatis destitutos esse; credibile tamen omnino videtur,

*Rationes
quibus per-
uota plebs
in fide Pon-
tificis perse-
verat.*

ex eruditis & rerum humanarum gnaris permultos existere, qui totius rei compagem, & quam infirmis vinculis ea machina contineatur, facile perspiciant. Cæterum quo minus jugum excutiant; alia obstant causæ. Plurimos, mea quidem sententia, continet a defectione desperationis emendanda Religionis, quod se tantæ rei impares esse intelligunt: ipsi tamen proderè salutem, & quas sub Pontifice sibi compararunt, opes ac dignitates projicere, famemque ex summa copia, tolerare, transitione ad Protestantes facta, nolunt, quod præceptis nimis & temerarium tentanda patientiæ consilium foret. Itaque ad æternam beatitudinem consequendam satis esse putant, si in Christo ac ejus meritis omnem salutis suæ spem repositam habeant. Nam reliqua, quæ humana adjecit superstitio, sacrorum Ministeria, & obiri in speciem, & quatenus visum esset, credi, salva Religione, posse. Nec ad rem pertinere, quod ea mulieres & imperita multitudo, ad res immodicas & superstitiones immoderatas sua sponte proclivis, serio credunt. Permultos quoque eorum esse, dubium non est, qui ea, quæ divinitus præcepta sunt in Religione, distinguere ab iis, quæ suæ utilitatis causa Clerici adjecerunt, nequeant. Ille igitur, illo

istorum detecta fraude, quum divina quoque iussa pro commentisanilibus habeant, omnem postremo sensum Divini Numinis exuunt, & ne quod ab hominibus periculū aut incommodum sibi accersant, nefandā opinionem specie exteriorē & Religionis simulatione regunt. Et facile potest quivis rerum humanarum gnarus existimare, quam nullo negotio fieri possit, ut præstanti & acuto ingenio Hispanus aliquis aut Italus, qui nec Sacras Litteras unquam, nec ullum melioris notæ librum Protestantium perlegerit, ubi Cleri Pontificiū artes fraudesque olfacere cœperit, in ejusmodi cogitationes incidat. Illud quoque constat, ab Lutheri ætate rem Pontificiam longe aliam sibi adscivisse faciem, aliū induisse habitum, majoremque, quā antea, speciem sanctitatis præ se tulisse. Porro magna hominum summæ & mediocris conditionis pars suis rationibus a Dominatu Pontificio inprimis consultum ac prospectum esse intelligunt. Suis enim in sacrum ordinem, seu Equitum, seu Sacerdotum & Monachorum cooptatis, quum nihil ad vitæ usum cultumque desit; familiæ illustres non solum magno levantur onere, sed crescendi etiam locum nonnunquam, & caput altius extollendi facultatem adipiscuntur. Voluptati certe
est

est parentibus superstitione obcecatis, liberos, relictis profanis, in religiosissimas familias, & sanctitatis laude inprimis conspicuas nomina dare, & quasi in numerum sanctorum hominum referri. Denique ita ferè comparatum est, ut quibus in omni vita adversa fortuna fuit, nec ulla emergendi è tantis difficultatibus ratio constaret; ii, desperata salute, in cœnobium sese, tanquam ultimum inopiæ perfugium, recipiant. Qua quidem commoditate, si sublata & eversa Pontificia Dominatione Ecclesiastica bona in ætarium Reipubl. aut fiscum Principis redacta forent, haudquaquam uterentur. Radices quoque tam altè egit, iis in locis, in quibus floret res Pontificia, ut si quis eam exseindere conatus fuerit, Princeps, expedire tamen exitum institutæ rei haud posset. Neque enim Cucullati adversus eum superos inferosque juxta concitare, & si cò parum proficiant, ad ultimum *Jacobum Clemen-*tem aliquem redivivum, aut *Ravalliacum* percussorem ei immittere verebuntur. Quin ipsi quoque Principes maxima ex parte aut magnam in sacra ista Dominatione utilitatem Reip. versari credunt, aut non solum in rebus novis commodum, sed & magnam perturbationem rerum omnium animò prospiciunt.

§. 38. Italiae imprimis interest, sal- *Qui statim*
 vam & incolumem rem Romanam esse, *utilitatem*
 Pertinet enim ad ejus amplitudinem ac *ex Domi-*
 dignitatem, & Pontificiam Sedem in suis *natione*
 finibus esse constitutam, & in praesentia *Pontificis*
 ad Pontificium fastigium, aditum, nisi *capiant.*
 Italo natione, nemini paterè. Nec ulla
 Domus illustris est in Italia; in qua non
 aliqui saltem utilitatem ex Pontificia Do-
 minatione capiant. In Polonia Episco-
 patus & perquam luculentos Ecclesiae re-
 ditus Nobiles indigenae, magno suo bo-
 no, tenent. Itaque Nobilitatis, penes
 quam summa imperii est, ne quid detri-
 menti res Pontificia capiat, maximè in-
 terest. Episcoporum quoque, ut qui &
 Senatores Regni sint, magna in Polonia
 auctoritas est. Nec minori potentia Ec-
 clesiasticus ordo pollet in Lusitania, ut si
 immutare quidquam in rebus Ecclesiasti-
 cis Rex instituisset, Clerici ad unum
 omnes defecturi ad Hispanum, & ejus par-
 tes incredibili accessione firmaturi essent.
 Qua re factum, ut superioribus annis, ad-
 versus Pontificem Lusitanus ne hiscere
 quidem auderet, licet, quod novos creati
 Episcopos abnuisset, à Pontifice, Hispanis
 gratificaturo, durissimè habitus, justam
 exuendi se jugo Pontificis causam habue-
 rit. In Germania ex Ordinibus nonnulli

in fide & auctoritate Pontificis manserunt, & quidem inter Civitates Imperiales, Colonia Agrippina, incredibili cucullatorum multitudine referta, itemque alia minora oppida. Inter Comites & Equeſtrem Ordinem ii ſe à defectione continuerunt, qui ad Eccleſiaſticas dignitates & redditus perquam opimos viam ſibi obſtrui noluerunt. E *Secularibus*, ut vocant, Principibus Bavarum in officio continuit inſitum eiſ ſamiliæ ſaſtigij Imperatorii deſiderium. Eam autem ſpem infringere aut eripere defectione ab Eccleſia Romana potuiſſet. Cæterum quæ rationes aliquot Proteſtantium Principes impulerint, ut cum Eccleſia Romana in gratiam redirent; ſatis inter omnes conſtat. Nec mirum videri debet, Episcopos in fide Pontificis conſtanter manere, quippe quibus commodius multo & optabilius eſſe videtur, in ſaſtigio Principali opibus circumfluere, quam in ſtatione miſeri Praconis Verbi Divini, egeſtate conſlictari. Exemplo quoque duorum Electorum Coloniensium deterrentur, qui ſuperiore ſeculo, renovare & reſtituere collapſam Eccleſiæ diſciplinam aggreſſi ſunt, infelici exitu. Ex quo rerum potitus eſt Carolus V. quum belliffimam ordinandi Imperij & reſtituendi occaſionem Hiſpanorum conſilia diſcuſſiſſent,

sent, rei Germanicæ ratio haud tulit Imperatorem, etiamsi maximè vellet, desistere à Pontifice Romano. Nam, ut nunc res sunt, Principes Ecclesiastici stare cum Imperatore coguntur, quo præsidium aliquod adversus Principes *Seculares* habeant. Quod si verò secessionem facere à Pontifice Imperator in animum induceret, Ecclesiasticum ordinem primum haud dubiè in se irritaret: deinde à secularibus Principibus haud magna auxilii spes foret: maxime, vetustis Principum familiis, quibus hoc tempore propter Religionis invidiam omnis ferè Imperatoria dignitatis spes incisa esse videtur, par sibi, ac Austriaca Domus, jus in illam vindicaturis: Pontifex quoque, si defectionem Imperator moliretur, cælum terram miscere, & superos inferosque juxta concitate in eum extemplo insisteret. Nec eam invadendi Imperii & potiundæ summæ dignitatis occasionem Gallus dimitteret: fierique posset, ut ei, tantum facinus molienti ex ordine Ecclesiastico, qui est in Germania, multi sese adjungerent. Hispani magnam tuendæ & amplificandæ Pontificiæ dignitatis studium præ se ferunt; partim, quod ad possessionem & otium Regni Neapolitani & Ducatus Mediolanensis conservandum, benevolentia Pontificis imprimis

indigent: partim quòd consiliis suis Religionis Catholicæ tutandæ & propagandæ studium prætere, in more habent. Quanquam inita eo obtentu consilia infelicem ferè exitum habuerunt. De opibus, quibus Ecclesiasticus ordo in Hispania admodum pollet; de falsis item & horrendis opinionibus, quibus, ut in invdiam Protestantes adducerent, imperitæ multitudinis mentes Clerici imbuerunt, nihil dicam. Gallus haud ita magnam rei Romanæ juvandæ & ornandæ cupiditatem præ se fert: nec unquam adduci se passa est Ecclesia Gallicana, ut se imperio Romanæ ita, ut ex ejus nutu tota penderet, subjiceret. Et si quid postulare à Gallis Pontifex institerit, quod convellere libertatem Ecclesiæ Gallicanæ videatur, ei rei Supremum Consilium Parisiense confestim occurrit. Multas quoque Propositiones, quas Parasiti & Mancipia Pontificis excogitarunt, Sorbona rejicit damnatque. Porro Nuntii Pontificis cum cura servantur in Gallia, neve longius, quam oportet, progrediantur, in primis providetur. Ii Romæ egredientes directa & sublata in sublime cruce profiscuntur: Galliæ fines ingressi, eam submitunt, donec obeundi muneris potestas à Rege datur. Chirographo autem Regi

cavent, ea se potestate, nec aliter, nec diutius, quam ei placuisset, usuros esse. Operâ quoque Scribarum Gallicorum uti, & discedentes commentaria rerum suarum, item signum, quo obsignare litteras consueverant, relinquere, aliosque servare ritus necesse habent, sine quibus quidquid egissent, irritum omne futurum esset. Quocirca distitant Galli, Nuntio Pontificis obeundæ legationis potestatem non minus à Rege, quam à Pontifice datam, adeoque precariam eam esse, & ad nutum Regis adimi ei posse. Quam ob causam Nuntius, ubi in conspectu Regis est, remouet crucem & abscondit; perindè quasi omnis ejus jurisdictio, præsentè Rege, evanesceret. Et opinio est, rerum potiente Richelio, Patriarchæ in Gallia constituendi consilia agitata esse. Quæ tamen, nica quidem sententia, haud ex usu rei Gallicæ forent. Ecclesiasticus enim ordo id haudquaquam æquo animo pateretur, haud ex vano metuens, ne per eam occasionem luculentos & opimos Ecclesiæ proventus, Rex vehementer diminuat & circumcidat. Quod si ad Imperatoriam dignitatem Gallus adspiraret, defectio sane à Pontifice Romano aliena prorsus ab instituto foret: Potitus enim Imperio Princeps, tantis, quantis Gallus, opibus

bus pollens, non solum veterum Imperatorum jura, diuturnitate silentii ferè oblitliterata, revocare atque è tenebris quasi eruere, insisteret, magna autem eorum jurium pars ad urbem Romam refertur, verum etiam per speciem tuendæ rei Pontificiæ eos, qui ab Ecclesia Romana secesserunt, in antiquum jus repetere nullo negotio posset. Cæterum Pontifex à Monarchia Gallicana vehementer abhorret, haud ex vano metuens, ne purgata ab inveteratis vitiis & ordinata aula Romana, & Pontificia potestate circumscripta, ita in ordinem redigatur à Gallo, ut præter Patriarchæ alicujus exiguam vim ac potestatem nihil ei relinquatur. Nihilò melius cum ipso actum foret, si quam animo agitant, jamq; parturiebant Monarchiam, Hispani peperissent sibi, & ad exitum perduxissent: Quanquam, si ejusmodi exoriretur Monarchia, haud dubie futurum esset, ut in arctum res Protestantium ac Religio cogeretur, & difficillimos collocata loco conspiceretur. Quæ quum ita sint, illud tenere oportet, utriusque Regni, cujus modo mentionem fecimus, æquilibrio & æmulatione potentiæ, seu fundamento, rem Pontificiam inniti. Itaque prohibere in primis & providere Pontificem necesse est, ne alteruter eorum Regum,

*Firmissima
Papatus
Columna.*

gam, amulo pessundato & everso, Imperio totius Europæ potiatur. Cujus rei luculentum documentum à multo tempore Pontifices, eam, quam dixi, viam insistentes, dederunt. Henrico II. mortuo, quum tenuis & infirma res Francica esset, Pontifex velit, nolit, Hispanorum partes sequi coactus est. Hispani quippe eum bonis malisque artibus juxta adhibitis obnoxium sibi reddiderunt. Nepotum, ut vocant, Pontificis animos sollicitabant, qui in tanta vitæ & imperii, quod Pontifex eorum propinquus, gereret, brevitatem, stabilire opes familiæ, & quoad fieri posset, amplificare gestiebant. Eorum igitur cupiditati ut servirent, Hispani pensionibus annuis, Sacerdotiis magni vectigalis, prædiis luculentis, dignitatibus amplissimis & nuptiis denique, plenis utilitatis dignitatisque sibi eos devinxerunt. Itaque hi Pontificem, propinquum suum sæpe perpulserunt, ut plura, quam debebat, aut fas erat, in gratiam Hispanorum faceret. Quod si beneficia ad prodendam Sedem parum apud Nepotes valebant, eos post obitum Pontificis, omni injuriarum genere exagitare ac vexare Hispani instituerunt. Eam ob causam Hispani id semper egerunt, ut qui alienæ ab Hispania voluntatis nomine suspectus esset, à Ponti-

ficia dignitate arceretur. Cæterum, re-
creata re Francica & magnis opibus aucta,
Pontifices, quum jam, dempto Hispani
metu, sui juris esse, & pristinam libertatem,
quasi postliminiò, recuperare cœpissent;
inclinata in neutram partem voluntate,
hactenus utrumque Regem benevolentia
complexi sunt, quatenus id expedire suis
rebus credebant. Quamobrem Jesuita
quidam, Guichardus nomine, Lutetia
Parisiiorum in amplissimo templo pro
Concione dixit A. cl. lccxxxvii. mense
Julio; bellum, quod tum temporis cum
Hispano Gallus gerebat, sacrum esse, &
Religionis ergo susceptum: Hispanorum
quippe consilia, nisi eis Gallorum Rex
occurrisset, eo spectasse, atque cum etiam
exitum habitura fuisse, ut Pontifex, sum-
mo fastigio dejectus, *Eleemosynarius*, ut
vocant, Regis Hispanorum fieret.

*Quæ animi
in affectu
Pontifex in
Protestan-
tes feratur.*

§. 39. Quod ad eos attinet, qui à
Pontifice Romano secesserunt, pergratum
equidem Pontifici fuerit, eos in fidem
ipsius & obsequium redire: cum hac ta-
men exceptione, ne quis ex eorum ruina
tantas sibi opes comparet, ut terrorem
deinceps universæ Europæ, potentia fa-
mâ, injiciat. Satiùs quippe est, saluum
esse hostem, & lucis hujus usura frui,
quam eo occiso, tuam ipsius vitam te amitt-
tere.

tere. Atque eam ob causam Paulum III. Pontificem, latis nimis ac secundis Caroli V. bello Protestantes persequentis rebus anxium fuisse ac sollicitum, compertimus, adeò, ut quæ ei auxilio miserat copias, extemplo domum revocaret. Ita latiore expeditionis, quam in Britanniam Philip-
pus II. susceperat, eventum, Sixtus V. ta-
citus deprecabatur, adeò, ut, si Hispani
res ex animi sententia successisset, illum
lati ab se tanto cum studio auxilii poeni-
tentia haud dubie subitura fuisset. Ita
orta inter Hispanum & Rhätios contro-
versia de Valle Tellina, horum causæ Gre-
gorius XV. favebat, nulla Religionis (se-
quebantur enim *Reformatorum* discipli-
nam,) ratione habita. Nec invitatus patie-
batur Urbanus VIII. Austriacæ Domui
aliquam à Gustavo Adolpho, Succorum
Rege, cladem inferri, præsertim, quum
illa Catholicos ac Protestantes nullo à se
discrimine haberi, recenti in Principem
Mantuanum exemplo edito, declarasset.
Proditum memoria est, Pontificem Fer-
dinando II. ut promissa sibi pecunia re-
præsentetur, postulanti, pro argenteo
charraceum tulisse subsidium, misso Di-
plomate, quo Imperatori, omnibusque,
qui in ejus exercitu essent militibus, si
quando eas mortem oppetere continge-

ret, gratia peccatorum fieret, ut alacriore scilicet animo in perniciem suam ruerent. Denique paucis abhinc annis Curiam Romanam haud leviori metu suspensam tenuit, armorum, quæ contra Batavos Rex Gallorum sumserat, nimia felicitas: quum in tantum discrimen adducta ea Respublica esset, ut haud procul abesse ab interitu videretur. Cæterum in eam curam Pontifex animum inprimis intendit, idque optat unice, ut scitis artibus reconciliatos sibi Protestantes in fidem recipiat. Hujuscemodi artes sunt, semina discordiæ inter Evangelicos, ut vocant, jacere atque fovere, eorum animos blanditiis permulcere, eos Pontificiorum uxorum nuptiis illigare, filios natu minimos, illustri loco ortos, Dignitatibus, beneficiis, & opimis Ecclesiæ vectigalibus illectos, Ecclesiæ Romanæ in perpetuum devincire, si qui, sacris Protestantium relictis, transitum ad Ecclesiam Romanam fecissent, eos benigne exceptos opibus & honoribus ornare, Evangelicorum Theologos haudquaquam libris editis aggredi, sed potius sinere eos mutuis sese altercationibus ac dissidiis conficere, & si quæ his sunt similia. Atque satis compertum est & evidens, Pontificium Clerum hoc seculo non solum magnas in præsentia opes sibi ad-

adversus Protestantes comparasse, sed eò rem deduxisse, ut majores indies progressus facere possit: atque adeò in sinu, quod ajunt, gaudere, quod Protestantium vires intestinis inter sese dissensionibus contereri quotidie cernit.

§. 40. Ex iis, quæ commemoravimus, *Inter Pontificem & Protestantes num componendarum controversiarum spes sit reliqua.* apparet, ecqua spes componendæ Pontificios inter & Protestantes controversiæ sit reliqua; ita quidem, ut aut remissa non-nihil utrinque sententiæ tuendæ pertinacia, communi utriusque partis consensu *Symbolum*, ut vocant, *fidei* componatur, & jura sacrorum volumine quodam describantur, levioribus quæstionibus, ut quæ ad summam rei haud pertineant, ad scholas rejecti, aut ea reconciliatōnis ratio ineatur, ut relicta cuique sententiæ retinendæ potestate, nullaque mutui dissensus habitatione, fraterna quædam necessitudo, ab ipso Christo, Servatore sancita, inter Pontificios & Protestantes stabiliatur, & singuli utriusque partis pro membris unius cœtus Christiani habeantur, atque adeò ad mutuam caritatem animorum conspiratio inter dissentientes existat. Quod si & rei ipsius naturam, & Pontificis rationes accuratè nobiscum repetemus, fieri ejusmodi pactionem nullo modo posse existimamus. Etenim non de iis solum

lùm rebus, quæ ad jura & disciplinam sacrorum pertinent, inter sese dissentiunt, diversæ doctrinæ Sectatores, sed contraria etiam utrosque privata utilitatis ratio movet. Nam primum restitui Pontifex Ecclesiastica bona vult; Protestantes ea, uti nunc sunt, retinere cupiunt. Pontifex summum sese Arbitrum sacrorum & Caput orbis Christiani ferre; Protestantium ordines rerum sacrarum potestatem tanquam non contemnendam summi Imperii partem retinere satagunt: Nec fieri sine *contradictione*, ut cum Scholasticis loquar, *in adjecto* potest, ut quis & sacrorum communionem habeat cum Pontifice, & amicitiam colat, nec tamen eundem pro summo Ecclesiæ Arbitro ac Domino velit agnoscere: perinde ac si quis Regni civis dici, nec tamen se Regis Imperio subiectum esse fateri vellet. Tum verò divina Pontificis sapientia, quæ nec falli potest, nec fallere, universam rei Pontificiæ molem sustinet, ut ea subtracta basi, totam machinam corruere, necesse sit. Itaque rationes Pontificis haud ferunt, ut Protestantibus in ullo, vel levissimo Religionis capite, quod quidem adhuc in controversiam vocatum sit, quidquam concedat. Nam si una in re falsi se quidpiam defuisse fatetur, labi utique & errare, in
Pon-

Pontificem cadit. Nam quo minus, qui semel erravit, sapientius erraret, nihil obstat. Quod si verò Pontificem omnis erroris expertem esse, Protestantes fatentur, reliqua item, quæ tradidit sacrorum jura ac dogmata vera esse, fateantur, necesse est. Jam verò haudquaquam credibile est, unquam fore, ut quæ adversus Pontificem adhuc tradiderunt Protestantes dogmata, sua ipsorum Confessione refellant. Nam ut in Laicis nulla mora sit, quid Ecclesiasticus ordo faciet? Quid de conjugibus eorum ac liberis fiet? Itaque operam lusisse, & suam inscitiam prodidisse, atque adeò uberrimam ipsis Pontificiis ridendi materiam præbuisse comperti sunt, qui laudabili quidem sed irritò consilio, pacis & concordiae inter Pontificios ac Protestantes conciliandæ, vel, ut vocant, *Syncretismi* inter eos constituendi rationem ostendere & condiciones ferre, in animum induxerunt. Cæterum id consilium rei Pontificiæ non solum non incommodum, sed fructuosum, agitari cum summa molestia à Protestantium Theologis, haud agrè Pontificii patiuntur: controversiæ enim de *Syncretismo* ultro citroque agitatæ non solum gravissimas inter Evangelicos Theologos contentiones & altercationes pariunt, sed

im-

impetum illum & ardorem animi, quò ad Pontificios impugnandos Protestantès feruntur, vehementer restringunt. Ac fieri facile potest, ut ubi quis, dogmatis Christianæ Religionis non nisi leviter tinctus, de compositione agi acceperit, haud ad eò magnum inter Pontificios & Protestantès intervallum interjectum esse suspicetur. Quod si, dum in ea hæresi est, aliqua melioris fortunæ, aut majoris utilitatis ei spes affulgeat, adduci facile potest, ut remisso Protestantibus nuncio, ad Pontificios transeat. Par enim castelli locive muniti, & pudicitix virginalis conditio est, ut, ubi de conditionibus agi coeptum est, in summum utraque discrimen adducta esse videantur.

Protestantes quid valeant.

§. 41. Si verò quæstio exoriretur, utrum etiam Papa cum Affecclis suis Protestantès armata manu potestati suæ rursus subicere posset? Certum utique est, arma Pontificiorum Protestantium viribus validiora multum esse: Illorum enim partes sectatur tota Italia, tota Hispania & Lusitania, major pars Gallix & Polonix, Helvetiorum minor pars. In Germania provinciæ Domus Austriacæ, Regnum Bohemix, & nunc etiam universa propemodum Hungaria, Episcopi atque Prælati: Electoratus Bavarix, Palatinatus Neoburgicus,

gicus, Marchionatus Badensis, & nonnulli alii Principes minoris considerationis; Comitum, Dynastarum, Nobiliumque Imperio immediatè subjectorum, liberarumque Imperii Civitatum bona pars, præter illos, qui sparsim inter Protestantes degunt, qui conjunctim ex mente mea ad minimum duas Tertias Germaniæ efficiunt. In Hollandia quamplurimi etiam reperiuntur Pontificii, Papatusque fermentum non minus in Anglia. Pro altera parte contra stat Anglia, Suecia, Dania, Hollandia, plerique Electores, Principes, Imperiique Civitates Germaniæ. Protestantes in Gallia vulgo Hugenotti dicti, omnibus jam viribus fracti, armisque exuti sunt: Evangelici per Poloniam dispersi, in nullam deveniunt considerationem: si Semigallia, civitatesque Borussiae sese in libero Religionis exercitio defendere atque tueri possunt, satis pro viribus suis fecerunt: Transylvania parùm etiam conferre potest. Hanc etiam Pontificii Protestantibus præripiunt prærogativam, quod illi Papam pro summo Ecclesiæ suæ Capite agnoscant, & vel ore tenus atque externè circa fidem non dissentiant: Contra Protestantes nullo Capite visibili gaudent, & inter se miserè dissecti vivunt. Nam ut silentio præteream minores illas

Sectas

Sectas Arminianorum, Socinianorum, Anabaptistarum, aliarumque similium, totum eorum Corpus in duas ferme æquales partes, Lutheranorum, & Reformatorum divisum est. Quorum major pars sibi invicem tantum non infensiores sunt, quam ipsis Pontificiis. Neque universali quadam Religionis præscripto gaudent, sed quilibet status hac in parte, pro arbitrio suo gubernatur. Negari insuper non potest, Religiosos Pontificiorum omnes majori studio, labore, & industria Religionem suam propagandi teneri, quam Protestantes, quorum multi hoc pro scopo potissimum habent, quomodo ex Reditibus & salariis suis victum atque alimenta accipiant, sicuti alii opifices nutrimenta sua quærunt, ædificationem Regni Dei postponentes, cum contra Monachi, & Lojolita magnam sibi conciliant authoritatem, Missionibus suis in Orientem, versusque Americam. Quorum operationes licet multis jactantiis commixtæ sint, propositum eorum tamen in se laude dignum est. Adhæc inter præcipuos Protestantium status irreconciliabilis ferme æmulatio tantumque non invidia versatur, ut vix ejusdem omnes mentis fore credendum. Ejusmodi zelus Sueciam atque Daniam, Angliam atque Hol-

landiam, ut alios taceam, premit. Quam æmulatio non minor inter Gallos Hispanosque reperitur, quæ difficulter permittet, ut conjunctis viribus adversus Protestantes aliquid tentent. Ita, ut absque multiplici disparitate Protestantibus non multum verendum sit, ut armis à Papa subjugentur. Cum discriminē tamen loquendum est, de Protestantibus, separatim aliquem independentē statum constituentibus, & iis qui sub Dominis Religionis Pontificiæ degunt. Hi enim propter liberum Religionis Exercitium nequaquam sicuti illi delectantur tranquillitate; Protestantium ergo sive Hugenottorum in Gallia securitas nudo Regis Verbo & Edicto de Nantes nititur, actumque de eis procul dubio foret, si Rex Galliæ zelo quodam Hispanico aut Austriaco raperetur. Cæterum non facile crediderim; Regem pacatē viventibus ob Religionem vim ipsis illaturum esse, præsertim si officia Henrico IV. à Protestantibus præstita in memoriam sibi revocat, sine quorum auxilio Regium vix ascendisset solium. Neque Poloniæ Regi foret grave, Semigalliam atque Borussiam ob Religionem infestare, inprimis Dantisco in libertate persistente, Germaniæ Protestantes magnum admodum constituunt numerum, ita ut sub

uno conjuncti Capite, Regno cuidam formidabili pares esse possent; sed multitudo Capitum eorumque interesse privatum, & quia etiam dissipati admodum sint, vires illorum non parum infringit. Imperatorque seculi spatio bina vice in illas angustias eos conjecit, ut propemodum de Religione & libertate eorum, quæ adco invicem connexæ sunt, ut una absque altera opprimi nequeat, actum videretur, nisi Gallia atque Suecia sese interposuissent. Novissimis quidem annis novum Axioma obtrudi voluit, Protestantibus in Germania sufficientes esse vires, absque præsidio externo duorum horum Regum, sese ut tueantur, Brandenburgicumque aptum esse atque idoneum, Directorium inter illos qui gerat. Quod ut constanter atque firmiter credant, Domus Austriacæ permagni interest. Et hac hypothefi Brandenburgicus atque Luneburgicus desideria sua partim palliant, illas ad se trahere provincias, quæ Coronæ Suecicæ pro satisfactione contingere, ut tam his quàm aliis Germaniæ Statibus Religionem atque libertatem conservaverit. Sed posito ut propositum illorum prosperum nancisceretur eventum, hoc primò certum est, duas hæc Domus tali accretione Imperatori minus formidabiles

les redditum iri, quàm antea erant, cum in Suecia adhuc præsidium ipsis esset. Longe insuper falluntur credentes, sibi Hollandiam atque Daniam tantum auxilii quàm in Gallia & Suecia reppererunt, concessuras esse. Si etiam tertio Imperator jam voti sui compos, factus duas has Coronas ex Germania penitus extirpaverit, Hispaniamque pristinum in vigorem restituerit simul etiam Status copiis suis, aliisque belli incommodis debilitaverit, magna oritur quaestio: Quisnam tali casu Imperatorem cogere debeat, ut victoriosum suum exercitum dimittat. Aut licet Imperator nullum invenerit prætextum, copias suas conservandi, easque Statibus, ut ipsis alimenta præbeant, obtrudendi, utrum Elector Brandenburgicus & Lüneburgicus Imperatori se sint opposituri? Et quarto, si status Protestantes rursus animadverterint, se operi huic pares non esse, utrum Coronæ adeò alienatæ, si postularentur, statim accelerent, aut conditio earum tum sit concessura, tantum sibi onus ut injungant, aut semper, extrema urgente necessitate, utrum Rex aliquis Gustavus Adolphus cœlo devolans sit venturus, pari prospero successu? Nam qui credit, Religionem in literis atque sigillis firmum satis habere præsidium, aut

Imperatorem data occasione nunquam amplius tentaturum, absolutum in Germaniam Dominium acquirendi, cui rei Religio & bona Ecclesiastica ipsi colorem & prætextum sufficientissimum præbere poterunt, ipsum memoriam præteritorum temporum amisisse oportebit. At pax Noviomagensis monstravit, consilia hæc fuisse frustra; Status verò Evangelici independentes metuendum nihil habent, se externa coactione, id est, violentia armorum Religionis jacturam facturos esse. Nam quemadmodum Religionis Harmonia æmulationem status non tollit, sicuti licet videre in Gallia, Hispania, Anglia & Hollandia; ita Religionis diversitas tanta non est efficacia, ut si præpotens quidam status Pontificius Evangelicum aliquem statum desideret opprimere, cæteri status Pontificii statim huic sint defuturi, si in conservatione illius ullum sensuri sint interesse. Constantia ergo & firmitas Religionis Evangelicæ horum Statuum in eo fundata est, ut quilibet internè illam optimè conservare omnem impendat operam. Quod ut fiat nullis subtilibus spinosisque mediis sicuti in Papatu, sed tantum simplicibus atque leviusculis opus est. Cardo verò rei in eo consistere videtur, ut Ecclesiæ


Scho-

Scholæque Personis idoneis instruantur, ut Clericî salutari doctrina, & inculcata vita aliis præluceant, ut quilibet, præsertim verò illi, qui suo tempore status ad gubernacula sedere debent, in vera Religione fundamentaliter informentur, & contra illecebras & tentationes Papatus benè præserventur, inprimis si in provinciis Pontificiis peregrinari eos oportet; ut Sacerdotes sese adeò capaces reddant, ut adversariis pares esse, ipsorumque objectionibus, quibus quotidie incumbant, resistere possint, & si quid præterea ejusmodi. Nonnulli quidem arbitrantur, non incongruum fore, si duæ Protestantium partes præcipuæ, quæ præter discrepantiam Doctrinæ, aliàs per contrarium interesse, quod ex Religione proficiscitur, colliduntur, bono faciliq; modo conformari possint, & credunt, rem non adeò esse impossibilem, si modo odium, philautia, superbia, præconcepta opinio, & mala interpretatio removeri possent. Si verò ple-
rorumque humores ritè perpendantur, hoc postulatum nimis magnum esse videtur, mirandumque est, si controversiarum Scriptores absque assensu partium legantur, quomodo modo huc modo
m 3 illuc

illuc sensus torqueatur, ut tantum illud, quod semel fuit positum, obtineatur, sive illud cum Scriptura concordet, nec ne? Sicuti etiam cæ res, quæ centies fuere pro absurdis refutatæ, identidem repullulant. Tum etiam hoc non conceditur ut una sententia, ejusdem cum altera sit valoris atque præstantiæ; talisque indifferentia indicium est, Tibi totum opus curæ cordique non esse. Ut quædam puncta, de quibus convenire non potuerunt, problematica declarari velint, etiam periculosum est, nec ego scio, quis nobis hanc dederit potestatem, ut pro lubitu nostro unum articulum necessarium aut problematicum habere debeamus. Nonnulli etiam hac fuerunt sententia, tentandum esse, utrum ex iis punctis, in quibus utraque pars consentit, perfectum aliquod systema Theologiæ, quod ab initio usque ad finem ad formam justæ artis & catenæ instar connexum sit, formari possit? Hoc si effici posset, licet deinde diversæ quædam opiniones, modo dictam catenam non dilacerantes, sed extra illam cadentes, restarent, certum esse, ut in fundamento, & mediis beatitudinem nobis concilians, conveniremus. Quod restat discriminis

minis, tantæ non esse efficacæ, cur non in unam Ecclesiam unanimes congregaremur: Verùm antequam de hac propositione judicium ferendum est, sciagraphia potius ejusmodi systematis ad modum justæ artis formati inspicienda esset. Nullum ego melius medium proponendum novi, quam si negotium hoc DEO relinqueretur, utrum ille suo tempore expediens aliquod nobis suppeditaret: immatura & intempestiva enim media, nova tantum causantur schismata. Interim utramque partem ob discrepantiam hanc interesse suum, adversus communem hostem negligere non oportet, certoque credere, Pontificem eodem in eos esse animo, sive sint Lutherani, sive Calviniani. Quantum verò ad minores Sectas, Socinianorum, Anabaptistarum & ejusmodi spectat, hoc evidentissimum est, illas nostra cum Religione absolute esse irreconciliabiles, dum illi ex Christiana Religione aliud nihil quam elegantem Philosophiam moralem constituunt: hi vero ipsi nesciunt, cui addicti sint. Siquidem etiam insuper hi ultimi nescio quam novam somniant Politiam, adeoque statui, ubi augmentum majus justo acquirerent,

rerent, periculi satis minantur. **Utrum**
autem illi etiam hac in parte simile quid
molianur, expresse judicare nequeo,
quia nullibi adhuc adeo justum super-
gressi sunt numerum, ut statim ab
ipsis aliquid verendum
fuiſſet.



IN-

INDEX.

A.

A	<i>Busus apud Pontific. extantior</i>	
	<i>Conciliorum</i>	<u>34</u>
	<i>Episcopalis Audientia</i>	<u>16</u>
	<i>Excommunicationis</i>	36.156
	<i>Matrimonii ratificandi</i>	35
	<i>Academia multum ad stabiliendam rem Pontificiam conferunt</i>	<u>149</u>
	<i>Apostoli unde suae Doctrinae Exordium ceperint</i>	<u>21</u>

B.

	<i>Barbaries in Occidente nimium quantum Dominationem Pontificis promovit</i>	<u>39</u>
	<i>Borgia Caesar Pontific. Notus</i>	<u>87</u>

C.

	<i>Cajetanus inclementius Lutherum tractat</i>	107
	<i>Cardinalium Collegium</i>	<u>132</u>
	<i>Cardinalis Patronus</i>	135
	<i>Carolus V. cur Luther. Wormatia saluum dimiserit</i>	99
	<i>Censura librorum quo tendat</i>	<u>134</u>
	<i>m s</i>	<u>Cle-</u>

I N D E X.

Cleri Pontificii insolentia	33
<i>summa ignorantia</i>	95
<i>qualis ille Lutheri tempore</i>	96
<i>quare caelebs</i>	136

Conclave cui bono	138
--------------------------	------------

Constantini in reformando pristino Eccles. Sta-	
<i>tu impotentia</i>	31

Controversiarum componendarum qua spes	
<i>sit reliqua</i>	4

D.

Decretales Epistola	41
----------------------------	-----------

Dogmata Pontificia absurda	140
-----------------------------------	------------

E.

Ecclesia alia plantata, alia plantanda	19
---	-----------

<i>in Papatu gaudet opulentissimis redi-</i>	
<i>tibus</i>	53

<i>absolutâ libertate</i>	63
---------------------------	-----------

<i>ejus Constitutio</i>	25
-------------------------	-----------

<i>moderationi primi Christiani ope-</i>	
<i>ram dant</i>	28

<i>primitiva persecutiones</i>	22
--------------------------------	-----------

Epistolarum obscurorum Virorum quis Au-	
<i>thor</i>	97

Erasmus quomodo Lutheri Adversariis no-	
<i>cuerit</i>	98

Excommunicationis Pontific. fulmen	36. 156
---	----------------

F.

Factiones Guelforum & Gibellinorum	36
<i>Gen-</i>	

I N D E X.

G.

<i>Gentilium cæcitas & cultus superstitio</i>	<u>4</u>
<i>Gregorius VII. arroganti & contumaci</i>	<u>inge-</u>
<i>nio</i>	<u>69</u>

I.

<i>Iesuita, vide Lojolita.</i>	
<i>Indulgentiarum insania & futilitas</i>	<u>55. 92</u>
<i>Inquisitio Pontif. quid præstet</i>	<u>156</u>
<i>Judaica Religionis status</i>	<u>6</u>
<i>in eam Gentem reliquarum olim Na-</i>	
<i>tionum medium</i>	<u>7</u>

L.

<i>Lojolita Papam supra Concil. elevant</i>	<u>140</u>
<i>rei Scholastica procurationi præsent</i>	<u>152</u>
<i>Lutheranos inter & Reformatos an compo-</i>	
<i>sitio speranda</i>	<u>182</u>
<i>Lutherus Papatum succutit</i>	<u>89</u>
<i>contra Tecelium insurgit</i>	<u>92</u>
<i>qui tantam cladem Pontifici intule-</i>	
<i>rit</i>	<u>94</u>
<i>ad Concilium provocat</i>	<u>102</u>
<i>ejus Doctrina cur sufflaminata</i>	<u>103</u>

M.

<i>Magistratus Civilis à Clero Rom. contemptui</i>	
<i>habitus</i>	<u>34</u>
<i>Maximilianus Imperat. à Lutheri Dogmatibus</i>	
<i>non abhorruit</i>	<u>94</u>
<i>Milites Prætoriani Pontificis qui</i>	<u>59</u>
	<i>Pa-</i>

I N D E X.

P.

Papatus politicè consideratur	5
ejus origo	<u>38</u>
ulterior impulsiva	<u>47</u>
in Monarchiam evectus	<u>124</u>
& quidem elatione constantem	<u>126</u>
impugnatur	<u>78</u>
Schismatis concutitur	<u>29</u>
rursum emergit	<u>109</u>
peculiares habet proprietates	<u>118</u>
Dogmata Statui suo habet accommo-	
data	<u>139</u>
firma nititur columna	<u>166</u>
Poeta Gentiles quem Statum post mortem fin-	
xerint	<u>5</u>
Pontifex supra Clerum caput effert	<u>34</u>
Episcopis Imper. Eccles. abrogat	<u>49</u>
suis vivit legibus	<u>63</u>
contra Imperat. & omnem civilem	
Potestatem insurgit	<u>45. 68. 73</u>
Gallum in suppetias ferendas vocat	<u>65</u>
ex cujus nutu pendet	<u>85</u>
cur ejus Sedes Roma fixa	<u>44</u>
Status ejus Politicus	<u>113</u>
cælibem agit vitam	<u>127</u>
ab eo eligendo, qua requirantur qua-	
litates	<u>129</u>
propinquos ex redditib. Ecclesiast. di-	
tare consuevit	<u>133</u>
plebem fidei adstrictam tenet	<u>157</u>
quo	

I N D E X.

<i>quo affectu in Protestantes feratur</i>	178
<i>Protestantes inter & Pontificem num compo-</i> <i>nendarum controversiarum spes sit re-</i> <i>liqua?</i>	171
<i>quibus polleant viribus</i>	174
R.	
<i>Ravenna capta</i>	65
<i>Religio Christiana multis præ aliis gaudes</i> <i>commoditatibus</i>	8
<i>ejus in dolores expenditur</i>	9
<i>exterior directio penes quem esse</i> <i>conveniat</i>	11
<i>de quo controvertitur</i>	14
<i>suas sibi habet proprietates</i> <i>quomodo enata</i>	16 39
<i>Religiosorum in Papatu numerus</i>	56
<i>Residentia Episcoporum</i>	61
<i>Reuchlinus hæresis accusatur</i>	97
S.	
<i>Sedes Pontificia, alias Roma fixa, Avenionem</i> <i>transfertur</i>	84
<i>Spühlfelch/ blasphemosa nomenclatio</i>	146
<i>Status quinam ex Dominat. Pontif. aliquid</i> <i>lucrentur</i>	161
T.	
<i>Tecelius Monachus malè à Luthero exceptus</i>	92
<i>Templum Hierosolym. multis nauseam movit</i>	8
<i>Theologia Scholastica qua olim</i>	95

F I N I S.

58340.7





